







# সিঁথির সিঁদূর

শ্রীজলধর চট্টোপাধ্যায়

নাট্যভারতীতে অভিনীত

শুভ-উদ্বোধন—৮ই ভাদ্র শনিবার

১৩৪৭

গুরুদাস চট্টোপাধ্যায় এণ্ড সন্স্

২০৩।১।১, কর্ণওয়ালিস্ ষ্ট্রীট, কলিকাতা

দান—একটাকা

নাট্যকার কর্তৃক সর্বস্বত্ত্ব সংরক্ষিত

কৃষ্ণদাস চট্টোপাধ্যায় এণ্ড সন্সের পক্ষে ভারতবর্ষ প্রিন্টিং ওয়ার্কস্ হইতে

ত্রিগোবিন্দপদ ভট্টাচাৰ্য্য দ্বারা মুদ্রিত ও প্রকাশিত

২০৩১১১, কণ্ঠওয়ালিস্ ষ্ট্রিট, কলিকাতা

অমন ও চিত্রলেখা !

তোমাদের শুভ-বিবাহের স্মৃতি

—আমার এই

সিঁথির সিঁদূর

তোমাদের সেজমা

‘সিঁথির সিঁদূর’ পরিচালনা করেছেন—বঙ্গ-রঙ্গমঞ্চের  
সুপ্রসিদ্ধ শক্তিমান-নট নিম্মলেন্দু লাহিড়ী। তাঁহাকে সাহায্য  
করেছেন—রতীন বন্দ্যোপাধ্যায়, সম্ভোষ সিং ও জহর  
গঙ্গোপাধ্যায়। ইহাদের নট-নৈপুণ্য রঙ্গমঞ্চে সুবিদিত।  
ব্যক্তিগতভাবে প্রত্যেকের নিকট আমি আমার আনন্দিক  
কৃতজ্ঞতা জ্ঞাপন করছি।

বঙ্কুর তুলসী লাহিড়ী আমার গানে সুর দিয়েছেন  
ও দৃশ্যপট সাজিয়েছেন—মণীন্দ্রনাথ দাস। ইহাদের  
কৃতিত্বও নূতন নয়। ভগবানের নিকট প্রার্থনা করি—  
নাট্যভারতীর শিল্পীসত্ত্বের এই চেষ্টা ও যত্ন—সাকল্য-মণ্ডিত  
হোক।

জলধর চট্টোপাধ্যায়

## —চরিত্র—

মাধব রায়	...	সেকেন্দর জমিদার
কনক রায়	...	তাঁহার নাতি—এম-এসসি
মহীতোষ	...	প্রফেসর—দার্শনিক
অশোক সেন	...	অপরিচিত যুবক—এম-এ
নিবারণ	...	জমিদারের কর্মচারী
কৈলাশ	...	নাঠিয়াল প্রজা
লালু	...	চাকর
রামকান্ত	...	পুরোহিত

দারোগা, বরকন্দাজ প্রভৃতি

মনীষা	...	মহীতোষের কন্যা—বি-এ
রাণী	...	কনকের স্ত্রী
মানদা	...	কনকের মা
সুন্দরী	...	বি
মালা	...	কৈলাশের মেয়ে

# সিঁথির সিঁদুর

প্রথম অঙ্ক

প্রথম দৃশ্য

ভান—মানদার কক্ষ

কাল—সন্ধ্যা

দৃশ্য—একটি সুসজ্জিত কক্ষ। কক্ষের আসবাবপত্র সেকেলে—দেওয়ালে দেবদেবীর মূর্তি। সন্ধ্যার অন্ধকারে—গৃহাভ্যন্তরে কিছুই দেখা যাচ্ছেছিল না—একটি গুহময়ী হাতে লইয়া, কনকের স্ত্রী রাণী প্রবেশ করিলেন। দেবদেবীর মূর্তিগুলিকে অগ্রাম করিতে লাগিলেন।

হাসিতে হাসিতে গৃহের নিস্তব্ধতা ভঙ্গ করিয়া সুন্দরী-ও প্রবেশ করিল। সুন্দরী অত্যন্ত কুৎসিত।

সুন্দরী। দিদিমণি...ও দিদিমণি .....তি তি হি তি.....

রাণী। অতো হাসছিস্ কেন? কি হয়েছে বল্ না?



সুন্দরী । বলছি শোনো, একটা মেয়ে এসেছে, তার পায়ে জুতো, ( মুহূ  
হাসি ) হাতে ছাতা ( হাসি বৃদ্ধি ) চোখে চশমা...হা হা হা হা হা...

রাণী । আঃ পরেই না হয় হাসিস্—আগে বলনা কোথায় এসেছে ?

সুন্দরী । হন্ হন্ করে এসে বৈঠকখানা ঘরে ঢুকে, এই ভাবে কপালে  
দুটো হাত ঠেকিয়ে দাদাবাবুকে নমস্কার করলো—তার পর যে কীর্তি  
করলো দিদিনি !

রাণী । কি ?

সুন্দরী । ‘হাডুডু’ বলতে বলতে—এমনি এমনি করে ( দেখাইয়া ) বুড়ো  
কত্তার হাতখানা ধরে ঝাঁকি দিতে লাগলো । ও মাগো, কি  
মেয়ে গো !

রাণী । তার সঙ্গে আর কেউ আছে ?

সুন্দরী । হ্যাঁ, আছে—একটি আধাবয়েসী ভদ্র লোক—বোধ হয়  
তার বাবা !

রাণী । মেয়েটার কপালে সিঁদূর দেখলি ?

সুন্দরী । তা’তো লক্ষ্য করিনি !... দাঁড়াও, এখুনি দেখে আসছি...

বাস্তবাবে প্রস্থান

রাণী । রোধ হয় মনীষা সরকার—যার সূখ্যাতির কথা গুঁর মুখে  
লেগেই আছে ।

সুন্দরীর পুনঃপ্রবেশ

সুন্দরী । ও দিদিনি, দাদাবাবু আর সেই মেয়েটা এই দিকেই আসছে—  
আর্মি পালাই...

প্রস্থান

কনকের প্রবেশ

কনক । এই যে রাণী ! বাঃ, তোমাকে আমরা খুঁজে খুঁজে হয়রাণ, আর তুমি এখানে এসে চুপ্‌টি করে দাঁড়িয়ে আছ ?

মনীষার প্রবেশ

এসো মনীষা, এই দেখো আমার বৌ !

মনীষাকে দেখিয়াই রাণী ঘোমটা টানিল

কনক । ( হাসিয়া ) কেমন দেখ্‌ছো ?

মনীষা বিস্মিতভাবে তাহার মুখের দিকে চাহিয়া রহিল

মনীষা । Strange indeed ! তোমার বোকে যে এভাবে দেখবো তা'তো আশা করিনি কনকদা ?

কনক । আমিও কি আশা করেছি—এই ভাবে দেখাবো ? তবু ঠাকুরদা বলেন—নাতবো নাকি তাঁর—পরমা লক্ষ্মী ।

মনীষা । লেখাপড়া কিছু জানেন ?

কনক । লক্ষ্মীর সঙ্গে সরস্বতীর যে কি ভয়ানক বিবাদ তা কি তুমি জানো না মনীষা ? তা'তে আবার, গুর বাবা করতেন কৃষিকার্য্য ! বাড়িতে ওদের গরু ছিল অনেক ! সেই সঙ্গেই প্রতিপালিত হয়েছিলেন উনি.....

রাণী চলিয়া যাইতেছিল, মনীষা তাহার হাত টানিয়া ধরিল

মনীষা । বাঃ, তুমি যে চলে যাচ্ছ বৌদি ? আমার সঙ্গে কথা বল্বে না বুঝি ?

কনক। কথা, তোমার সঙ্গে নিশ্চয়ই বলবেন, এবং খুব বেশীই বলবেন। তবে, এখনি, এই মুহূর্তে, তা' তুমি কিছুতেই আশা করতে পার না। আমার লেগেছিল পুরো একটি উইক!

মনীষা। Disappointing--( হাসিল )

কনক। But marriage is a parmanent appointment  
—you know ?

মনীষা। বৌদি!

রাণী। ( নিরুত্তর )

মনীষা। আমার সঙ্গে কথা বলো বৌদি? ওকি—তুমি হাসছ কেন কনকদা?

কনক। চাণক্য-শ্লোক মনে পড়ছে মনীষা—তাবচ্চ শোভতে বৌদি! যাবৎ কিঞ্চিন্নভাষতে।

মনীষা। কনকদার এত বিজ্ঞপ কেন সহ্য করছ বৌদি? হঠাৎ রাগ করে, মুখের কাপড়টা ফেলে দাঁড়াও না একবার—চমৎকার ড্রামাটিক শিফ্ হয়ে যাক—

কনক। আমার সামনে? impossible—simply impossible...

মনীষা। তাহলে তুমিই যাও এখান থেকে, বৌদির সঙ্গে আমি একটু আলাপ-পরিচয় করি...

কনক। Very well, অয়মারস্ত শুভায় ভবতু!

প্রস্থান

মনীষা। বৌদি!

রাণী ধীরে ধীরে ঘোমটা সরাইল—ভাগ্যর চোখে জল

ওকি বৌদি ? তুমি কাঁদছ ?

রাণী । ( চোখ মুছিয়া ) আপনি এখানে কদিন থাকবেন ?

মনীষা । ছিঃ তুমি আমাকে আপনি বলো না । কনকদা যে আমার আপন দাদার চেয়েও বেশী । ওঃ ভুল হ'য়ে গেছে, তোমার পায়ের ধূলা নিইনি তো...

প্রণাম করিল

রাণী । থাক, থাক, ক'দিন এখানে থাকবে ভাই ?

মনীষা । কালই চ'লে যাবো । কিন্তু, আমার আর কোনো পরিচয় তো জিজ্ঞেস করলে না ?

রাণী । আমি তোমাকে চিনি ।

মনীষা । তাই নাকি ? ( হাসিল ) আচ্ছা, তুমি কখনো ক'লকাতা যাওনি বোধ হয় ?

রাণী । না ।

মনীষা । আমিও কখনো পাড়াগাঁ দেখিনি । আমার খুব ভাল লাগছে । পথে আসবার সময়, দুধারে সবুজ ধানের খেতগুলি দেখতে দেখতে আমার ইচ্ছে হচ্ছিল, আঁচলটা পেতে সেখানেই ব'সে থাকি । তুমি নাকি ওদিকে বেড়াতে যাওনা কখনো, কনকদা বলছিল ।

রাণী । কি ক'রে যাবো ভাই ? আমি যে এই রায়-পরিবারের বৌরাণী ! পাক্কী-বেহারা ছাড়া ঘরের বার হলেই আমার নিন্দে হবে—

মনীষা । তা' কেন হবে ? সীতা যে রামচন্দ্রের সঙ্গে বনে গিয়েছিলেন, তাকে কি কেউ বাধা দিতে পেরেছিল ?

মাধব রায়ের প্রবেশ

মাধব। লোকনিন্দা উপেক্ষা ক'রে সীতা যে রামচন্দ্রের সঙ্গে বনে গিয়েছিলেন তার ফলটা তো খুব ভালো হয়নি—বিবিসাহেব !  
প্রথমে হলো সীতা-হরণ, তারপর রাবণ-বধ, তারপর সীতার—  
পাতাল-প্রবেশ !

মনীষা। সীতা-হরণের কারণ, সীতার বনে-গমন নয় ঠাকুরদা...

মাধব। তবে ?

মনীষা। অতিরিক্ত নীতিজ্ঞানসম্পন্ন—লক্ষ্মণ-ঠাকুরের নারী-নির্যাতন।  
কি প্রয়োজন হয়েছিল তাঁর, একটি ভদ্রমহিলার নাক-কান কেটে  
দেওয়ার ?

মাধব। হা হা হা হা...সূর্যপথা একটি ভদ্র-মহিলাই বটে ! পুরুষ মানুষের  
উপর চড়াও হ'য়ে প্রেমনিবেদন করতে পারা, একটি মহিলার পক্ষে  
যথেষ্ট ভদ্রতার পরিচয়...কি বলো নাভবো ?

মনীষা। দেখুন ঠাকুরদা, প্রেমনিবেদনের শাস্তিটা যদি নাক-কান কেটে  
দেওয়া ছাড়া আর কিছু না হয়—তা' হলে এ কালের মেয়েদের স্বধু  
জাঁতী বা বাঁটা নিয়েই দাঁড়িয়ে থাকা উচিত !

রাণী। আপনি কিন্তু হেরে গেলেন ঠাকুরদা।

মাধব। একালের সূর্যপথাদের কাছে তো হারতেই হবে নাভবো—  
উপায় কি ?

মনীষা। আপনার লক্ষ্মণঠাকুরটি হারতে চাননি বলেই তো সাতকাণ্ড  
রামায়ণ !

মাধব। আমার বয়স এখন সাতের কোঠায়। হারতে চাওয়াই এখন

আমার মন্ত জিৎ । কিন্তু যারা শুধু জিত্তেই ভালবাসে, তাঁদের  
বেলায় একটু বুঝেসুঝে চলো বিবিসাহেব !  
রাণী । মনীষা বি, এ, পাশ মেয়ে, আমাদের মত মুখ্য নয় ঠাকুরদা...  
মাধব । বি, এ, পাশ মেয়ের মুখে লাগাম পুরাবার মতো, এম, এ, পাশ  
ছেলেরাও তো আছে ?

মনীষা লজ্জিত হইল

সুন্দরীর প্রবেশ

সুন্দরী । দেখুন দাদামশাই, আপনার ওই চশমা পরা নাতনীটি দেখছি—  
জুতো পায়ে এঘরে ঢুকেছেন । মা বল্লেন—জুতো জোড়া বাইরে  
থলে রাখতে ।

মনীষা । এ ঘরে কি.....

সুন্দরী । হ্যাঁ এ ঘরে ব'সে মা ঠাকুরণ সন্ধ্যা-পূজা করেন ।

মনীষা । ( বিব্রত ভাবে ) তাই নাকি ? এ অত্যাটো তোমার বৌদি,  
তুমি কেন এতক্ষণ বলোনি আমাকে ?

জুতা বাহিরে রাখিল

সুন্দরী । ( স্বগত, ভঙ্গীসহকারে ) ধুমসো মাগী, চোখের মাথা খেয়ে চশমা  
পরেছি—চোখে দেখতে পাস্ না ?

প্রস্থান

মাধবের প্রবেশ

রাণী । ঠাকুরদা গুরা নাকি কালই চলে যাবেন ?

মাধব । হ্যাঁ, তাইতো শুন্ছি—

রাণী। আপনার পায় পড়ি ঠাকুরদা মনীষাদিকে যেতে দেবেন না। উনি  
কিছুদিন থাকবেন এখানে। আমার বড্ড ভাল লাগছে ওঁকে...  
মাধব। এ বেড়ালের কাছে মাছ রেখে যেতে মহীতোষ কি রাজী হবে—?  
মনীষা। যে মাছের কাঁটা খুব শক্ত তা' চিবুতে গেলে—বেড়ালকেও জব্ব  
হতে হয়—

ঘোমটা টানিয়া রাণীর প্রস্থান

কনকের প্রবেশ

কনক—ঠাকুরদা, আপাতত আমাকে পঞ্চাশ হাজার টাকা দিতে হবে।

আমি আজই কলকাতায় যাবো...

মাধব। পঞ্চাশ...হাজার...টাকা!

কনক। হ্যাঁ, আমি একটা ছবি তুলবো—খুব ভালো ছবি।

মাধব। আজকাল তো শুন্ছি একটাকায় আটখানা ছবি তোলা যায়।

তোমার ছবি তুলতে পঞ্চাশ হাজার টাকা লাগবে কেন?

কনক। সে ছবি নয়, ফিল্মের ছবি! আমি একখানা ইংরিজি নভেলের

বাংলা—‘এডাপ্টেসান্’ করেছি।

মাধব। ইংরেজি নাটকের কি করেছ?

কনক। ‘এডাপ্টেসান্!’ যাকে বলে—যাকে বলে—‘এডাপ্টেসানে’র

বাংলা প্রতিশব্দ কি মনীষা?

মনীষা। আমি জানি না।

মাধব। হা হা হা হা...উনি কি,এ—তুমি এম,এ! যে ভাষার একটা বাংলা

প্রতিশব্দ খুঁজে পাচ্ছ না, তার তুলবে বাংলা ছবি? আগে বাংলাকে

চেনো, বাংলার স্বরূপটা বোঝো, তারপর তোলা বাংলা-ছবি!

কনক। যাক গে আমি একটা কিছু করবই। এভাবে লাইফটাকে spoil করতে পারবো না।

মাধব। স্বর্গীয় যত্নরায়ের হৃতভাগ্য পিতা আমি মাধব রায়—তার একমাত্র পৌত্র তুমি কনক রায়! তোমার জমিদারীর নেট মুনফা পাঁচলাখ টাকা। এহেন কনক রায়ের লাইফটা ‘পায়েল না ঘায়েল’ কি একটা হয়ে গেল—যেহেতু তিনি ছবি তুলতে পারছেন না? কথাটার মানে আমাদের বুঝিয়ে দিতে পার মনীষা-বিবি?

মনীষা। হ্যাঁ পারি...

মাধব। পার নাকি? বেশ, বেশ, আচ্ছা বলোতো শুনি ব্যাপারটা কি?

মনীষা। কনকদা ব্যাটা ছেলে—শিক্ষিত ও স্বাস্থ্যবান। সে চায় নিজের সামর্থ্যের পরিচয় দিতে। বাপ-ঠাকুরদার অর্থ-সামর্থ্যের দিকে চেয়ে বসে থাকে, যারা আমাদের মত অবলা—শেয়ার্ল-কুকুরেও অধম!

মাধব। তাই নাকি—হা হা হা হা...

কনক। হাসবেন না ঠাকুরদা। মেয়েদের আপনারা কি করে রেখেছেন জানেন? বাক্স-বিহানার মতই Stationary goods!

মনীষা। ব্যক্তিই বলুন, আর জাতিই বলুন—ইকনমিক শ্রালভেসান ছাড়া কারো স্বাধীন—সস্তা বজায় থাকতে পারে না। কথা হচ্ছে...

মাধব। থামো থামো। মাধব রায় ছিলেন জমিদার, আর তার পরিবার ছিলেন—ক্লেমঙ্করী দাসী! ক্লেমঙ্করী যখন বলেছেন—উঠে দাঁড়াও—দাঁড়িয়েছি। বসো—বসেছি। এই ক্লেমঙ্করী আর মাধব রায়ের মধ্যে কে কার অধীন ছিলেন বলতে পার?



মনীষা । আপনাদের সে কালের কথা ছেড়ে দিন—

মাধব । শোনো মনীষা-বিবি ! মেয়েমানুষ কোনো কালেই পুরুষের অধীন নয় । এই ছুনিয়াটাকে যারা বৃদ্ধাপুষ্ঠের উপর চর্কি ক'রে ঘোরাচ্ছে, তারা যদি পরাধীন হয়—তা'হলে তোমরা স্বাধীনতার মানেই জানো না ।

কর্পূচরী নিবারণের প্রবেশ

খবর কি নিবারণ ?

নিবারণ । আজ্ঞে তিনি এলেন না ।

মাধব । ( বিস্মিতভাবে ) এলেন না ?

নিবারণ । ( ভীতভাবে ) আজ্ঞে না...

মাধব । কি বললেন ?

নিবারণ । বললেন—জমিদার মাধব রায়ের যদি কোনো প্রয়োজন থাকে, তা'হলে তিনি নিজেই এসে আমার সঙ্গে দেখা করতে পারেন ।

মাধব । ( উত্তেজিতভাবে ) বটে ? বটে ? আচ্ছা, পাঁচজন বরকন্দাজ পাঠিয়ে দাও—এখুনি তাকে বেঁধে নিয়ে আস্বে ।

নিবারণ । ( ভীতভাবে ) বেঁধে নিয়ে ?

মাধব । ( অত্যন্ত উত্তেজিতভাবে ) হ্যাঁ, হ্যাঁ, বেঁধে নিয়ে । আমি মাধব রায় আমি যাব তার সঙ্গে দেখা করতে, আর তিনি আসতে পারবেন না, আমার এখানে ? বলি, কোথাকার লাটসাহেব তিনি ? যাও—যা বলছি তাই করো...

নিবারণের প্রস্থান

মনীষা। কে ঠাকুরদা ?

মাধব। কেউ নয়। হ্যাঁ, কি বল্ছিলাম ? স্ত্রী-স্বাধীনতার কথা।

তাই হবে কনক ! আমার সমস্ত জমিদারী আমি নাতবৌয়ের নামে  
উইল করবো, আর তার তহবিল থেকে তোমাকে দেবো পঞ্চাশহাজার  
টাকা কর্জ। তাই নিয়ে তুমি ছবি তুলবে—রাজী আছে ?

মনীষা। নিশ্চয়ই আছেন...

কনক। ( বিশেষ চিন্তিত ভাবে ) কাজটা কি ভাল হবে ঠাকুরদা ?

মাধব। কোন্ কাজটা ?

কনক। অশোকবাবুকে এই ভাবে বেঁধে আনা ?

মাধব। কেন ভাল হবে না ? আমি মাধব রায় আমার জমিদারীর  
এলেকায় এসে—আমাকে অগ্রাহ্য করবে ? আমার উপর চোখ  
রাঙাবে ? আমি দেখে নেব—তার ঘাড়ে ক'টা মাথা !

মনীষা। ( চিন্তিত ভাবে ) কে এই অশোকবাবু কনকদা ?

মাধব। কত বড় দুঃসাহসের কথা ! আমি মাধব রায়—আমার  
জমিদারীতে দাঁড়িয়ে আমার প্রজাদের বল্ছে—জমিদার কেউ নয় !  
তাকে অমান্ত করলে কোনো অপরাধ হয় না ! বাছাধন বোধহয়—  
মাধব রায়কে চেনেন না । আজই ধরিয়ে এনে ঠাণ্ডা গারদে পুরবো—  
চিনিয়ে দেব—এই মাধব রায় লোকটা কে ?

নিবারণ আসিয়া ভীতভাবে দাঁড়াইল

আবার কি নিবারণ ?

নিবারণ। বরকন্দাজরা কি শুধু লাঠি সোটা নিয়েই যাবে, না হু'একটা  
বন্দুকও থাকবে তাদের সাথে ?

প্রথম অঙ্ক

সিঁথির সিঁদূর

প্রথম দৃশ্য

মাধব। (বিরক্তভাবে) তোমাদের কোনো কাণ্ডজ্ঞান নেই। কোথাকার একটা কে—তার জন্তে হাতী, ঘোড়া, কামান, বন্দুক—যেন একেবারে চীন-জাপানের লড়াই বেধে উঠেছে। মাতুর দু'জন বরকন্দাজ পাঠিয়ে দাও—ছোকরার কান দুটো ধরে হিড়্ হিড়্ করে টেনে আনুক—নিবারণ। যে আজে—

যাইতেছিল

মাধব। শোনো নিবারণ!

ফিরিল

(চিন্তা করিয়া) আচ্ছা, এখন থাক। কাল সকালে সূর্যোদয়ের পূর্বেই বরকন্দাজদের পাঠিয়ে দিও—নিবারণ। যে আজে...

প্রস্থান

মাধব। তা'হলে আমি এখন আসি—দাদা-দিদি? সেই কথাই ঠিক রইলো—আমার এই জমিদারী পাবে নাতবো...

প্রস্থান

মনীষা। কে এই অশোকবাবু কনকদা?

কনক। কি জানি! লোকটাকে আমি এখনো দেখিনি—শুনতে পাই—একটা মস্ত স্কলার, চাষাদের সঙ্গে মাঠে মাঠে ঘুরে বেড়ায়—কখনো কোনো ভদ্রলোকের সঙ্গে কথা বলে না।

দিস্তিতভাবে মনীষার প্রস্থান

রাণীর প্রবেশ

রাণী । তুমি ক্ষেপেছ ?

কনক । কেন রাণী ?

রাণী । তুমি থাকতে আমি হবো এই জমিদারীর মালিক ? কি যে বলো—

যাও যাও, দাদামশাইকে ব'লে এসো তা কিছুতেই হতে পারে না ।

কনক । কেন ? চাষার মেয়ে তুমি জমিদারী পাবে, আর জমিদারের

ছেলে আমি চাষানো ক'রে বেড়াবো, এই তো ছনিয়ার নিয়ম ।

রাণী । আচ্ছা, ( চিন্তা করিয়া ) একটা কথা বলবো ?

কনক । কি ?

রাণী । এই মনীষাদিকে তুমি বিয়ে করো ।

কনক । এখন আর সে সম্ভাবনা নেই বলেই, বোধহয় পরিহাস করছ ?

রাণী । না, না, পরিহাস নয় । আমি যে তোমার কত অনুপযুক্ত তা' কি

আমি বুঝি না ? আমি মরলে, তুমি নিশ্চয়ই মনীষাদিকে বিয়ে

• করবে ? বেঁচে থেকেই বা তোমার সে সুখটুকু কেন দেখবো না ?

আমাকে তুমি ভালবাসো না...ভালবাসতে পারো না...কিন্তু আমি...

কাঁদিল

কনক । ( হাসিয়া ) মনীষার সঙ্গে এখন আমাকে বিয়ে দিতে পার রাণী ?

রাণী । কেন পারবো না ? তোমাকে সুখী করতে—তোমার মুখে

একটু হাসি দেখতে—আমি কি না পারি ? ( কাঁদিল )

কনক । তা'হলে জমিদারীটা তোমার নামেই লেখাপড়া হোক—

তারপর—

প্রথম অঙ্ক

সিঁথির সিঁদূর

প্রথম দৃশ্য

রাণী । না, না, আমি জমিদারী চাই না—আমি শুধু চাই—এই সিঁথির  
সিঁদূরটুকু নিয়ে, দিনান্তে, তোমার পায়ের উপর আমার নাখাটা  
একবার রাখতে ..

প্রণামি করিল—কনক হাসিল

লালুর সঙ্গে ছদ্মবেশী অশোকের প্রবেশ

কনক । কে ?

রাণী চকিত ভাবে ঘোমটা টানিয়া চলিয়া গেল

লালু । ( একটু তোতলা ) এই লোকটা আপনার সঙ্গে একবার দেখা  
করতে চায়—

কনক । ( বিস্মিতভাবে ) দেখা করতে চায় ব'লে একটা অপরিচিত  
লোককে তুই এই অন্দর মহলে নিয়ে এলি ? কী আশ্চর্য্য !

লালু । আজ্ঞে, আমার কোনো দোষ নেই । লোকটা কিছুতেই গুল্লো  
না, আমার সঙ্গে সঙ্গে চলে এলো...

কনক । কি চাও তুমি ?

অশোক । না, আর কিছুই চাই না । জমিদার মাধব রায়কে দূর থেকে  
দেখে এসেছি—আপনাকে একটু কাছে এসে দেখবার সাধ হয়েছিল  
—কিন্তু সে সাধ আর নেই—

কনক । কেন ?

অশোক । নিজের পরিবারটিকেই যিনি 'চাষার মেয়ে' ব'লে ঘৃণা করেন—  
তার কাছে আর কোনো প্রার্থনাই নেই আমার ।

ফনক । তুমি একজন চাষা ?

অশোক । আজে হ্যাঁ ।

ফনক । কি তোমার প্রার্থনা ? বলো...

অশোক । চরণ-বিলের জল-নিকাশের ব্যবস্থা ক'রে না দিলে—চাষী  
প্রজাদের দুর্গতির সীমা থাকবেনা—

ফনক । তোমাদের অশোক সেন নাকি জমিদারকে অগ্রাহ্য করেই সে  
ব্যবস্থা করবেন ? . .

অশোক । আজে হ্যাঁ, জমিদার যদি না—করেন, তা'হলে নিশ্চয়ই  
করবেন তিনি ।

ফনক । তবে আর এখানে এসেছ কেন ? তাঁর কাছেই যাও—

অশোক । তা' ছাড়া আর উপায় কি ? আচ্ছা, আসি তা'হলে,  
নমস্কার ।

বাইতেছিল

ফনক । শোনো । জমিদারের স্বার্থের দিকে চেয়ে চরণ-বিলের জল  
নিকাশ করা হবে না । একথাটা অশোকবাবুকে বুঝিয়ে বলো—

অশোক । প্রজাকে বাঁচিয়ে রাখার চেয়ে বড় স্বার্থ জমিদারের আর কি  
থাকতে পারে ?

ফনক । সে তর্ক আমি তোমার সাথে করতে চাই না । নোটের উপর  
তোমাদের অশোক সেনকে জমিদার মাধব রায় একবার দেখে নেবেন  
—একথাটাও বলো তাঁ'কে...

অশোক । ঐ আজে—বলবো...

প্রস্থান

কনক। হেই লালু! কোনো চাষাকে যদি এই ভাবে অন্তরে নিয়ে আসিস্—তা'হলে তাকে জুতিয়ে সোজা করবো—

ভীতভাবে লালুর প্রস্থান

রাণীর প্রবেশ

রাণী। কে লোকটা?

কনক। বে-আক্কেলো চাষা! বোধহয় তোমাদের সোজা বাড়ি—

রাণী। তাকে তুমি ওভাবে তাড়িয়ে দিলে 'কেন? আহা! হা, বেচারী বহদূর থেকে এসেছে—চোখ মুখ শুকিয়ে গেছে—ডাকো না, আমি কিছু খাবার এনে দি...

কনক। চাষাদের সঙ্গে ওসব আত্মীয়তা তুমি সেই দিন ক'রো রাণী, যেদিন নিজে জমিদারী পাবে।

রাণী। ও কথাটা বার বার ব'লে কেন আমাকে দুঃখ দিচ্ছ? সত্যিই যদি দাদামশাই আমার নামে কোনো উইল করেন—সে উইল আমি টুক্করো টুক্করো ক'রে ছিঁড়ে ফেলবো—

মনীষার প্রবেশ—রাণী ঘোমটা টানিল

মনীষা। ছিঃ বৌদি, তুমি ভারি সে-কেলে! কেন ওভাবে বারবার ঘোমটা টানছ? আমার অসাক্ষাতে তো কনকদার সঙ্গে বেশ ঝগড়া করছিলে?

ঘোমটা সরাইয়া দিল—রাণী প্রতিবাদ করিল না

আচ্ছা কনকদা, বৌদিকে তুমি 'চাষার মেয়ে' ব'লো কেন? সত্যিই কি গুর বাবা চাষা ছিলেন?

কনক। একেবারেই raw, uncultured.—আমার বিয়ের দুর্ঘটনাটা বোধ হয় শোনোনি তুমি ?

মনীষা। দুর্ঘটনা ?

কনক। হ্যাঁ, বিয়ের একটা দিন আগেও আমি জান্তাম না যে কাল আমার বিয়ে। মফস্বলে যাবার পথে দাদামশাই একদিন হঠাৎ ঘোড়া থেকে পড়ে যান। সেখানকার চাষারা তাঁকে ধরাধরি করে, এক মাতব্বর—গেরস্থের বাড়িতে নিয়ে যায়—সেই মাতব্বরের মেয়েই তোমার এই বৌদি !\* চাষাদের গাঁয়ের মাতব্বর কিনা, তাই নামটাও দস্তখৎ করতে জানতেন না—সুতরাং মেয়েটিকেও একটু লেখাপড়া শেখাবার আবশ্যকতা বোধ করেন নি।

মনীষা। বিয়েটা হলো কি ক’রে তা’তো বল্লে না ?

কনক। বলছি, শোনো। পায়ের ব্যথায় দাদামশাই অস্থির হয়ে পড়েছিলেন। তোমার এই বৌদিই সারারাত জেগে পদসেবা করেছিলেন তাঁর। মহাদেব তখন পার্শ্বতীকে বল্লেন—“বরং বৃণু !”

• পার্শ্বতী লজ্জায় অধোবদন হয়ে রইলেন—

মনীষা। Romantic !

কনক। হ্যাঁ, romantic, কিন্তু এ romance-এর Victim হ’তে হলো আমাকে। বুড়ো দাদামশাই তো বয়েসের নাগাল পেলেন না, কি আর করবেন ?

মনীষা। চাষার মেয়ে ব’লে বৌদির উপর তুমি আর অবিচার ক’রোনা কনকদা—She is an emblem of innocence and purity.



কনক। দাদামশাই তো ওর 'পর স্মৃতিচার করবেন—জমিদারী দিয়ে।

তবে আর ভাবনা কি ?

মনীষা। বৌদি সে মেয়ে নয় কনকদা ! স্বামীর ভালবাসার চেয়েও, পাঁচলাখ টাকার জমিদারীকে বেশী পছন্দ করে—আমাদের মত কলেজে-পড়া মেয়েরা—জগৎকে যারা টাকা-আনা-পাই দিয়ে বিচার করতে শিখেছে—বৌদি তো তা' শেখেনি ? কেঁদনা বৌদি ! ( চোখ মুছাইল ) বাপের বাড়িতে তোমার আর কে আছে ?

কনক। কেউ নেই। জমিদার-বাড়িতে কল্যাসম্প্রদান ক'রে গুঁর বাপ-মা সবাই স্বর্গে গেছেন—শুন্তে পাই এক গুণধর দাদা আছেন লক্ষ্মী সহরে—কোন এক বাইজীর বাড়িতে ডুগি-তবলা বাজান—

মনীষা। ছিঃ কনকদা, কি যা'তা বলছ ?

কনক। যা' সত্যি তাই বলছি—মনীষা !

মাধবের প্রবেশ

রাণীর প্রস্থান

মাধব। কনক, একটা লোক এসেছিল তোমার এখানে ?

কনক। হ্যাঁ, লালু সঙ্গে ক'রে নিয়ে এসেছিল।

মাধব। ( উত্তেজিতভাবে ) লালু ! লালু !

লালু ভীতভাবে সামনে আসিয়া দাঁড়াইল

বল্ সে কোন্ দিকে গেল ?

লালু। আজ্ঞে সিঁড়িঘর পর্য্যন্ত যেতে দেখেছি—তারপর যে কোন্ দিকে গেছে—ঠাওর করতে পারিনি !

মাধব। আমি তোকে জুতিয়ে লগা করবো পাজি, হারামজাদা ! একটা অপরিচিত লোককে এনে অন্তরমহলে ঢুকিয়েছিল, এখন সে কোনদিকে গেল বলতে পারবিনে ? যা' শীগ্গীর খুঁজে দেখ্—সমস্ত বাড়িটা তন্ন তন্ন করে খুঁজে দেখ্—কোথায়ও লুকিয়ে আছে কি না...?

লালুর প্রস্থান

নিবারণের প্রবেশ

কোনো খোঁজ পেলে নিবারণ ?

নিবারণ। আজ্ঞে না।

মাধব। কী আশ্চর্য্য ! আচ্ছা, তুমি কি ঠিকই দেখেছ, লোকটা অশোক সেন—

নিবারণ। আজ্ঞে হ্যাঁ...

• কনক। ( চমকিয়া ) অশোক সেন ?

মাধব। আমাদের বলতে না এসে, আগে দারোয়ানদের খবর দিলেন কেন—পিচ্‌মোড়া দিয়ে বেঁধে ফেলতো—

নিবারণ। আজ্ঞে ভুল হ'য়ে গেছে !

মাধব। ( ভেঙাইয়া ) ভুল হয়ে গেছে—যত অপদার্থ নেমকহারামের দল ! যাও এখন ভাল ক'রে খুঁজে দেখো, চারদিকে লোক পাঠাও, নিশ্চয়ই বেশীদূর যেতে পারেনি। কী আশ্চর্য্য, এই বাঘের ঘরে ঢুকে, অনায়াসে বেরিয়ে গেল একটা শেয়ালের বাচ্চা ? কেউ তার

টুঁটি কামড়ে ধরতে পারলে না ? আমি তাকে চাই—কাল সূর্যোদয়ের  
পূর্বেই চাই—যাও—ব্যবস্থা করগে—

একদিকে নিবারণ অশুদ্ধিকে মাধবের প্রস্থান

কনক । সত্যিই মনীষা, আমি অত্যন্ত বিস্মিত হয়েছি । কী দুঃসাহস  
এই অশোক সেনের...

মনীষা । তুমি ঠিক জানো কনকদা—এই অশোক সেন একজন  
মস্ত স্কলার ? ( চিন্তিত হইল )

কনক । হ্যাঁ । কেন বলো তো ?

মহীতোষের প্রবেশ

মনীষা । বাবা, অশোকদা এখানে ?

মহীতোষ । হ্যাঁ, তাইতো শুন্ছি—কিন্তু ব্যাপার কি ? কিছুতো বুঝতে  
পারছিনে ! কনক ! বাবা এদিকে একবার এসোতো—মনীষা,  
আমাদের জিনিষপত্রের সব গুছিয়ে ফেল—কাল ভোরের ট্রেনেই  
কল্কাতা রওনা হবো...

কনক ও মহীতোষের প্রস্থান

রাণী । ( ব্যাকুল ভাবে মনীষার হাত ধরিয়া ) তুমি চলে যাবে ?

মনীষা । হ্যাঁ—বাবা তো তাই বল্লেন । কিন্তু—বৌদি ! আমি বোধহয়  
যাবনা—যেতে পারবনা—আমার অশোকদা এখানে ।

রাণী । কে তোমার অশোকদা ?

মনীষা । আমার ? কেউ নয় । তিনি এই দেশের ও দেশের সেবক—  
তাই আমি তাঁকে শ্রদ্ধা করি— ( প্রণাম করিল )

## দ্বিতীয় দৃশ্য

স্থান—জমিনার বাড়ির সম্মুখস্থ পুষ্পোত্তান

কাল—প্রভাত .

দৃশ্য—পুষ্পোত্তানের মধ্যে একটি টিপয়ের দুই পার্শ্বে—মহীতোষ ও কনক—চা-পান করিতেছিলেন—ও সংবাদপত্র দেখিতেছিলেন—

মহীতোষ। শোনো কনক ! আসল ব্যাপারটা তোমাকে খুলেই বলি—

এই অশোক সেনকেই মনীষা ভালবাসে। অশোক যে খুব উচ্চশিক্ষিত

ও চরিত্রবান সে বিষয়ে কোনো সন্দেহ নেই—

কনক। আপনি ভুল বুঝেছেন জ্যাঠামশাই চরিত্রবান সে মোটেই নয়—

মহীতোষ। কেন—কেন ?

কনক। তার এই প্রজা-হিতৈষণার মূলে কি আছে জানেন ?

মহীতোষ। কি ?

কনক। একটা ‘চাষার মেয়ে’র প্রেম !

মহীতোষ। অসম্ভব—হতেই পারে না। সে যে আমার ছাত্র ছিল—

He was the most disciplined boy of my class...

কনক। ছাত্রজীবন দিয়ে মানুষকে বিচার করা চলে না, জ্যাঠামশাই—

মহীতোষ। তুমি তো আমাকে বড্ডই ভাবিয়ে তুললে কনক ! আমি যে

তার সঙ্গেই মনীষার বিয়ে দেব ঠিক করেছি—কিন্তু—কিন্তু—যদি আজ

একটা ‘চাষার মেয়ের’ প্রেমে পড়ে থাকে—নাঃ, বড়ই মুন্সিলের কথা হ’লো দেখছি—

কনক। কেন, মুন্সিলের কথাটা কি হলো? অশোক ছাড়া কি দেশে আর ছেলে নেই?

মহীতোষ। আহা, তুমি বুঝতে পারছ না, মেয়েটা তাকে ভালবাসে যে—  
কনক। কে কা’কে ভালবাসে সে খবর রাখার কি কোনো প্রয়োজন আছে আপনাদের সমাজে?

মহীতোষ। শোনো কনক! মনীষা যখন আই, এ, পড়তো—তখন তোমার বাবার সঙ্গেই আমার কথা হয়েছিল—ওকে বিয়ে দেব তোমার সঙ্গে। কিন্তু তোমার মা বললেন—ইংরেজি লেখাপড়া-জানা মেয়ে, ঘরে আনবেন না। তারপর যত্ন মারা গেল, তোমারও বিয়ে হয়ে গেল—মনীষাও বড় হয়ে উঠলো।

কনক। মনীষাকেই বা এতদিন একটা বিয়ে দিলেন না কেন?

মহীতোষ। আহা-হা-হা, তুমি বুঝতে—পারছ না, মেয়ে আমার ক্রমে বড় হয়ে উঠলো,—বি, এ, পাশ করলো—এখন কি আর তার মতামতটা উপেক্ষা করা চলে?

মনীষার প্রবেশ

মনীষা। বাবা! বরকন্দাজরা নাকি গেছে—অশোকদাকে বেঁধে আনতে?  
আমাদের সামনেই—তাকে—অপমান করা হবে?

মহীতোষ। না, না, না—তাকি হতে পারে? আমি এখনি যাচ্ছি—  
বুড়োকর্তার কাছে।

প্রস্থান

প্রথম অঙ্ক

সিঁথির সিঁদূর

দ্বিতীয় দৃশ্য

কনক। ব'সো মনীষা, আচ্ছা, এই অশোক সেনকেই তুমি খুব ভালবাসো, না ?

মনীষা। হ্যাঁ কনকদা, আমি তাঁকে খুব ভক্তি করি। সত্যিই তিনি একটা মানুষের মত মানুষ—

কনক। ( হাসিয়া ) তাই নাকি ? কতদিনের আলাপ-পরিচয় তোমাদের ?

মনীষা। বেশীদিনের নয়...

কনক। তা'হলে—তার সম্বন্ধে বেশী-কিছু—জানোনা নিশ্চয়ই ?  
কি বলে ?

মনীষা। এত সরল তার চোখের দৃষ্টি—এত সোজা তার মুখের ভাষা—  
আর, এত স্পষ্ট ও পবিত্র তার প্রত্যেকটি কাজ যে—তাকে বুঝে নিতে  
খুব বেশী দিনের প্রয়োজন হয় না—

কনক। ( হাসিয়া ) তাই নাকি—হা হা হা—

মনীষা। তুমি হাস্ছ কেন কনকদা ?

কনক। আচ্ছা, আমাদের এই রায়গাঁ তোমাদের কেমন লাগ্ছে ?

মনীষা ! খুব ভালো। জীবনে আমি এই প্রথম পাড়াগাঁ দেখলাম। এত  
জল, এত আলো, এত বাতাস, সত্যি কনকদা এখানকার মানুষগুলো  
খুব সুখী।

ভয়ানক ক্রুদ্ধমূর্তিতে টিকি ও নামাবলী উড়াইয়া রামকানু

ঠাকুরের প্রবেশ—পিছনে হুন্দরী

রামকানু ! না, না, না, আমি আর কিছুতেই থাক্‌পো না এখানে—আজই  
চলে যাবো—

কনক। কেন, কি হয়েছে ঠাকুরমশাই ?

সুন্দরী। আপনি নাকি কি বলেছেন ?

কনক। ( বিস্মিতভাবে ) আমি ?

রামকান্ত। হ্যাঁ, আপনি। আমি রামকান্ত শর্মা—আমার ঠাকুরদা  
অমাবস্তুর রাত্রির চাঁদ দেখাইছেলো, তার ঠাকুরদা নবগঙ্গার বাঁক  
ফিরেইছেলো, তার ঠাকুরদা রাগ ক’রে এমন এক লাথি মারিছেলো  
এই মাটিতে যে, তাতেই হইছেলো তোমাগে—ওই শ্রীচরণের  
দীঘি ! আর তুমি ইংরেজি নবিশ, আমারে চেন না...

কনক। আপনার ক্রোধের কারণ তো আমি কিছু বুঝতে পারছিনে  
ঠাকুরমশাই !

রামকান্ত। বাওনের ছাওয়াল ভিক্ষে করে খাবো। বড়লোকের কি  
ধার ধারি ? তুমি ইংরেজি-নবীশ আমারে কও ‘পুয়োর-ম্যান’ ?

কনক। ও, সেই কথা ?

হাসিল

মনীষা। কিন্তু ঠাকুরমশাই, ব্রাহ্মণকে পুয়োর-ম্যান বললে তো গালাগালি  
দেওয়া হয় না, খুব উচ্চপ্রশংসাই করা হয়।

রামকান্ত। আরে মণি, তুমি তার কি বোঝো ? ‘গরীব-বাওন’ কলি হয়  
না, কিন্তু ‘পুয়োরম্যান’ কলি হয়। আচ্ছা, মণি, কাল যে তোমরা  
ঠাকুরবাড়ির বারান্দায় ব’সে, হাস্লে, রস্লে, আর ছরবেছর ইংরেজিতে  
বাওচাল্লি করলে—বলি, তার মানেডা কি ? যার পনর-আনাই  
আমি বুঝতি পারলাম না, তা’ যে গালাগালি না, তা’ আমি বোঝ্ বো  
কেনন করে ?

কনক ও মনীষা হাসিতেছিল

( গম্ভীর ভাবে ) দেখো—দেখো যে হাসির ঘটা ! দেখিছ ? আচ্ছা  
জিজ্ঞাসা করি—এ হাসির নানেডা কি ?

তাহাদের হাসি আরও বৃদ্ধি হইল

একি সহ্য করা যাল্ল ? কোনো মানুষ কি পারে এই নছল্লা সহ্য  
করতি ? নাঃ—আমি আর কিছুইতেই থাক্‌পো না এখানে ।  
সুন্দরী । না, না, আপনি রাগ করবেন না—চলুন ঠাকুরবাড়িতে...  
রামকালু । আরে মণি, তুই আর ফ্যাচ্ ফ্যাচ্ করিস্নে—আমার ভালো  
ঠাকেকে না—

একটা তাম্রকমণ্ডলু ও ফুলের সাজি হাতে লইয়া সম্ভ্রান্ত ও

পটুবস্ত্র পরিহিত মাধব রায়ের প্রবেশ

মাধব । ( কমণ্ডলু হইতে হাতে একটু জল লইয়া ) দিন ঠাকুরমশাই—  
একটু পাদোদক দিন—

রামকালু । ( পায়ের বৃদ্ধাঙ্গুষ্ঠ জলে ডুবাইয়া ) গুনো, আপনার ভক্তির  
বাঁধন ছিড়তি পারতিছি নে—রায়মশায় ! তা' না হলি এদিন কবে  
চলে যাতাম্ । আপনি মরে গেলি—হিঁদুয়ানী আর থাক্‌পে না । এই  
রায়বাড়ির মায়েপুরুষ সব খীষ্টেন হয়ে যাবে—

মাধব । আমার মৃত্যুর পর যা' হয় হবে । আপনি এখন যান্ ঠাকুর-  
বাড়িতে । যে মুখ দিয়ে কনক আপনাকে ইংরেজি কথা বলেছে—  
তার সেই মুখ আমি পঞ্চগব্য দিয়ে শোধন করবো



রামকান্ত । না, না, রায়মশায়—ততদূর করতি হবে না ।

মাধব । ( কৃত্রিম ক্রোধে ) নিশ্চয়ই হবে । আমি মাধব রায়, আগার পুরোহিতকে অসম্মান করে যতুরায়ের বেটা কনক রায় ? এত বড় আস্পর্শ্য তার, এ আমি কিঁছুতেই সহ্য করবো না...

রামকান্ত । শুদো আপনার ভক্তির বাঁধনে বাঁধা পড়িছি রায়মশায়—তা' না হলি—হ্যাঁ—

হুম্মরীসহ প্রস্থান

কনক । একটা উদ্ধত উম্মাদকে আপনি অত্যন্ত বাড়িয়ে তুলছেন ঠাকুরদা—

মাধব । ( গায়ে হাত বুলাইয়া ) উম্মাদকে যদি সামলে নিতে না পারো, তোমরা যে প্রকৃতিস্থ—তাও তো প্রমাণ হয় না...

মহীতোষের প্রবেশ

এসো মহীতোষ ! ব'সো ব'সো—

একটা দারোয়ান ছ'খানু চেয়ার দিয়া গেল—সকলেই বসিলেন

ব্যাপারটা আমি ঠিক বুঝতে পারছি না মহীতোষ ! এই অশোক সেন যদি তোমাদের সেই অশোক সেন হয়, তা'হলে কি তার এমন অধঃপতন হতে পারে ?

মনীষা । অধঃপতন মানে ?

মাধব । একটা চাষার মেয়ের প্রেমে পড়ে, চাষাভুষোদের মধ্যে গিয়ে পড়ে থাকা কি তার মত উচ্চশিক্ষিতের পক্ষে অধঃপতন নয় ? তুমি কি বলো মহীতোষ ?

মনীষা । মিথ্যা কথা ।

মাধব । বটে ?

হাসিলেন

ছুইজন বরকন্দাজের সঙ্গে অশোকের প্রবেশ । ' তাহার হাতে পায়ে

জলকাদা—কাঁধে একটা মাটি-মাথা কোদাল

মনীষা । ( দেখিয়াই ) অশোকদা !

পদধূলি লইল

অশোক । ( সকলকে লক্ষ্য করিয়া ) নমস্কার..

মহীতোষের পদধূলি লইয়া

আপনি এখানে কেন সার ?

মহীতোষ । এই মাধববাবুর ছেলে যদুবাবু ছিলেন আমার বাল্যবন্ধু—

সহপাঠী ।

অশোক । ও । তা' আমাকে ধ'রে আন্বার জন্মে মাতুর ছ'জন বরকন্দাজ পাঠালেন কেন মাধববাবু ? আমি নিজে না-এলে ওরা তো আমাকে কিছুতেই আন্তে পারতো না ।

মাধব । তার মানে ?

অশোক । ওরা যে একলা আমার সঙ্গেই পারে না ! তা' ছাড়া আমার সঙ্গে আছে এমনি কোদাল কাঁধে আরো পাঁচশো লোক !

একটি দারোয়ান—অশোকের নিকট একখানা চেয়ার আনিয়া দিতেছিল

মাধব । না, 'না, কুরশী দিতে হবে না—নিয়ে যা । আমার একটা চাবী

প্রজা বসবে—আমার সামনে কুরশীতে ?

প্রথম অঙ্ক

সিঁথির সিঁদূর

দ্বিতীয় দৃশ্য

অশোক । ( হাসিয়া ) আপনি ভুল করছেন নাধবাবু—আমি আপনার  
প্রজা নই...

নাধব । আজ এক মাসের উপর তুমি আমার জমিদারীর এলেকায় বাস  
করছ ?

অশোক । আজ্ঞে হ্যাঁ, কিছুদিনের জন্তে আপনার কোনো-এক প্রজার  
আতিথ্যগ্রহণ করেছি মাত্র—প্রজাত্ব স্বীকার করিনি...

নাধব । কেন ? তোমার উদ্দেশ্য কি ?

অশোক । চরণ-বিলের জল নিকাশের ব্যবস্থা করা—চাষার দুর্গতি  
দূর করা ।

নাধব । কাল তুমি আমার অন্তরমহলে এসে ঢুকেছিলে ?

অশোক । আজ্ঞে হ্যাঁ ।

নাধব । কেন ?

অশোক । সে কথা তো এই কনকবাবুকে বলে গিয়েছিলাম—এই  
জমিদারবাড়িটা, আর তার বিলাসিতার উপকরণগুলি দেখবার নাধ  
হয়েছিল । যে জমিদারের হাজার হাজার প্রজারা অন্ন-বস্ত্রের অভাবে  
কুকুর-শেয়ালের মত বাস করছে—তঁার স্তূথৈশ্বর্য্য কত—তাই দেখতে  
এসেছিলাম ।

নাধব । বিনা অগ্ন্যমতিতে—কোন্ সাহসে, তুমি আমার অন্তর-মহলে  
ঢুকেছিলে ? বলো ।

অশোক । পরের মা-বোনকে যে তার নিজের মা-বোন মনে করতে  
পারে, সে তার নিজের বৃকের সাহসেই পারে পরের অন্তর-মহলে  
ঢুকতে ।

মাধব। কিন্তু জমিদারের একটা আভিজাত্য আছে—বংশমর্যাদা আছে—  
—আত্মসম্মানের দাবী আছে ?

অশোক। থাক, থাক, মাধববাবু সে সব কথা আর তুলবেন না।

হাসিল

মাধব। কেন—কেন ?

অশোক। আপনার জমিদারীর ইতিহাস আমি জানি।

মাধব। কি জানো ?

অশোক। ইষ্ট্-ইণ্ডিয়া কোম্পানী যখন এদেশে বাণিজ্য করতে আসে—

তখন আপনার পূর্বপুরুষ করতেন কোনো এক মুসলমান মৌজাদারের  
মোসাহেবী। তার পর যখন কোম্পানীর সঙ্গে নবাবের লড়াই বেধে  
ওঠে—তখন তিনি সেই মৌজাদারকে বন্দী করবার সহায়তা করেন  
—কোম্পানীর ফৌজকে পেছন দরজা দিয়ে অন্দর-মহলে ঢুকিয়ে।

এই জমিদারী, আপনার সেই পূর্বপুরুষের বিশ্বাসঘাতকতার পুরস্কার  
—এ কথা কি অস্বীকার করতে পারেন আপনি ?

মাধব। ( অস্থির ভাবে ) তুমি, তুমি, আজি, আজই আমার এলাকার  
বাইরে চলে যাবে কিনা, বলে...

অশোক। না।

মাধব। যাবে না ?

অশোক। আজ্ঞে না।

মাধব। আমার বিরুদ্ধে আমার প্রজাদের মধ্যে উত্তেজনা সৃষ্টি  
করবে ?

অশোক । যতদিন চরণ-বিলের জল-নিকাশ না হবে—প্রজাদের দুর্গতি দূর না হবে—ততদিন করবো ।

মাধব । আমি যদি তোমাকে আর সেখানে ফিরে যেতে না দিই—  
এখানেই বেঁধে রাখি ?

অশোক । পারবেন না । বলোছি তো, ঠিক এমনি কোদাল কাঁধে  
পাঁচশো চাষা এসেছে আমার সঙ্গে...

মাধব । তারা সব কোথায় ?

অশোক । ওই দীঘির পাড়ে অপেক্ষা করছে আমার জন্তে ।

মাধব । কনক ! কনক ! আমার বন্দুকটা নিয়ে এসো—যাও, আঃ  
যাও বলছি...

অশোক । ( হাসিয়া ) মাধববাবু ! ভেবেছিলাম আপনি বুড়োমানুষ,  
কিন্তু এখন দেখছি—আমাদের চেয়েও আপনার রক্ত অনেক বেশী  
তরল ! আচ্ছা, আপনার ঘরে যে ছ'চারটে বন্দুক আছে, তাকি  
আমি জানি না ?

মহীতোষ । অশোক ! বাবা, তুমি এখন এসো । এখানে আর কোনো  
প্রয়োজন নেই তোমার...

অশোক । দেখুন মাধববাবু ! বন্দুক যদি কখনো ছোড়েন, আমার এই  
বুকটা লক্ষ্য করেই ছুড়বেন । কারণ, আপনার প্রজারা নিরপরাধ ।

প্রস্থান

মাধব । মহীতোষ ! সত্যিই এ ছেলেটি অসাধারণ । একে যদি  
তাড়াতে না পারি—তা'হলে আমার জমিদারীর এই শেষ—কী লজ্জা  
কী অপমান—

প্রস্থান

মহীতোষ । কনক, যাবে আমার সঙ্গে ?

কনক । কোথায় ?

মহীতোষ । ওই দীঘির পাড়ে গিয়ে অশোকের সঙ্গে একবারটি দেখা করবো ।

কনক । না জ্যেষ্ঠামশাই, আমি যাবো না ।

মহীতোষ । কেন ?

কনক । আমার পকেটে একটা রিভলবার আছে—মনীষার মুখের  
দিকে চেয়ে আমি অনেক সহ্য করেছি—হয়তো আর পারবো না—

মহীতোষ । আচ্ছা, আচ্ছা, তুমি ঘেঁষো না, আমিই যাচ্ছি—

মনীষা । আমিও যাবো অশোকদার সঙ্গে দেখা করতে—

কনক । আমি বুঝতে পারছি না মনীষা, একটা চরিত্রহীন লম্পটের উপর  
তোমার এ সহানুভূতির কারণ কি ? তার এ প্রজাহিতৈষণার  
মূলে আছে—‘একটা চাষার মেয়ের প্রেম’—এ কথাটা কি তুমি বিশ্বাস  
করছ না ?

মনীষা । তাই যদি বিশ্বাস করতে হয়—বেশ, তা’হলে রিভলবারটা

• আমাকেই দাও—আমিই তাকে গুলি করবো । দেশহিতৈষণার  
মুখোন্ পুরে—মূর্থ জনসাধারণকে ভুল বুঝিয়ে—যারা নিজের স্বাধিসিদ্ধি  
করতে পারে—তাদের গুলি করতে—আমার হাত একটুও কাঁপবে না  
কনকদা ! দাও, দাও—রিভলবার দাও—আমিই যাবো সেই  
দীঘির পাড়ে—

কনক চুপ করিয়া দাঁড়াইয়া রহিল—হাতে রিভলবার নাড়িতে লাগিল

দাও, দাও—

রিভলবার ধরিল

## তৃতীয় দৃশ্য

স্থান—আশোকের কুটির

কাল—পূর্বাহ্ন

দৃশ্য—অশোক একটা গলথড় বিছানো শয্যায় বসিয়াছিল। ঘরে অতি দরিদ্রভাবের নানাপ্রকার আসবাব। মেটে হাঁড়ি—কলস—প্রভৃতি। ঘরের এক কোণে একটা তোলা উলুনে আশোকের ভাত রান্না হইতেছিল। মালা নামে কৈলাশ সরদারের একটা দশ বছরের মেয়ে উলুনে কাঠ জোগাইতে ছিল। কৈলাশ ঘরে প্রবেশ করিয়া ক্রুদ্ধভাবে মেয়েটির দিকে চাহিল।

কৈলাশ। হেই! তোকে যে আমি পাঁচশো বার নিবেদন করিছি—

অশোকবাবুর ভাতের হাঁড়ি ছুঁস্নে...

মালা। কই, আমি তো ভাতের হাঁড়ি ছুঁই নাই বাবা! উলুনে কাঠ দিচ্ছি।

কৈলাশ। যা' যা' এখন এখান থেকে যা।

অশোক। কেন ওকে তাড়িয়ে দিচ্ছ—সরদার?

কৈলাশ। আপনি হ'চ্ছে লেখাপড়া-জানা ভদ্রলোক—আর, আমরা চাষা!

অশোক। ভুলে যাও কেন সরদার—আমিও চাষার ছেলে। আমার বাবার হালখামার ছিল। নিজের হাতেই জমি চাষ করতেন তিনি।

আমাদের নাঙলা গরু ছিল তিন জোড়া। বিশ্ববিদ্যালয় থেকে 'এম-এ,

পি-এইচডি' হ'য়ে বেরিয়ে এসেছি বটে—কিন্তু আমার বুকে এখনো সেই চাষার রক্ত আছে ।

কৈলাশ । আমরা যে ছোট জাত ! সে কথাটা তো অস্বীকার করতে পারিনে ?

অশোক । শোনো সরদার ! এই পরাধীন দেশে একটিমাত্র জাতি আছে—তার নাম গোলানের জাতি । যে জাতির আত্মনিয়ন্ত্রণ ক্ষমতা নেই, তার আবার জাতি-বিচার কি ? মালা ! ওই কলস থেকে আমাদের এক গ্লাস খাবার জল দাও তো—লক্ষ্মী !

মালা । বাবা ! দেব ?

কৈলাশ । দে, বাবু যখন শুনবেই না—তখন আর কি করবি ? দে । কিন্তু শুধু জল দিসনে—তোর মার কাছ থেকে একটু গুড় চেয়ে নিয়ায় ।

মালার প্রস্থান

অশোক । কাল কত লোক কাজে আসবে সরদার ?

কৈলাশ । প্রায় দশ হাজার ।

অশোক । তাহলে, কালই বোধ হয় আমরা খালটাকে সম্পূর্ণ কেটে ফেলতে পারবো—

কৈলাশ । নিশ্চয়ই—

অশোক । কিন্তু জমিদার নিশ্চয়ই গুলি চালাবে । প্রথম গুলির আঘাতটা বোধ হয় আমার বুকেই লাগবে । আজই তোমাকে গোটা কতো কথা বলে রাখি...

কৈলাশ । বাজে কথা ব'লো না অশোকবাবু ! গুলি যদি চালায়—



তা'হলে তোমাকে রাখুবো সকলের পেছনে। আমাদের বুক নেই ?  
আমরা মরতে জানিনে—?

অশোক। সেই কথাই বলছি সরদার—ওই অস্বাস্থ্যকর জলাভূমিটার জন্তে  
—প্রতি বৎসর তোমাদের এই অঞ্চলের বহুলোক মরছে ম্যালেরিয়ায়—  
জমিগুলো অনাবাদী পড়ে আছে—অথচ জমিদার খাজনা আদায়  
করছে। এ অত্যাচার তোমরা কিছুতেই সহ্য ক'রো না। বন্দুকের  
গুলিতে আজ হয়তো দুটো বা দশটা লোক মরবে—কিন্তু হাজার  
হাজার লোক বাঁচবে, তোমাদের এই সঙ্কল্পের দৃঢ়তা থাকলে...

কৈলাশ। সব ঠিক আছে অশোকবাবু! তুমি শুধু আমাদের পথ দেখিয়ে  
দিও—আমরা কোন্ পথে হাঁটবো...

অশোক। শোনো সরদার, তোমাদের এই অঞ্চলেই আমার বাড়ি ছিল—  
আমার মা, আমার বাবা, আমার ভাই, সবাই মরে গেছে—  
ম্যালেরিয়ায়। বেঁচে আছি শুধু আমি। কেন জানো? ছোট বেলায়  
আমি বড় দুর্দান্ত ছিলাম—কারো কোনো অত্যাচার সহ্য করতে পারতাম  
না। বাবা আমাকে মেরে তাড়িয়ে দিয়েছিলেন বাড়ি থেকে...

কৈলাশ। ভালই করিছিলেন—তা' না হলে তো তুমিও মরতে ?

অশোক। হ্যাঁ, ...কিন্তু আমার এ বেঁচে থাকার তো কোনো মানে হয়না  
সরদার—আজ যে আমার নিজের বলতে আর কেউ নেই...

কৈলাশ। কেন বাবু, আমরা তো আছি—আমাদের কি তুমি পর মনে  
ভাবো?

অশোক। না।

মালা অশোকের হাতে এক ডিন্ গুড় ও এক ঘটি জল দিল

কৈলাশ। আমি এখন আসি অশোকবাবু! গরুগুলো মাঠে রয়েছে।

মালা, তুই কিন্তু এখানেই থাকিস্, দেখিস্ বাবুর যেন কোনো  
কষ্ট না হয়।

অশোক। কাছে এসো মালা,—সেই গানটা গাও তো, আবার শুনি—

মালা গাহিল—

### গান

কথা বলবো না—

ও কথা বলবো না রে !

ফিরিয়ে নে তোর রূপোর বাজু

পরবো না রে। কথা.....

কুঁচবরণ কহে আমি, মেঘবরণ চুল !

আমার হাতে লোহার খাড়া—কানে রূপোর ফুল !

জুটলো না মোর কপালে আজ

একরত্তি সোনা, কথা.....

কথা বলবো না রে !

যেঁটু ফুলের খোঁপা আমার

হিজল ফুলের মালা !

চাষার ছেলে বুঝি না তুই—

আমার বুকের আলা।

আমি, পরবো ডুরে ঢাকাই শাড়ী—

মিহি হুতোয় বোনা।

গানাস্তে মনীষা ও কনকের প্রবেশ

মনীষা । অশোকদা, তুমি এখানে থাকো ? ওই বুঝি তোনার রান্না হচ্ছে ?  
অশোক । হ্যাঁ ।

মনীষা । কে রাঁধছে ?

অশোক । কে আর রাঁধবে মনীষা ? ডাল-চালের সঙ্গে ছোটো শাকপাতা  
চড়িয়ে দিয়েছি—আগুন আছে, জল আছে, রাঁধুণীর তদ্বিরনা  
থাকলেও—সিদ্ধ হয়ে থাকবে নিশ্চয়ই ।

মনীষা । তোমার কোলের কাছে ও মেয়েটি কে ?

অশোক । আমি যার অতিথি হ'য়ে এখানে আছি—তঁারই মেয়ে ! তুমি  
কি শোনো নি ? এই মেয়েটির প্রেম পড়েই আমি চাষী-পল্লী ছেড়ে  
আর কোথাও যেতে পারছি নে ?

মনীষা সগর্বে কনকের মুখের দিকে চাহিল

কনক । কৈলাশ সরদারের আর কোনো মেয়ে নেই ?

অশোক । মালা ! বাবু কি জিজ্ঞেস করছেন—উত্তর দাও ?

মালা । কি ?

অশোক । তোমরা ক'ভাই বোন্ ?

মালা । পাঁচ ভাই, এক বোন—

মনীষা পায়ের জুতা খুলিয়া অন্তর হাঁড়ির সরটা তুলিল

মনীষা । বাঃ—জল শুকিয়ে ভাত পুড়ে গেছে যে—

অশোক । জল একটু কম করেই দিইছি । পোড়া ভাতের গন্ধটা আমার  
খুব ভাল লাগে ।

মনীষা। তা'তো বটেই, ভাত না-পুড়লে বোধ হয় তোমার খাওয়াই হয় না? বাক্ সে কথা। কলকাতা ছেড়ে এভাবে এখানে এসে পড়ে আছ কেন বলো তো?

অশোক। উপস্থিত তোমরাই বা এখানে কেন এসেছ মনীষা? জমিদার কনকবাবুকে বস্তুে দেবার মত কোনো আঙ্গন তো নেই এখানে?

কনক। কোনো ভদ্রলোক, এ রকম Nasty quarter-এ এসে বসবার আসন চায় না।

অশোক। ও, আপনি বোধ হয় এ চাষাদের পাড়ায় আর কখনো আসেন নি কনকবাবু?

কনক। আজে না।

অশোক। হঠাৎ আজ কি মনে করে?

কনক। মনীষার অনুরোধে। মনীষা এসেছে আপনাকে নেমন্তন্ন করতে...

নৈকলাশ প্রবেশ করিয়াই—বিস্মিত ও বিরক্তভাবে—কথাগুলি শুনিল

অশোক। ( বিস্মিত ভাবে ) নেমন্তন্ন?

মনীষা। হ্যাঁ অশোকদা, জমিদার-বাড়িতে আজ তোমার নেমন্তন্ন।

ও পোড়া ভাতগুলো না হয় কুকুর-শেয়ালেই খাবে—এখন চলো আমাদের সঙ্গে...

অশোক। জমিদার বাড়িতে?

মনীষা। হ্যাঁ। জমিদার মাধব রায় সেদিন জানতেন না যে তুমি আমাদের কত আপন। সেদিনকার সে অপমানটা তুমি ভুলে যাও—আজ তিনি তোমাকে খুব আদর-যত্ন করবেন।

কৈলাশ। ( গর্জন করিয়া উঠিল ) না, না, না। তা' হতেই পারে না।

জমিদার মাধব রায়কে আমি চিনি—

কনক। ( বিস্মিতভাবে ) তার মানে ?

কৈলাশ। আমার মাথার চুল পেকে গেছে খোকাবাবু! তোমাদের এ  
নেমন্ত্বের নানে আমি বুঝি...

কনক। কি বুঝলে সরদার ?

কৈলাশ। সে সব কথায় আর দরকার কি ? এখন বাড়ি যাও—  
অশোকবাবু যাবে না।

অশোক। ( হাসিয়া ) জমিদারের এ সাদর আহ্বান কি প্রত্যাখ্যান  
করা উচিত ?

কৈলাশ। তারা যে তোমাকে বিষ খাইয়ে মারবে না—তা' তুমি কি  
করে জানলে ?

কনক। ( উত্তেজিত ভাবে ) কৈলাশ সরদার !

কৈলাশ। চোখ রাঙিয়ে না খোকাবাবু! শোনো। আজ পর্যন্ত  
তোমাদের কাছে পাঁচখানা দরখাস্ত করিছি—চরণ-বিলের খাল্টা  
কেটে দাও—দাওনি। আমরা মরে যাই ম্যালেরিয়ায়—  
জমিতে ধান হয় না—তোমরা লাঠির গুঁতোয় খাজনা আদায়  
করো...

অশোক। ওসব কথা এখন থাক্ সরদার।

কৈলাশ। না অশোকবাবু! আজ একটু বলবো। তুমিই আমাদের  
মুখ-চোখ ফুটিয়ে দিয়েছ—আজ কি আর আমরা গুঁদের ভয়  
করি—?

কনক। মনীষা! এখানে দাঁড়িয়ে আর কত অপমান সহ্য করবো,  
তোমার জন্তে?

মনীষা। চলো কনকদা। অশোকদা, তুমি যাবে না?

অশোক। সরদার! জমিদারের নেমন্তন্ন রক্ষা করতে গিয়ে যদি আমার  
মৃত্যু হয়, হবে। তা'তে আর ক্ষতি কি? আমার তো কেউ নেই—  
আমার জন্তে কে কাঁদবে—যদি এই মালা একটু কাঁদে—(মালাকে  
আদর করিল) কাঁদবি মালা?

কৈলাশ। তোমার জন্তে আজ যত লোক কাঁদবে অশোকবাবু, ওই  
থোকাবাবুর জন্তে তত লোক কাঁদবে না। নিজের ছেলের জন্তে  
তো সব মা-বাপই কাঁদে, কিন্তু—এমন ছেলে কোন্ দেশে কটা  
জন্মে—বার জন্তে সকল দেশের সকল মা-বাপ কাঁদে একসঙ্গে?  
তোমাকে আমি কিছুতেই যেতে দেব না অশোকবাবু!

আড়াল করিল

কনক। মাধব রায়কে তো চেন কৈলাশ? পারবে তুমি—তার ছোবল  
থেকে ওই অশোক সেনকে রক্ষা করতে?

কৈলাশ। কেন পারবো না থোকাবাবু? পাইক-বরকন্দাজদের ভয়  
দেখাচ্ছ? তারা ক'জন? একশো, দুশো, তিনশো? কিন্তু, আমরা  
দশ হাজার! দশ হাজার লাঠি আর দশ হাজার মাথা না ভেঙে,  
তোমার লোকজন এই তো অশোকবাবুর কাছে পৌঁছতেই পারবে না?  
কনক। তা'হলে বুঝে দেখো মনীষা—অশোকবাবুর উদ্দেশ্য প্রজাদের  
কল্যাণ-সাধন নয়—রায়গাঁর জমিদারি ধ্বংস করা।

অশোক । আপনি আমাকে ভুল বুঝবেন না কনকবাবু !

মনীষা । তা' যদি না হয় কনকদা—তা' হলে তুমি একবার চলো ।

দাদামশাই খুব অসৎ লোক নন...

কৈলাশ । তুমি কে তা আমি জানি না মা-লক্ষ্মী ! যেই হও—মাধব রায়কে তুমি চেন না । জমিদার-বাড়ির ঠাণ্ডা গারদ দেখেছ ? কাচারী-কোঠার দেওয়ালে এক সুড়ঙ্গ-পথ আছে । মাটির নীচেয় আছে এক অন্ধকার ঘর । কোনোদিন কোনো প্রজা যদি মাথা তুলে দাঁড়ায়, তাহলে তাকে ধরে নিয়ে ফেলা হয় সেই ঠাণ্ডা গারদে ! সেখানে সে না-থেয়ে শুকিয়ে মরে ।

মনীষা । একথা কি সত্যি কনকদা ?

কনক । জানি না ।

অশোক । আপনি অনেক কিছুই জানেন না কনকবাবু ! তবু আমি আর একবার যাবো মাধব রায়ের সঙ্গে দেখা করতে—চলুন...

কৈলাশ । অশোকবাবু !.....

অশোক । চুপ করো সরদার । আমি সন্ধ্যার আগেই ফিরে আসবো ।

• যদি না আসি, তোমাদের দশ হাজার লাঠি কি আমাকে উদ্ধার করতে পারবে না, কাল স্বর্ষ্যোদয়ের পূর্বে ? একরাত্রি ঠাণ্ডা গারদে থাকলে—আমার মৃত্যু হবে না নিশ্চয়ই...

মনীষা । না, না, তোমাকে যেতে হবে না, অশোকদা ! আমি এখন আসি—

অশোক । কেন মনীষা ?

কৈলাশ । ( হাসিয়া ) এতক্ষণে বুঝলাম মা-লক্ষ্মী ! সত্যিই তুমি অশোকবাবুর আপন-জন !

মনীষা। কিন্তু সরদার, এই ভাবে পোড়া-ভাত খাইয়ে—আর কতদিন তোমরা অশোকদাকে বাঁচিয়ে রাখবে? জমিদারের ঠাণ্ডা গারদের চেয়ে—তোমাদের এই কুঁড়েঘরের অত্যাচার গুঁর স্বাহোর পক্ষে তো খুব অনুকূল নয়?

কনক। তুমিও এখানে থাকোনা মনীষা! আমি একাই ফিরে যাই। তোমার সেবা ও যত্নে অশোকবাবুর প্রজাহিতৈষণা আরো বেড়ে যাবে...

মনীষা। তোমার উদ্দেশ্যটা তো আমিও ঠিক বুঝতে পারছি নে অশোকদা?

অশোক। আমি চাই—জমিদার নাথব রায়ের নিগ্রহ থেকে—মুখ চাষী প্রজাদের উদ্ধার করতে।

কনক। আপনিও যে কাল জমিদার সেজে নাথব রায়ের মতই নিগ্রহ চালাবেন না, তার কোন নিশ্চয়তা আছে?

অশোক। না, তা' নেই। আমার ওই পোড়া ভাত যেদিন পোলাও হ'য়ে উঠবে—অনাহারীদের সামনে আমিও যেদিন পঞ্চ ব্যঞ্জন সাজিয়ে আহাৰ করতে বসবো—সেদিন যেন ওরা আমাকেও লাথি মেরে তাড়িয়ে দেয়। আমি চাই ওদের মধ্যে শুধু সেই চেতনাটুকু জাগাতে—

কনক। You are a cheat ! a cut-throat dog !

অশোক হাসিল

কৈলাশ। সাবধান খোকাবাবু! মেজাজ দেখিও না। আমরা চাষা!

মনীষা। চলো কনকদা...



প্রথম অঙ্ক

সিঁথির সিঁদূর

চতুর্থ দৃশ্য

মালা । ( একেরকাবী গুড় ও এক ঘটি জল লইয়া নিকটে গেল ) একটু  
গুড় আর জল খেয়ে, যাবে না তোমরা ?

মনীষা ফিরিয়া বিস্মিতভাবে মালার মুখের দিকে চাহিরা

রহিল—অশোক হাসিভেঁছিল

কনক । দাঁড়িয়ে দাঁড়িয়ে এসব বিজ্রপ সহ্য করতে পারবো না মনীষা—  
আমি চললাম...

প্রস্থান

মনীষা । ( অশোকের একটু নিকটে গিয়া ) এই রিভলবারটা রেখে দাও  
অশোকদা ! তোমার কাজে লাগবে...

অশোক । রিভলবার ?

মনীষা । হ্যাঁ । সাবধানে থেকো—

প্রণাম করিয়া প্রস্থান

চতুর্থ দৃশ্য

স্থান—মাধব রায়ের বসিবার ঘর

কাল—অপরাহ্ন

দৃশ্য—মাধব একটা তাকিয়া ঠেগান দিয়া গড়গড়া টানি:তছিলেন । পার্শ্বে নিবারণ

মাধব । দরজা-জানলাগুলো বন্দ করে দাও তো নিবারণ...

নিবারণ তাহাই করিল

শোনো । ওই থানার ভেতর তো বহু চুরি ডাকাতি ও খুন  
জখম হচ্ছে ?

নিবারণ। আজ্ঞে হ্যাঁ, তা' হচ্ছে বৈকি—

মাধব। তার যে-কোনো একটার সঙ্গে ওই অশোক ছোকরাকে জড়াতে হবে।

নিবারণ। আজ্ঞে আপনার আদেশ পেলে, আমি দশহাত জলের তলেও নাবতে রাজী আছি। কিন্তু আজকালকণর দারোগাগুলো মেয়েমানুষ! উপরওয়ালাদের কৈফিয়ৎ তলবের ভয়ে—মিথ্যে তো দূরের কথা সত্যি চোর-ডাকাতগুলোকেও ছেড়ে দিচ্ছে!

মাধব। দারোগা মাইনে পায় কত?

নিবারণ। বোধ হয় সত্তর-পচাত্তর টাকা—

মাধব। আমি যদি তাকে নগদ দশ বছরের মাইনে দিয়ে দি? তারপর কার্যোদ্ধার হলে আরো কিছু পুরস্কার! রাজী আছে কিনা জেনে এসো...

নিবারণ। যে আজ্ঞে...

মাধব। দরজা জান্লাগুলো খুলে দিয়ে যাও—আর লালুকে বলে যাও—কল্কেটা পাল্টে দিতে।

নিবারণের প্রস্থান

কনকের প্রবেশ

কনক। দাদামশাই একটা কথা বলবো?

মাধব। কি?

কনক। জ্যাঠানমশাই বললেন—মনুষ্যের সঙ্গে বিয়ে দিতে পারলেই অশোকের মতিগতি ভাল হয়ে যাবে।

মাধব। না, না, না, তা হতে পারে না। শোনো কনক! চরণ-বিলের  
থালে আজ দশ হাজার কোদাল পড়েছে—তার প্রত্যেক আঘাতটি  
এসে লাগছে আমার বুকে! এ অপমানের প্রতীকার আমাকে  
করতেই হবে!

লালু তামাক দিয়া গেল

হেই লালু! মহীতোষকে ডেকে আনতো?

লালুর প্রস্থান

যদু আর মহীতোষকে আমি কখনো পৃথক দেখিনি। সেই  
মহীতোষের মেয়ে মনীষার বিয়ে হবে—ওই গোঁয়ার-গোবিন্দের সঙ্গে?  
তুমি কি বলছ কনক?

কনক। আমি বলছি না ঠাকুরদা.....

মনীষা মাধবের পিছনে দাঁড়াইয়াছিল—সে কনককে কিল দেখাইল ও জিব

কাটিল—উদ্দেশ্য সে যেন তার নামটা না বলে—

মাধব। তবে কে বলছে? তোমরা কি বলতে পারছ না কনক, কি  
ভয়ানক ছেলে ওই অশোক! আমি মাধব রায়, আমার চোখের  
সাম্নে দাঁড়িয়ে ওভাবে হেসে হেসে কথা বলতে পারে, এমন একটা  
দুঃসাহসী লোক তো আজ পর্যন্ত দেখিনি আমি—

মনীষা স্নয়খে আল

মনীষা। কেন ঠাকুরদা, আমিও তো পারি?

মাধব। হ্যাঁ, তুমি পার, নাতবো পারে, কনক পারে, আর পারতো  
যদুর গর্ভধারিণী! কিন্তু মনীষাবিবি! আমি মাধব রায়—আমার

একটা হুহুকার শুনলে যে সব চাষারা থরথর ক'রে কাঁপতো তারাই এসেছিল—কোদাল ঘাড়ে নিয়ে আনার বাড়ী পর্যন্ত! তারাই আজ চরণ-বিলের খাল কাটছে—আর জয়ধ্বনী দিচ্ছে অশোকের! আমি কি এখনো বেঁচে আছি, না মরে গেছি?

মহীতোষের প্রবেশ

তুমি তো আজ সন্ধ্যার ট্রেনেই কলকাতা যাচ্ছ মহীতোষ?

মহীতোষ। আজ্ঞে হ্যাঁ।

মাধব। মনীষাকে এখানে রেখে যাও...

মহীতোষ। মনীষাও থাকতে চাইছে...

মাধব। হ্যাঁ, রেখে যাও। আমি বেঁচে থাকতে আনার নাতনীর বিয়ের দুর্ভাবনা আনার—তোমার নয়। মনীষাকে আমি একটি খুব ভাল ছেলের সঙ্গে বিয়ে দেব। আর, তেমন ভাল ছেলে যদি না-জোটে, আমি নিজেও তো খুব মন্দ ছেলে নই—কি বলো বিবিসাহেব?

মহীতোষ। আপনি একটা কথা বিবেচনা করুন.....

মাধব। কি?

মহীতোষ। এই অশোককে মনীষা অত্যন্ত ভালবাসে।

মনীষার প্রস্থান

মাধব। দেখো মহীতোষ, তুমি দর্শনশাস্ত্রের অধ্যাপক। এ সম্বন্ধে তোমাকে বেশী-কিছু বলতে যাওয়া—আমার মত একটা মূর্থ লোকের পক্ষে সম্ভব হবে না। কিন্তু জিজ্ঞাসা করি—এই সব তরুণ-তরুণীদের ভালবাসা আর মন্দবাসার কি কোনো মানে হয়? একটা ছোট্টো মেয়ে

হয়তো কেউটে সাপের মাথাটা ধরে মুখে পুরতে চাইবে। তা' বলে কি সেই সাপটা ধরে এনে দেবে তার হাতে তুলে ?  
মহীতোষ। অশোককে আপনি কেউটে সাপ মনে করেন ?

হাসিলেন

মাধব। নিশ্চয়ই ; আমি তোমাকে ভবিষ্যৎবাণী করছি। ওই বকাটে ছোকরার জীবনটা শেষ হবে—দীপান্তরে বা ফাঁসি কাঠে ! তুমি কি নেয়েটাকে বিধবা সাজাতে চাও ? মোটের উপর, মনীষার বিয়ের দুর্ভাবনা—তোমার নয়, আমার। তোমার জিনিষ-পত্তর গুহিয়ে ফেল—আমি একটু ঘুরে আসি—

প্রস্থান

মহীতোষ। তাইতো, কনক ! সমস্তা যে বড় জটিল হয়ে উঠলো...

কনক। আপনি মনীষাকে এখানে রেখে যান। আমি চেষ্টা করবো—বাতে সে অশোককে ভুলতে পারে। অশোকের মত একটা উচ্ছৃঙ্খল ছেলের দিক থেকে তার মনটাকে ফিরিয়ে আনতেই হবে।

মহীতোষ। দেখো কনক ! তোমাদের সঙ্গে স্বার্থ-বিরোধ ঘটেছে বলেই—অশোককে তোমরা উচ্ছৃঙ্খল ভাবছ—কিন্তু সত্যিই কি তাই ? এই সব ঘটনার ভেতর দিয়ে মনীষার নিরপেক্ষ মনটা তো অশোকের দিকে আরো ছুটে যাচ্ছে

নিবারণের প্রবেশ

আপনি কি বলেন নিবারণবাবু ?

নিবারণ। কি সম্বন্ধে ?

মহীতোষ। মনীষাকে কি আমি এখানে রেখে যাবো ?

মনীষার প্রবেশ

নিবারণ। কথখনো না।

মনীষা। আমি এখানেই কিছুদিন থাকবো বাবা! কলকাতায় গিয়েই তুমি আমাকে সেই বইগুলো পাঠিয়ে দিও;

নিবারণ। মা-লক্ষ্মী! তুমি ঠিক বুঝতে পারছ না যে অশোকের উপর  
কি ভীষণ অত্যাচার ও উৎপীড়ন হবে...

মনীষা। হোক না। তা'তে আমার কি? দাদা মশাই ও অশোকদার  
মধ্যে কে বেশী শক্তিমান তাইতো দেখবো...

মানদার প্রবেশ

মানদা। খাবার দেওয়া হয়েছে। কনক! মহীতোষবাবুকে সঙ্গে নিয়ে  
আয়।

মহীতোষ। দেখুন, আপনার সঙ্গে আমার একটা ঝগড়া আছে। কেন  
আপনি—স্ত্রী-শিক্ষার এত বিরোধী? কনক বল্ছিল—আপনার  
পুত্রবধু নাকি বই হাতে তুলতে পারেন না, শুধু আপনার শাসনের ভয়ে।

মানদা। খাবার দেওয়া হয়েছে...

মহীতোষ। তা'হোক। বহু ছিল আমার অভিন্ন-হৃদয় বন্ধু। আমার  
এই মেয়েটাকে আপনি বাবু আন্লেন না—যেহেতু সে কলেজে  
পড়ছিলো। তাতে যে আমি কত দুঃখ পেয়েছি তা কি আপনি  
বোঝেন না?

মনীষার প্রস্থান

মানদা। খাবার ঠাণ্ডা হয়ে বাচ্ছে—

মহীতোষ। বিশ্বপ্রসবিণী জননীর জাতি আপনারা! সন্তানের কল্যাণ বা অকল্যাণ যতটা আপনাদের উপর নির্ভর করে—ততটা করেনা আমাদের উপর। সে হিসাবে, আমার মনে হয়, শিক্ষার আবশ্যকতা আমাদের চেয়েও আপনাদের ঢের বেশী! জাতির মস্তিষ্ক জাতির মেরু দণ্ড, জাতির মাংসপেশীর সবই তো গঠন করেন আপনারা—আপনারাই তো……

কনক। আপনি কাকে এ বক্তৃতা শোনাচ্ছেন জ্যেষ্ঠামশাই—

হাসিতে হাসিতে নিবারণের প্রস্থান

মহীতোষ। কেন, তোমার মাকে?

কনক। তিনি তো বহুক্ষণ চলে গেছেন—

মহীতোষ। তাই নাকি? কী ভয়ানক কথা! তা'হলে চলো, দুটো খেয়েই আসি—

উভয়ের প্রস্থান

মানদা ও সুন্দরীর প্রবেশ

মানদা। জ্বালাতন! স্ত্রী-শিক্ষা না গুর শ্রদ্ধ আর পিণ্ডি!

সুন্দরী। আচ্ছা মা, ওই চশমা আঁটা বি, এ, পাশ মেয়েটি নাকি কিছুদিন থাকবেন এখানে?

মানদা। তাই তো শুন্ছি—

সুন্দরী। ও বিষ এখানে কিছুতেই রেখনা মা! বিদেয় ক'রে দাও—নইলে সর্বনাশ হবে।

মানদা । ইচ্ছে হচ্ছিল—হতচ্ছাড়া মিনসেকে দুটো শক্ত কথা শুনিয়ে দি ।  
 স্ত্রীশিক্ষা ! আহাহা কি শিক্ষাই দিয়েছেন নিজের মেয়েটিকে—গা  
 যেন জলে যায় । ধিক্ ধিক্ মেয়ে ঘুরে-ফিরে বেড়ায় যেন পাঁচ বছরের

বাহিরে মাধব কাশিলেন

সুন্দরী । ওমা, বুড়ো কর্তা...

উভয়ের প্রস্থান

মাধবের প্রবেশ

মাধব । ওরে লালু ! তামাক দে...

মনীষার প্রবেশ

কে ? বিবিসাহেব ? আহুন, আহুন—বসুন—একটা কবিতা বলি  
 শুনুন—

নাতিনীর প্রেমে ডগমগ বুড়ো—  
 পাকা চুল তবু বাঁধিয়াছে চুড়ো !  
 বাঁধা-দাঁত আর ধুতি কালো-পেড়ে  
 দেখিয়া নাতিনী কহে নং নেড়ে—  
 ওরে বুড়ো তোর সখ্ দেখে মরি  
 ওই শোন্ বাজে ব্রজের বাঁশরী !

হা হা হা হা—



মনীষা। সত্যি দাদামশাই, আমি আপনাকে খুব ভালবাসি...

মাধব। চুপ্—কথাটা অতো জোরে বলোনা, নাতবো গুনতে পাবে।

তারও তো নজর আছে আমার উপর ?

তুই গিন্নি ঝগড়া ক'রে

ভাঙবে আমার ভাণ্ড-বাসন্

চোখের জলে বলতে হবে—

চল্ যাই মন শ্রীবন্দাবন।

মনীষা। আচ্ছা, আপনার সে উইল কি হয়ে গেছে ?

মাধব। কোন্ উইল ?

মনীষা। যে উইলে আপনার সমস্ত জমিদারীর মালিক করবেন বৌদিকে ?

মাধব। জমিদারীটে আগে রক্ষা হবে তবে তো ?

মনীষা। কেন, কি হয়েছে ?

মাধব। একটা ধুমকেতুর আবির্ভাব !

মনীষা। ও, অশোকদার কথা বলছেন ? কেন, তিনি আপনার কি করতে পারেন ? আপনার চোদপুরুষে জমিদারী—কত লোক বল, অর্থ বল, আপনার ! আপনি কেন ভয় করবেন সেই অশোকদার মত একটা পথের লোককে ?

মাধব। ভয় আমি কাউকে করিনা বিবিসাহেব ! সে শিক্ষা আমার নেই। তবে বড্ডই বুড়ো হয়ে পড়েছি কিনা, তাই একটু শক্তি ও সামর্থ্যের অভাব ঘটেছে।

মনীষা। আচ্ছা, অশোকদা আপনার কি ক্ষতিটা করছে বলুন তো ?

মাধব । চাষাদের চোখ ফুটিয়ে দিচ্ছে । হাতীর ঘাড়ে মাহুত বসে থাকে,  
তার কারণ হাতীর চোখ দুটো অত্যন্ত ছোটো—সে দেখতেই পায়না  
যে সে একটা—কতবড় জানোয়ার ! বুঝেছ ?

একটা দারোগার কাঁধে হুটকেশ চাপাইয়া মহীতোষের প্রবেশ

মহীতোষ । ( মাধবকে প্রণাম করিয়া ) আমি তাহলে এখন আসি—

মনীষা তাহাকে প্রণাম করিল

থুব সাবধানে থেকো মনীষা !

মাধব । দুর্গা, দুর্গা, দুর্গা, সিদ্ধিদাতা গণেশ !

মহীতোষ ও তাহার পেছনে মনীষার প্রস্থান

নিবারণের প্রবেশ

থবর কি নিবারণ ? দারোগা রাজী আছে ?

নিবারণ । আজ্ঞে হ্যাঁ ।

মাধব । দেখো, আমার সঙ্গে কিন্তু দারোগার কোনো কথাই হবেনা সে  
সম্বন্ধে ।

নিবারণ । আজ্ঞে না, কোনো প্রয়োজন নেই ।

মাধব । খাল কাটা কি হয়ে গেছে ?

নিবারণ । আজ্ঞে হ্যাঁ, হু হু-শব্দে—বিলের সমস্ত জল বেরিয়ে  
যাচ্ছে !

মাধব । জেলেরা এবার তাহলে আর বিল বন্দোবস্ত করবেনা ?

কনকের প্রবেশ

নিবারণ। আজ্ঞে, কি করে করবে—বিলে তো এখন আর মাহ থাকবে না!

মাধব। হুঁ। আচ্ছা—যাও।

নিবারণের প্রস্থান

কনক। ঠাকুরদা! আমার যেন মনে হচ্ছে—অশোক সম্বন্ধে আপনি বড় বেশী চিন্তিত হ'য়ে পড়েছেন।

মাধব। হ্যাঁ।

কনক। চাষাদের ফেপিয়ে, গুধু সেই বিলের জল-নিকাশ করা ছাড়া—  
সে আর কি ক্ষতি করতে পারে আমাদের?

মাধব। কি না-পারে তাই বলো?

কনক। আমার যেন মনে হয়...

মাধব। তোমার কি মনে হয় সে কথাটা আমাকে শোনাবার আগে—  
আমার কি মনে হয় তাই শোনো। অশোক তোমার এই জমিদার  
বাড়ির অট্টালিকাটিকে তাসের বাড়ির মত ভেঙে দিতে পারে। আমি  
মাধব রায়—আমাকে সে তার বুকটা দেখিয়ে বলে গুলি করতে?  
চরণ-বিলের জল নিকাশ করে—প্রজারা আমাকে কি বুঝিয়ে দিয়েছে  
জানো?

কনক। কি?

মাধব। এই জমিদারীর মালিক মাধব রায় নয়, অশোক সেন!

অশোকের প্রবেশ

কে ? কে ?

বিস্মিতভাবে চাহিয়া রহিলেন

অশোক । আমি অশোক সেন—

কনকও চমকিত ভাবে উঠিয়া দাঁড়াইল

মাধব । অশোক সেন ? তুমি ? তুমি—এখানে কেন ? কে তোমাকে এখানে আসতে বলেছে ? কি প্রয়োজন তোমার এখানে ? কেন, কেন এসেছ তুমি ?

অশোক । আমি যে উদ্দেশ্য নিয়ে আপনার জমিদারীর এলাকায় এসেছিলাম, সে উদ্দেশ্য সিদ্ধ হয়েছে—এখন এখান থেকে চলে যাচ্ছি ...

মাধব । তাই নাকি ? কোথায় যাচ্ছ ?

● অশোক । কল্কাতায় ।

মাধব । বেশ, যাও । তোমার আগমন বা প্রত্যাবর্তন কোনোটাই তো আমি প্রার্থনা করিনি ? তবে আর 'সে' কথা আনাকে বলতে এসেছ কেন ?

অশোক । আপনার কাছে—আমি একটা প্রতিশ্রুতি চাই...

মাধব । প্রতিশ্রুতি !

অশোক । হ্যাঁ, প্রতিশ্রুতি । চরণ-বিলের জল-নিকাশের কাজে, আপনার যে সকল প্রজারা আনার সঙ্গে যোগদান করেছিল, তাদের উপর আর কোনো অত্যাচার করবেন না আপনি ।

মাধব। তুমি বেরিয়ে যাও এখান থেকে--বেরিয়ে যাও। প্রতিশ্রুতি!

উনিই যেন এই জমিদারীর মালিক—আর আমি তাঁর গোনস্তা—  
কনক! দারোগানরাকেউ নেই এখানে?

কনক। হ্যাঁ আছে, শুধু আপনার আদেশের অপেক্ষায় দাঁড়িয়ে  
আছে...

মাধব। আচ্ছা, দরকার নেই। শোনো অশোক! তুমি খুব বাহাদুর  
ছেলে। তোমার বুকের বল আর বুদ্ধির কৌশলকে আমি খুব তারিফ  
করছি। তোমার মত প্রতিদ্বন্দ্বীর সঙ্গে বিবাদ করেও আনন্দ আছে।  
তুমি এখন, এখান থেকে যাও—আমি তোমাকে কোনো প্রতিশ্রুতি—  
দেবনা।

অশোক। তা'হলে আপনি আমাদের বাধ্য করবেন—এখানে আরো  
কিছুদিন থাকতে?

মাধব। প্রতিশ্রুতি না-দেওয়ার অর্থ যদি তাই হয়—উপায় কি?

অশোক। আচ্ছা, আসি তা'হলে—নমস্কার...

একটা রেকাবীতে দুটো সন্দেশ ও একগ্লাস জল লইয়া মনীষার প্রবেশ

মনীষা। অশোক দা! সেদিন যখন তোমার ওখান থেকে আমি আর  
কনকদা ফিরে আসি—মালা তখন আমাদের মিষ্টি-মুখ না-করিয়ে  
ছাড়েনি—আমিই বা কেন ছাড়বো?

অশোক। মালা দিয়েছিল গুড়—আর তুমি দিচ্ছ সন্দেশ! সন্দেশ আমি  
খাইনা...

মনীষা দুঃখিতভাবে দিৱিয়া যাইতেছিল

মাধব । দাঁড়াও বিবিসাহেব । সন্দেশ আমি খাই—আমাকেই দাও...

মাধব একটি সন্দেশ মুখে ছোঁয়াইয়া—এক গ্লাস জল খাইলেন

শোনো মনীষা ! সন্দেশ ও খায় না—খাওয়ায় । যে সন্দেশ আজ  
আমাকে খাইয়ে গেল—তেমন মিষ্টি-সন্দেশ এ মাধবরায় জীবনে কখনো  
খায়নি ।

প্রস্থান

## দ্বিতীয় অঙ্ক

### প্রথম দৃশ্য

স্থান—রাণীর কক্ষ

কাল—অপরাহ্ন

দৃশ্য—মনীষা হাতে মাফলার বুনিতেছিল—ও গাহিতেছিল—রাণী চুপ করিয়া বসিয়া  
তাহার মুখের দিকে চাহিয়াছিল।

গান

বিদায় বন্ধু ! মনে রেখো—

আকুল প্রাণে, মনবিতানে, গানে গানে—

আমারে ডেকো।

চাঁদিনী রাতে জ্যোছনা আলো,

যখন তোমার লাগবে ভালো—

কালো কোকিলা ডাকলে কুহ !

সে রাঙা চোখে আমারে দেখো।

শারদে সূত্রভাতে, আমারি আঙিনাতে—

শেফালি ঝরবে যবে—

তুমি তার তলায় থেকো।

নদীর ওপারে দীপালি রাতি

এ পারে আমার নিভেছে বাতি—

নয়ন-জলে, জীবন সাথী !

আমার এ ব্যথার কবিতা লেখো।

মনীষা। কেমন শুনলে বৌদি ?

রাণী। সত্যি, এ গান তুমি লিখেছ ?

মনীষা। হ্যাঁ। তোমাদের এখানে আসবার পর আমার মনে এত কবিতা

জাগছে যে লিখেই শেষ করতে পারছি—

রাণী। আমাকে কবিতা লিখতে শিখিয়ে দেবে ?

মনীষা। নিশ্চয়ই দেবো। উপস্থিত এখন তুমি একটি গান গাও,

এইবার তোমার পান্না !

রাণী। না ভাই, আমাকে মাপ করো—আমার শাওড়ী রাগ করবেন।

মনীষা। কাল যখন ঠাকুর-বাড়িতে আমি কেতন গাই—তখন তো তিনি

রাগ ক’রে উঠে আসেননি ?

রাণী। তুমি মেয়ে আর আমি বৌ !

মনীষা। বারে, মেয়েরাই তো বৌ হয়। কনকদার সঙ্গে আমারো বিয়ের

কথা হয়েছিল বৌদি ! বৌ হলে, আমিও হতে পারতাম।

রাণী। তা’ জানি। তোমার সঙ্গে বিয়ে হ’লে তোমার দাদা আজ কত

সুখী হতেন...

মনীষা। ছিঃ, ও কথা বলোনা। তোমাকে যে বিয়ে করেছে—সে শুধু

সুখী নয়—ভাগ্যবানও বটে।

রাণী। কি যে বলো, আমি একটা অশিক্ষিত চাষার মেয়ে—আমাকে

তিনি সহ্য করবেন কি করে ?

কনকের প্রবেশ

কনক। কি কথা হচ্ছে ?

রাণী একটু ঘোমটা টানিয়া একধারে সরিয়া দাঁড়াইল



মনীষা। আবার তুমি কেন এলে এখানে? ষাও, ষাও, আমি বোদির  
একটা গান শুন্‌বো...

কনক। তোমার বোদি তো গান গাইতে জানেনা?

মনীষা। না, জানেনা। বোটি তোমার কিছুই জানেনা, ঠাাকা মেয়ে!  
কি যে ভাবো, আর কি যে বলো! শুধু তোমাদের শাসনের ভয়ে—  
ঔর প্রাণের সব ঝস—শুকিয়ে যাচ্ছে। উঃ, কী ভয়ানক লোক  
তোমরা!

রাণীর হাত ধরিয়৷ টানিয়া লইয়া একটা অর্গানের কাছে বসাইল

কনক। জানোই যদি, গাওনা রাণী?

মনীষা। যদি নয়। আমার চেয়ে ভালো গাইতে জানেন। কাল যে  
আমি “গোকুলচন্দ্র ব্রজেনা এলো” গেয়েছিলাম—তার কোথায় কোন্  
ভুল হয়েছিল, তা’ পর্য্যন্ত ধরে ফেলেছেন।

কনক। (হাসিয়া) তাই নাকি?

মনীষা। আজ্ঞে হ্যাঁ।

কনক। বেশ, তা’হলে Let Columbus discover America!

মনীষা। বকামো করোনা! হয় ভদ্র লোকের মত চুপটি ক’রে বসো,  
আর না হয়—বেরিয়ে যাও। গাও বোদি...

রাণী নিষ্পন্দভাবে চুপ করিয়া বসিয়া রহিল

আঃ হেসোনা কনকদা! গাও বোদি! লক্ষ্মীটি আমার, একটা  
গান গাও—

দ্বিতীয় অঙ্ক

সিঁথির সিঁদূর

প্রথম দৃশ্য

কনক ।

গাভিল

ফুটবে না ওই হাসল হানা—

ভর-হৃপূরের অতাচারে !

গন্ধ যে তার লুটবে ভ্রমর—

সাঁঝের গোপন অঙ্গকারে ।

মনীষা । আঃ থামো । গাও বোদি—আনার সঙ্গে গাও—

দেব-দেউলের পূজারিণীকে !

ডেকেনা পথিক, পথের দিকে ।

দোলে দেবতার—গলে ফুলহার—

বুক ভাসে তার অশ্রুধারে ।

হাতে মালা জপিতে জপিতে গাথীরভাবে—মানদার প্রবেশ

মানদা । বোমা ! উঠে এসো—ও ঘরে চলো—

কনক । ওকে তুমি কোথায় নিয়ে যাচ্ছ মা ?

মানদা । এটা রায়বাড়ি ! তোমার সাম্নে বসে তোমার বৌ গান  
গাইবে—সেটি সম্ভব হবেনা বাছা ! মেয়েদের বেহায়াপণার একটা  
সীমা থাকা উচিত...

রাগীকে লইয়া প্রস্থান

মনীষা । ব্যাপার কি কনকদা ?

কনক । রায়-বাড়িতে এখনো Nineteenth Century চলছে । মেডি-  
ক্যাল কলেজে মধুসূদন নামে একটি বাঙালীর ছেলে deadbo:ly

disect করেছিল, তার সম্মানের জন্তে তোপ দাগা হয়েছিল। আর তুমি এত সহজেই রাণীর একটা গান শুনবে ?

মনীষা। কী আশ্চর্য্য !

কনক। আশ্চর্য্য হবার কিছুই নেই ! আমার ঠাকুরদার মা তাঁর স্বামীর জলন্ত চিতায় পুড়ে গিয়েছিলেন। রাণী হয়তো সে বাগদুরীটা দেখাতে পারবে—কিন্তু আমাকে একটা গান গেয়ে শোনাতে পারবেনা।

মনীষা। আচ্ছা, গান গাওয়াটা বেহায়াপনা হ'লো কিসে ?

কনক। কেন বাজে বকছ মনীষা ? তুমি একটা গান গাও, আমি শুনি...

মনীষা। আমি আর কথখনো তোমাদের এ বাড়িতে গান গাইবনা।

কনক। তা'হলে আমিই গাই, তুমি শোনো...

মনীষা। না, আমার ভাল লাগছেনা।

মাধবের প্রবেশ

মাধব। আজ ঠাকুর-বাড়িতে কোন্ পালা গাওনা হবে বিবিসাহেব ?  
সখী-সংবাদ, না সুবল-মিলন ?

মনীষা। দাদামশায়ের 'শিখা-সংহার' !

মাধব। বেশ, বেশ, তাই হবে। কাল তোমার গানের যেকোনো সুখ্যাতি হয়েছে—তা'তে করে, আজও একটু মুজ্জরো করতে হবে।

মনীষা। রঞ্জে করুন—এই নাক মল্ছি—কান্ মল্ছি। আপনার অনুরোধে আমি আর কথখনো কোথায়ও গান গাইব না।

মাধব ।

কেমন সুগায়িকে !

অধমে নিদয়া কেন ?

কিসে অপরাধী ?

পঙ্ককেশ ? কি করিব ?

বিধি প্রতিবাদী !

অন্তরে যৌবন যার

বাগিরেতে অরা,

প্রেমিকার অকর্তব্য—

তারে ঘৃণা করা...

বুঝলে...বিবিসাহেব ! প্রেমিকার অকর্তব্য তারে ঘৃণা করা ।

মনীষা । তা'তো বটেই । আচ্ছা দাদামশাই ! নাতবৌ গান গাইলে

যার জাত যায়—তার নাতনী গাইলে যায় না বুঝি ?

মাধব । নাতবৌ তো গান গাইতে জানে না ?

মনীষা । না, জানে না । চমৎকার কেভন গাইতে জানে ।

মাধব । তাই নাকি ?

মনীষা । আক্ষেপে হ্যাঁ, শুভুন আমি বলে রাখছি—বৌদি যদি আজ অন্তত

একটা কেভন গায় তবেই আমি গাইব—নতুবা কারো অনুরোধ

শুনবে না ।

কনক । হ্যাঁ, হ্যাঁ, রাগী গান গাইবে—আর তার সঙ্গে হবে—আমাদের

এই দাদামহাশয়ের Oriental dance ! চলো মনীষা—আমরা একটু

বেড়িয়ে আসি ।

মাধব । কোথায় ?

কনক। খোলা মাঠে—যেখানে অফুরন্ত আলো-বাতাসের ঢেউ ব'য়ে  
যাচ্ছে—পাখী উড়ছে—গরু চরছে—রাখাল বালকেরা বাঁশী বাজাচ্ছে !  
যেখানে নাতাঠাকুরাণীর কড়া শাসন নেই—সুন্দরী ঝির কুৎসিত হাসি  
নেই—আর বো-রাণীর প্যান্‌প্যাননি নেই...

মাধব। হুঁ ! আচ্ছা এসো—

কনক ও মনীষার প্রস্থান

অজ্ঞদিক হইতে রাণীর প্রবেশ

রাণী। দাদামশাই !

মাধব। কি দিদিমণি ?

রাণী। ( নিরুত্তর )

মাধব। বাঃ কথা বলছ না যে ? ওকি চোখে জল কেন ?

রাণী। ( চোখ মুছিয়া ) কিছু না। ( একটু হাসিতে চেষ্টা করিয়া )

আচ্ছা এখন আমাকে ইস্কুলে ভর্তি করে দিলে, আমি কি এক বছরের  
ভেতর বি, এ, পাশ করতে পারি না ?

মাধব। কেন পারো না, নিশ্চয়ই পারো। কিন্তু হঠাৎ তোমার বি, এ,  
পাশ করবার সখ হলো—কেন নাতথো ? কনক কিছু বলেছে বুঝি ?

রাণী। বান্, আপন্যার কেবল ওই দিকেই নজর ! কেন, আমার কি  
কোনো সখ হতে নেই ?

মাধব। হুঁ ! আচ্ছা—দেখি চেষ্টা করে—তুমি আর আমি দু'জনেই  
এক ক্লাসে ভর্তি হতে পারি কিনা ? আমরা তো বি, এ, পাশ করা  
দরকার ? কি বলো ?

রাণী। ঠাট্টা করবেন না...

মাধব। ঠাট্টা নয়, নাতাঁবো! যে দিনকাল পড়েছে—তা'তে আমাদের মত মুখু-বাপ-ঠাকুরদাকেও বোধহয় ওরা তালাক দেবে! আচ্ছা, আসি তাহলে—দেখি, কোথায় একটা ইস্কুল পাওয়া যায়...

প্রস্থান

সুন্দরীর প্রবেশ

সুন্দরী। শোনো দিদিমণি, নিজের কল্যাণ যদি চাও, ওই বি, এ, পাশ মেয়েটাকে দূর ক'রে তাড়িয়ে দাও।

রাণী। কেন, কি অপরাধ তার?

সুন্দরী। মেয়েটার স্বভাব-চরিত্র ভাল নয়...

রাণী। দেখ্ সুন্দরী! তোর ভাল হবে না কিন্তু! তার মত ভাল মেয়ে তো, আজ পর্যন্ত আমি দেখিনি কোথায়ও। কেন মিছি মিছি

তুই তার পেছনে লেগেছি?

সুন্দরী। ভাল মেয়েই বটে...

রাণী। যার কাছে আমার চব্বিশ ঘণ্টাই বসে থাকতে ইচ্ছে করে—খাওয়া-নাওয়া জ্ঞান থাকে না—সে তোর কি ক্ষতিটা করেছে?

সুন্দরী। দেখো বো-রাণী! আনি কাউলিডাঙ্গার মেয়ে! আমার ক্ষতি করতে কেউ পারবে না—

এক দরজা বন্দ আমার—দশ দরজা খোলা!

হাত নাড়'বো পাত পাড়'বো—কাড়'বো আমার নোলা।

কিন্তু তোমাকে একটা কথা বলে রাখছি—সময় থাকতে ভাতারটিকে সামলাও—নইলে অনেক দুঃখ আছে তোমার কপালে!

মানদার প্রবেশ

মানদা। বোমা ! তুমি নাকি ইংরিজি শিখতে চাও ?

সুন্দরী। সে বৌ আর নেই মা, সে বৌ আর নেই...

মানদা। ইংরেজি যদি শেখ বাছা ! তা'হলে কথখনো আর আমার ঘরে ঢুকো না। আমার বাবু-বিছানা খাট-পালঙ্ক কিছু ছুঁয়ে না।

রাণী। (কাঁদিয়া) তা'হলে আপনার ছেলেটিকে এত ইংরেজি শিখিয়েছিলেন কেন ?

মানদা। সে বেটা'ছেলে, তার যা' খুসি সে তা' করতে পারে।

রাণী। কিন্তু মনীষাদি, সেও তো আমারি মত একটি মেয়ে...

সুন্দরী। শুনলে ? তা'হলে বুঝে দেখো মা, আমি যা বলিছি তা সত্যি কিনা ? পারো তো সেই রাজরাজেশ্বরীকে দূর করে তাড়িয়ে দাও—  
লেঠা চুকে যাক্।

মানদা। ওরে সর্বনাশ, ও যে মহীতোষবাবুর মেয়ে !

সুন্দরী। মহীতোষবাবুর মেয়েই হোক আর ভবতোষবাবুর মেয়েই হোক—  
ও যে ভদ্র লোকের মেয়ে নয়—একথা আমি হাজার বার বলবো !

ও মা মা, সেদিন যা' দেখিছি—কি লজ্জা, কি ঘেন্না, কি কেলেঙ্কারী !

রাণী। (কাঁদিয়া উত্তেজিতভাবে) কি দেখেছিষ্ তুই—বল্ কি দেখেছিষ্ ?

সুন্দরী। দেখেছি—একদিকে কান্নাকাটি—আর একদিকে মুখের কাছে মুখ নিয়ে—গন্ধুলা রুমাল দিয়ে—চোখ মোছানো, মুখ মোছানো। বলি, আর কি দেখবো ? দাদামশাই বলেন—দাদা আর দিদি ! ঘেন্নায় মরি না—ঘেন্নায় মরি...

রাণী। দেখ্ স্নন্দরী! ঠাকুর-দেবতার নামে মিছে কথা বললে কি হয়

জানিস্? জিভ্ খসে যায়, মুখে পোকা পড়ে!

স্নন্দরী। ঠাকুর দেব্ তাই বটে...

রাণী। ফোঁটা-তিলক কাটিস্—মালা জপিস্—তবু তোর নজর ওই  
ভাগাড়ের দিকে? কী দুর্গতি যে তোর হবে—তা' তুই দেখিস্...

প্রস্থান

স্নন্দরী। শোনো মা! তোমাকে একটা কথা বলি। ঠাকুরনশাই  
বলেছেন—তিনি একটু সিঁদূর পড়ে দেবেন। সেই পড়া-সিঁদূরের  
টিপ্ পরিয়ে দিলেই ছেলে তোনার বোকে ভালবাসবে—কুদিষ্ট  
কেটে যাবে।

মানদা। কি জানি বাছা, ও ছোটলোকের মেয়ে হয়তো, সে সিঁদূরটুকু  
পরতেই চাইবে না।

স্নন্দরী। জোর করে পরিয়ে দিও। বলি, তুমি কেমন শাপুড়ী গা?  
শাপুড়ী একটা দেখেছি আনাদের কাউলিডাঙ্গায়। সাত বেটারবো  
তার থর থর ক'রে কাঁপ্তো, তাকে দেখলেই। উল্লে খাক্তো  
সাতগাছা হাতা। একটু বেচাল দেখলেই অমনি ছ্যাৎ...

মানদা। ওরে বাবা বলিস্ কি? না, না, তেমন শাপুড়ী হ'য়ে কাজ  
নেই আমার।

কনকের প্রবেশ

মনীষা কোথায় কনক?

কনক। ঠাকুরদার সঙ্গে ঠাকুর বাড়িতে গেছে—



মানদা। তা'হলে ব'স এখানে, একটা কথা শোন। বোনা—সুন্দরী—  
—তোরা যা' এখান থেকে।

কনক একটা ইজিচেয়ারে শুইয়া ভ্রমণের ক্লান্তি দূর করিতে লাগিল

কনক। কি বলবে বলো ..

মানদা। তুই আনার একনাভর ছেলে, এই রায়-বাড়ির মান, প্রতিপত্তি,  
সুখ্যাতি-অখ্যাতি সবই নির্ভর করছে—তোর ওপর...

কনক। অতো ভনিতায় প্রয়োজন কি? সোজাসুজি কথাটা কি তাই  
বলো না?

মানদা। কথাটা তেমন বিশেষ কিছুই নয়। তবে ওই মনীষা মেয়েটার  
হালচাল দেখে—ঝি-চাকররাও পাঁচজনে পাঁচ কথা বলছে...

কনক। অতএব কি করতে হবে?

মানদা। তোর বিয়ে হয়েছে—ঘরজোড়া একটা বৌ রয়েছে—তার মনের  
অবস্থাটাও তো বিবেচনা করা উচিত?

কনক। (বিস্মিতভাবে) কে বললে রাণীর মনের অবস্থা খারাপ?  
সেকি কিছু বলেছে তোমাকে?

মানদা। মুখ ফুটে না বললে কি তা' বোঝা যায় না? ঘরের লক্ষ্মী বোমা  
আমার কেন দিনদিন গুণিয়ে যাচ্ছে? কেন—কেঁদে কেঁদে বুক  
ভাসাচ্ছে?

কনক। (বিস্মিতভাবে) রাণী কাঁদছে?

মানদা। শুধু কি কাঁদছে? সে আজ লেখাপড়া শিখতে চায়, বি, এ  
পাশ করতে চায়...

কনক। Damn it ! আচ্ছা, তুমি এখন যাও—আমি একটু বিশ্রাম করবো।

মানদা। গরীবের মেয়ে...

কনক। শুধু গরীবের মেয়ে নয়—চাষার মেয়ে...unrefined, rustic !

মানদা। আমার মাথা খাস্—তুই ওই মনীষা-মেয়েটার সঙ্গে আর মেলামেশা করিস্ নে। মেয়েমানুষ বতই\* শিক্ষিতা হোক—তবু সে মেয়েমানুষ !

কনক। আচ্ছা, আচ্ছা, এখন যাও...

মানদা চলিয়া গেলেন—কনক চোখ বুজিয়া কি ভাবিতে লাগিল। রাগী

ঘরে ধীরে প্রবেশ করিয়া কনকের কপালে হাত রাখিল

রাগী। অস্থখ করেছে ?

কনক। না।

রাগী। হাঁটু অব্ধি মেঠো ধূলো, চাকরদের কাউকে ডেকে জুতো জোড়া

খুল্‌বারও তাগিদ নেই—বলি, কি হয়েছে তোমার ?

নিচেই জুতা খুলিয়া আঁচল দিয়া পা ঝাড়িতে লাগিল

কনক। রাগী ! শুন্ছি নাকি তোর ননের অরুচি খুব খারাপ ?

রাগী। হ্যাঁ।

কনক। কেন ?

রাগী। কেন তুমি সারাদিন মাঠে মাঠে ঘুরে বেড়াও ? রোদে পুড়ে

চোখ-মুখের চেহারা কি বিশী কালো হ'য়ে উঠেছে ! আয়না

আনবো, দেখবে একবার ?

কনক। মুখ যখন পুড়েই গেছে—তখন আর তা' দেখে কি লাভ ?  
রাণী। কিছু খাবার এনে দিই খাও। মনীষাদি গেল কোথায় ? সে  
কাছে বসলে বেশ একপেট খেতে পার—নইলে একটু মুখে দিয়েই  
পালাবে। লালু !

লালুর প্রবেশ

মনীষাদিকে ডেকে আনতো !

একদিকে লালু অল্পদিকে রাণীর প্রস্থান

কনক। Yes, jealousy ! Nonsense !

সুন্দরীর প্রবেশ

সুন্দরী। দিদিমণি জিজ্ঞেস্ করছেন—একখানা রেকাবীতেই দু'জনের  
খাবার দেবেন—না, দু'খানা পৃথক রেকাবী আনবেন ?

কনক। তোমার দিদিমণিকে বলো, আমি খাবার খাবো না, আমার  
খিদে নেই।

সুন্দরী। ( চোখ মুখ ঘুরাইয়া—স্বগত ) হুঁ ! খিদে মাং হয়ে গেছে...

প্রস্থান

মনীষার প্রবেশ

মনীষা। তুমি নাকি আমাকে ডেকেছ কনকদা ?

কনক। না, তোমার বৌদি ডেকেছেন। তুমি আর কতদিন থাকবে  
এখানে, মনীষা ?

মনীষা। কেন ?

কনক। এমনিই জিজ্ঞেস করছি...

মনীষা। তা' কি ক'রে বলবো? আমি তো এখন দাদামহাশয়ের  
বন্দিনী! তোমাকে এত গস্তীর দেখছি কেন, কি হয়েছে?

কনক। কিছুই হয়নি।

মনীষা। নিশ্চয়ই কিছু হয়েছে...

ঐযৎ ঘোমটা টানিয়া খাবার লইয়া রাণীর প্রবেশ

দেখো বৌদি কনকদার' কি অগায়! আমাকে এখান থেকে তাড়িয়ে  
দিচ্ছেন। তুমি আমাকে ভালবাসো না কনকদা, তা' আমি জানি—  
কিন্তু আমি চ'লে যাবার দিন—বৌদি আমার গলাটা জড়িয়ে ধ'রে  
কাঁদবে। কাঁদবে না বৌদি? বাঃ এখুনি যে কেঁদে ফেল্লে—ছিঃ  
কেঁদ না।

আদর করিয়া চোপ মুচাইল

কনক। শোনো মনীষা! আজই আমি South Africa যাত্রা করছি।

আমার এক বন্ধু আছেন Mining Engineer—তাঁরই সাথে।

মনীষা। ( বিস্মিত ভাবে ) South Africaয়? কেন? তোমার  
সে ছবি-তোলার কি হ'লো?

কনক। মাঠের রোদে পুড়ে—আনার চেহারা বিশ্রী কালো হয়ে  
উঠেছে!

মনীষা। ও, সেই কারণেই নেগ্রোদের সঙ্গে বন্ধুত্ব পাতাবার সখ্ হয়েছে?  
তাই বলো—বৌদি কিছু বলেছে বুঝি? কিন্তু কনকদা, বৌদি আমার  
An emblem of innocence and purity!

কনক । তা' বটে...

মনীষা । তা' বটে, মানে ? তুমি কি প্রতিবাদ করতে চাও ?

কনক । নিশ্চয়োজন । অচ্ছা, মনীষা ! বলতে পার—এ জীবনে  
মানুষের কাম্য কি—মানুষ কি চায় ?

লালু আসিয়া চায়ের সরঞ্জাম রাখিয়া গেল—রাগী দূর হইতে মনীষাকে  
ইচ্ছিতে ডাকিল । মনীষা নিকটে গেল । রাগী তাহার  
কানে কানে কি বলিয়া চলিয়া গেল

মনীষা । ই্যা, তুমি কি বল্ছিলে কনকদা ? মানুষ কি চায় ?

কনক । Yes.

মনীষা । ভদ্রলোকের গলা শুকিয়ে গেলে প্রথমেই চায়—এক কাপ্  
চা । আগে আমি চা-টা তৈরি ক'রে নিই—তার পর বল্ছি...

চা তৈরি করিতে করিতে মনীষা গাহিল—

গান

হুন্ হুন্ হুন্ হুন্—বাজে পেয়ালা

চা-চামচে চিনি ।

বাজে ঝুরো চুড়ি রিগি ঝিনি ঝিনি

চা-চামচে চিনি ।

সরম লাগিয়া বৃষ্টি গরম জলে

রাঙিয়া উঠেছ তুমি ওগো তরলে !

তবু, যুদ্ধ-মধু সৌরভে গরবিনী—

চা-চামচে চিনি ।

কত তৃনাতুর চাকের প্রায়

এ ভরা পেয়ালা পানে—

ফিরে ফিরে চায় ।

কম্পিত করতলে টলমলিয়া\*

যাও তুমি তাঁরই কাছে নীরব প্রিয়!

চটয়া নিকটে বসি আছেন যিনি—

চা-চামচে চিনি ।

কনক । হা হা হা—ভেবেছিলাম হাস্‌বো না । কিন্তু তোমার গান শুনে  
—পেরে উঠ্‌লাম না ।

মনীষা । তাই নাকি ? আমার ভাগ্যি...

কনক । আচ্ছা, তুমি নাকি এ বাড়ীতে আর কথখনো গান গাইবে না ?

মনীষা । ওঃ ! ভুল হয়ে গেছে ।

নিজের নাক ও কান মলিল

উভয়ে চা-পান করিতে লাগিল—ধীরে ধীরে ঘরের মধ্যে অন্ধকার

ঘনাইয়া আসিতেছিল

রাগীর প্রবেশ

কনক । এখন বলো মনীষা, মানুষ কি চায় ?

মনীষা । Peace and happiness—সুখ ও শান্তি !

কনক । Certainly not. মানুষ চায়—Cares, anxieties,  
troubles and unrest !

মনীষা । ( হাসিয়া ) তাই নাকি ? সত্যি?

কনক । নতুবা অশোকের মত একটা brilliant scholar—who never stood second in any examination—তার এ দুর্ব্বুদ্ধি হবে কেন ?

মনীষা । দুর্ব্বুদ্ধিটা কি হলো ?

কনক । না, থাক—তার সম্বন্ধে কোনো অপ্রিয় আলোচনা করবো না তোমার সঙ্গে ।

মনীষা । অতের সঙ্গে করবে তো ? দেখো কনকদা, অশোক সেনকে তুমি চেন না । তার aspiration, তার ambition, এমনকি তার interpretation of life is quite different from that of yours.....

কনক । Will you kindly be a little more explicit ?

মনীষা । Yes, I will.....

তখন ঘরের মধ্যে অত্যন্ত অন্ধকার হইয়াছিল । মাধব ধীরে ধীরে প্রবেশ

করিলেন । রাণী বহুক্ষণ নীরবে এক কোণে

দাঁড়াইয়াছিল

মাধব । কি গো দাদা দিদি ! আজকালকার ইংরেজি দর্শন-শাস্ত্রের আলোচনা বুঝি অন্ধকারেই জমে ভালো ?

মনীষা । রাত্রির হয়ে গেছে নাকি ?

রাণী ব্যস্তভাবে একটা আলো আনিল—ঘর আলোকিত হইল

মাধব । দার্শনিক মহীতোষের মেয়ে তুমি তোমার কাছে আলো-আঁধার একই কথা । কিন্তু তুমি তো এই মাধব রায়ের নাতি ? পাশের ঘরে যি চাকর গুলো হাসাহাসি করছিল, তাও কি গুনতে পাওনি ?

কনক । তারা হাসাহাসি করতে পারে—অথচ একটা আলো এনে রেখে  
যেতে পারে না ?

মনীষা । আচ্ছা, বৌদি তুমি তো এখন একটা আলো নিয়ে এলে, কিন্তু  
কিছু আগে আনলে না কেন ?

কনক । তোমার বৌদি যে Emblem of innocence and purity !

মাধব । নাতবৌ তো এই ঘরের ভেতরেই দাঁড়িয়ে ছিল, তাও বুঝি দেখতে  
পাওনি তোমরা ?

কনক । Just see the fun...

মাধব । যাক্গে, তাতে আর হয়েছে কি ? এখন চলো তো মনীষা বিবি  
আমরা একটু ঠাকুর-বাড়িতে যাই...

মনীষা । চলুন...

উভয়ের প্রস্থান

• রাগী । তুমি যাবে না ঠাকুর-বাড়িতে ?

কনক । না ।

• রাগী । কেন ?

কনক । এখনো জমিদারী পাওনি যে কৈফিয়ৎ তলব করছ...

রাগী । রাগ করেছ ?

কনক । হ্যাঁ করেছি । কেন তুমি অন্ধকারে চুপাট করে দাঁড়িয়ে ছিলে ?  
বলো.....

রাগী । সত্যি বলবো, বিশ্বাস করবে ?

কনক । সত্যি হলে, নিশ্চয়ই বিশ্বাস করবো ।

রাগী । তোমার মত আমিও ভুলে গিয়েছিলাম ঘরের ভেতর এত অন্ধকার



দ্বিতীয় অঙ্ক

সিঁথির সিঁদূর

প্রথম দৃশ্য

হয়েছে। আমি শুধু ভাবছিলাম—তোমাদের ওই কথাগুলো যদি  
বুলতে পারতাম—আমিও যদি পারতাম মনীষাদের মত ইংরেজি  
বুলতে—তোমার সঙ্গে তর্ক করতে...

কনক। Damn it—আমার শ্লিপার জোড়া দাও...

রাণী দিল

রাণী। কোথায় যাচ্ছ?

কনক। যমের বাড়ী।

রাণী। ইস...

হাত টানিয়া ধরিল

কনক। আঃ ছাড়ো—রিহার্সেল আছে...

রাণী। না, আজ আর কোথায়ও যেতে পারবে না, এখানেই বসে  
থাকবে।

কনক। আব্দার?

রাণী। হ্যাঁ আব্দার। কেন বললে—যমের বাড়ী যাচ্ছ? আমার  
বুকের ভেতর এখনো কাঁপছে। কেন? আমি কি করেছি যে,  
আমাকে এভাবে কাঁদাবে?

কনক। আঃ ছাড়ো, দেরি হয়ে যাচ্ছে...

রাণী দিয়া হাত ছাড়াইয়া প্রস্থান

রাণী। উঃ ভগবান্। (কাঁদিল)

সুন্দরীর প্রবেশ

সুন্দরী । ওগো ঢেঁকি, এখন আর কেঁদে কি লাভ ?

“যখন ধাত্রী কাটে নাড়ী

তখন কি ওঠে দাড়ি ?

কাল পেয়ে যৌবনে দাড়ি ওঠে !

যখনি কুপথা-যোগ—

তখনি কি বাড়ে রোগ ?

কুপথা রোগের নিদান বটে ।”

রাণী । সুন্দরী, তুই এখন থেকে চলে যা—চলে যা—আমি তোর মুখ  
দেখবো না ।

প্রস্থান

সুন্দরী । ইস্ ! এক ফোঁটা বিম নেই—কুলোপানা চক্কর !

## দ্বিতীয় দৃশ্য

স্থান—মাধব রায়ের কক্ষ

কাল—পূর্বাহ্ন

দৃশ্য—মাধব রায় একটা তাকিয়া ঠেসান দিয়া গড়গড়া টানিতেছিলেন—রাণী তাহার  
পদসেবা করিতেছিল ও নীরবে অশ্রুবর্ষণ করিতেছিল । লালুর প্রবেশ

মাধব । তুমি কেঁদনা নাতবো, কনক যদি ভাল না বাসে, না বাসবে—আমি  
তো আছি ?

রূপ যৌবন জোয়ারের জল, .

আজ আসে কাল যায়—

কনকের চেয়ে ঢের সুরসিক

এ বুড়ো মাধব রায় !

কি বলো, তাই নয় কি ?

রাণী । মনীষাদির সঙ্গে গুঁর বিয়ে দিন্—সত্যিই উনি তাকে ভালবাসেন ।

মাধব । তুমি সহ করতে পারবে ?

রাণী । কেন পারবো না । গুঁকে স্ত্রী করবার জন্তে আমি কি না-  
পারি দাদামশাই ?

মাধব । আচ্ছা ! আমার জমিদারীটা আগে তোমার নামে উইল করি—  
তারপর দেখে নেবো ওসব বি-এ-এম-এ-দের কেরামতি কত !

রাণী । না, না, না—আমার নামে কোনো উইল করবেন না—তা’হলে  
উনি এ বাড়ি ছেড়েই চলে যাবেন—দিনান্তে একবার দেখতেও  
পাবনা গুঁকে...

মাধব । হুঁ ! আচ্ছা—তুমি কেঁদ না—আমি ব্যবস্থা করছি...

লালুর প্রবেশ

লালু । নিবারণ বাবু এসেছেন ।

মাধব । ডেকে আন ।

একদিকে লালু ও অল্পদিকে রাণীর প্রস্থান । মাধব বালিশের নীচু হইতে

একটা দলিল বাহির করিয়া পড়িতে লাগিলেন—নিবারণের প্রবেশ

খবর কি নিবারণ ?

নিবারণ । আজ্ঞে, ঠিক হয়েছে...

মাধব । কি ঠিক হয়েছে ?

নিবারণ । আঞ্জে, কে যেন কাল রাত্রে বাজারের একটা বেষ্ঠাকে খুন করে, তার গয়নাগাঁঠি নিয়ে পালিয়েছে ।

মাধব । চুপ । আগে দরজা-জান্নাগুলো বন্ধ করো ।

নিবারণ তাহাই করিল

হ্যাঁ, বলো, তারপর ?

নিবারণ । দারোগা নিজেই অশোককে সন্দেহ করেছে...

মাধব । কারণ ?

নিবারণ । সাড়ে বারোটার ট্রেণে অশোক কল্কাতায় গেছে—ঘটনাটাও ঘটেছে—ঠিক এগারোটা থেকে বারোটার মধ্যে । তদন্তের সময় আমি দুটো সাক্ষী উপস্থিত করে দিইছি—যারা স্বচক্ষে দেখেছে—অশোককে সেই বেষ্ঠার ঘরে বসে মদ খেতে...

মাধব । তাই নাকি ?

নিবারণ । আঞ্জে হ্যাঁ, তাদের দুজমকে দুশো টাকা দিতে হবে...

মাধব । ( ফতুয়ার পকেট হইতে বাহির করিয়া ) এই নাও—আর দারোগাকে কিছু দিতে হবে না ?

নিবারণ । আঞ্জে হ্যাঁ, তা' হবে বৈকি !

মাধব । কতো ? পাঁচহাজার না দশ হাজার ?

নিবারণ । আঞ্জে, আপাতত পাঁচ হাজার দিলেই চলবে—তারপর—

আচ্ছা—এখন থাক্, আমি সঠিক জেনে বলবো ।

দ্বিতীয় অঙ্ক

সিঁথির সিঁদূর

দ্বিতীয় দৃশ্য

মাধব । মোটের উপর যেন ফেসে যায় না, খুব সাবধান ! যতটাকা  
লাগবে—আমি দেব । যত সাক্ষী দরকার—লাগাও !

নিবারণ । বে আজে ।

যাইতেছিল

মাধব । শোনো নিবারণ ! আমি একটা খুনে জমিদার । আমার হুকুমে  
বহু দাঙ্গা হাদামা ও ~~হুন~~—জখম হয়ে গেছে । কিন্তু কোনোদিন কোনো  
ঘটনার ভেতরে নিজে জড়িয়ে পড়িনি । বিশ্বাসী কর্মচারীরাই সব  
করেছে—প্রয়োজন হলে জেলও গেটেছে ।

নিবারণ । আজ্ঞে বলেছি তো, নিবারণ আপনার জন্তে দশহাত জলের  
তলে নাব্তেও প্রস্তুত ! দু'এক বছর জেল হয়—ছেলে-মেয়ে-বো—  
আপনার পায়ে পৌছে দিয়ে, চলে যাবো ।

মাধব । আচ্ছা, তাহলে এখন এসো, জান্না দরজাগুলো খুলে দাও—

নিবারণের প্রস্থান

মানদার প্রবেশ

মানদা । বাবা, একটা কথা বল্বো—রাগ করবেন না ?

মাধব । কি ?

মানদা । ননীষা-মেয়েটাকে কলকাতায় পাঠিয়ে দিন ।

মাধব । হুঁ, দেখো বোমা ! এ জগতে সবাই মনে করে আমি খুব বুদ্ধিমান  
বা বুদ্ধিমতী । কেউ কেউ যদি মনে করতো আমার বুদ্ধিটা কারো  
কারো অপেক্ষা কম—তা'হলে সংসার-ধর্ম করা খুব সোজা হতো...

প্রস্থান

• হাসিতে হাসিতে কনকের প্রবেশ

কনক । কেমন ? হয়েছে ? পাঁচশোবার বলেছি—অতো বাড়াবাড়ি  
করনা...

মানদা । বাড়াবাড়ি করছি আমি ?

মনীষার প্রবেশ

কনক । এই যে মনীষা, কোথায় ছিলে এতক্ষণ

মনীষা । রান্না করছিলাম...

কনক । রান্না ? কি সর্বনাশ ! কি রান্না করলে ?

মনীষা । দাদামশাই ‘মোচার চপ্’ খেতে চেয়েছেন...

কনক । দাদামশায় খেতে চাননি—বোধ হয়, তোমাকে ঝাঁরা দেখতে  
আসছেন, তাদের খাওয়াবেন বলেই, তৈরি করতে বলেছেন ।

মনীষা । কে আমাকে দেখতে আসছে ?

কনক । রান্নানগরের জমিদার ।

মনীষা । তাই নাকি ? তাতো আমি জানি না । আচ্ছা কনকদা,

• আমার একটা বিয়ে দেবার জন্তে তোমাদের বাড়িগুরু সবাই এভাবে  
ক্ষেপে উঠেছে, কেন বলতে পার ?

মানদা । মেয়ে-নাচুস জন্ম পেয়ে—চিরদিন তো বাপের বাড়িতে হৈ হৈ  
করে বেড়ানো চলে না বাছা ?

মনীষা । বৌদিকে দেখে আমার বিয়ের সপ মিটে গেছে জ্যাঠাইনা !

কনক । আমি তা’হলে এখন আসি মনীষা, তুমি আমার মার সঙ্গে একটু  
বগড়া করো...

প্রস্থান

•মানদা। কি জানি না! তোমরা কি লেখাপড়া শিখেছ। আমরা ছোট বেলায় কত ব্রতানয়ম করেছি—চন্দ্রহর্য সাঙ্গী রেখে বলেছি—সীতার মত সতী হবো, রামের মত পতি পাবো...

সুন্দরীর প্রবেশ

সুন্দরী। ওসব কি ছুঁপাশ বলছ মা? বোলো যে—‘চশমা চোখে জুতো পায়ে, ধেই ধেই ধেই নেচে বেড়াবে’—

মনীষা। ( হাসিয়া ) বাঃ সুন্দরী তো বেশ নাচতেও জানে দেখছি...

সুন্দরী। অনেক কিছু জানি আমি—কাউলিডাক্সার মেয়ে! উচিত কথা বলতে বাপকেও ছাড়িনি! তুমি একটা সোমন্ত বয়সের ধুমসো মাগী, লজ্জা করেনা তোমার—দাদাবাবুর হাতখানা ধরে মাঠে মাঠে ঘুরে বেড়াতে?

রাগীর প্রবেশ

মনীষা। আচ্ছা বোদি, তুমিই বলোনা ভাই, এতে আমার এমন কি লজ্জার কারণ হতে পারে? কনকদা যে আমার দাদা...

সুন্দরী। তাতো বটেই দাদা আর দিদি!

মানদা। চুপ কর মাগী, কি যা'তা' বাজে বক্ছিছ?

সুন্দরী। সহ হয়না মা। দিদিমণি আমাদের শ্রাক্ষা মেয়ে—নইলে কি ঘটনাটা এতদূর গড়ায়?

রাগী। সুন্দরী, তুই কি আমাকে পথে না বসিয়েই ছাড়বি নে? কি ক্ষতিটা করেছি আমি তোর...( কাঁদিল )

মনীষা। ছিঃ বোদি কেঁদনা। এসব অশিক্ষা ও কুশিক্ষার ফল তো

আমাদের সইতেই হবে। আচ্ছা সুন্দরী! তুমি তো আর আমি কনকদার সঙ্গে মাঠে বেড়াতে যাই না, কেন তুমি যা'তা' বলছো ? সুন্দরী। মাঠে যাবার আর দরকার কি ? এখন তো আর অন্ধকার ঘরে আলো না থাকলেও, তোমাদের আপত্তি নেই ?

মনীষা লজ্জিতা হইল

রাণী। তুমি ভেবেছিস্ কি ? আমি এখুনি দাদামশায়ের কাছে যাচ্ছি। হয় তোকে এবাড়ি থেকে তাড়াবো, আর না হয় আমি নিজেই চলে যাবো।

মানদা। ওবাবা ! বোয়ের তো রাগও আছে দেখ্ছি...

মনীষা। সবার ভেতরেই সব আছে—খুঁচিয়ে তুললে সবই পাওয়া যায়।

সুন্দরী। দেখো বাছা, তোমাকে একটা কথা বলি...

মানদা। না, আর কোনো কথা বলার দরকার নেই—চল্ আমার সঙ্গে, আমি একবার ঠাকুর বাড়িতে যাব।

উভয়ের প্রস্থান

কনকের প্রবেশ

কনক। রাণী কাঁদছে কেন মনীষা ?

মনীষা। জানিনা।

কনক। তোমার মেজাজটাও তো ভাল দেখ্ছি না—ব্যাপার কি ?

মনীষা। তুমি আর আমার সঙ্গে কথা বলতে এসোনা কনকদা !

কনক। কেন, কি হয়েছে ?

মনীষা। আঃ, you are very unreasonable..



কনক। আমার রিভলবারটা কোথায় ননীষা ?

ননীষা। আছে আমার কাছে। এখন পাবে না...

রাণীর প্রবেশ

কনক তাহার নিকটে গেল

কনক। Will you kindly tell me madam, what has happened ?

রাণী। সবাই মিলে যদি দিনরাত আমাকে কাঁদাও, সত্যি বলছি, আমি পাগল হ'য়ে যাবো—পাগল হয়ে যাবো—( কাঁদিল )

কনক। ও, বুঝেছি—আসি তা'হলে—Good bye...

প্রস্থান

রাণী। ওগো, শোনো—শোনো—উঃ ভগবান ! মৃত্যু ছাড়া আমার বুঝি আর কোনো উপায় নেই...

ননীষা। বোদি, শোনো এরকম করলে চলবেনা। তোমাকে শক্ত হতে হবে, সবল হতে হবে। অস্ত্রায়ের কাছে, অত্যাচারের কাছে—আত্মসমর্পণ করতে নেই। তা'তে সেই অস্ত্রায়-অত্যাচার আরো বেড়ে ওঠে !

কনকের হাত ধরিয়া টানিতে টানিতে মাধবের প্রবেশ

মাধব। আমার এই নাতবো কাঁদছে কেন কনক ?

কনক। জানিনা।

ননীষা। কেন মিছে কথা বলছ কনকদা ? তুমি সবই জানো। বোদিকে সব চেয়ে বেশী কাঁদাচ্ছ তুমি...

মাধব। আদর করো, চোখ মুখ মুছিয়ে দাও, আমার লক্ষ্মী যদি দিনরাত

কাঁদে—তাহলে এই সোনার জমিদারীতে আগুন লেগে যাবে যে—এসো  
বিবিসাহেব, আমরা ঠাকুরবাড়িতে যাই... উভয়ের গ্রন্থান

কনক। (রাণীর কাছে করজোড়ে—নতজানু হইয়া) মহামহিম—  
মহিমাৰ্ণব শ্রীল শ্রীযুক্ত মাধব রায়—জমিদার-মহাশয়ের আদেশ পালন  
করতে এসেছি—রাণী! তুমি প্রসন্ন হও!

রাণী। আমি কি অপরাধ করেছি—কেন আমাকে এত শাস্তি দিচ্ছ?  
দাদামশাই অন্ঠায় করশ্বন, মা অন্ঠায় করবেন, সুন্দরী অন্ঠায় করবে—  
এসব অন্ঠায়ের জন্তেই কি দায়ী হবো আমি? তোমার পায় পড়ি,  
আমাকে আর কাঁদিও না, আমি আর সহ ক'রে উঠতে পারছি নে।

পদতলে পড়িয়া কাঁদিতে লাগিল

### তৃতীয় দৃশ্য

স্থান—ঠাকুরবাড়ি

কাল—অপরাহ্ন

দৃশ্য—মন্দিরের রোয়াকে অজিনাসনে রামকানু উপবিষ্ট—পদপ্রান্তে সুন্দরী—

রামকানু কীৰ্ত্তনের ছলে সুন্দরীকে প্রেমতত্ত্ব জ্ঞানাইতেছিলেন

“সজল-জলদাঙ্গ—ত্রিভঙ্গ-বাকা—

তরমূলে!”

দেখি উন্মাদিনী রাখা ছুটে এলো

এলোচুলে।

মাধবের প্রবেশ

সুন্দরী। (দূর হইতে তাহাকে দেখিয়াই) বুড়োকৰ্ত্তা এদিকে আসছেন—

আমি পালাই...

গ্রন্থান

মাধব । কি হচ্ছে ঠাকুরমশাই ?

রামকান্ত । আজ্ঞে, স্ত্রন্দরীকে একটু ‘কৃষ্ণতরু’ শোনাচ্ছিলাম ।

মাধব । হুঁ । আচ্ছা, কাল রাত্তির বারোটোর পর, স্ত্রন্দরী কেন এসেছিল

আপনার এখানে ?

রামকান্ত । ঠাকুরের একটু চরণামৃত নিতি ।

মাধব । অতো রাত্রে চরণামৃত ?

রামকান্ত । চরণামৃতের কি কোনো সময়-অসময় আছে রায়মশাই ?

ভক্তের তেষ্ঠা নিয়েই কথা ।

মাধব । তা’ বটে । ভক্ত যদি একবার অমৃতের সন্ধান পায়, তাহলে

বোধ হয়, গলাটা তার চব্বিশ ঘণ্টাই শুকিয়ে থাকে । “অমৃত স্বর্গেতে

থাকে, লোকে এই বলে—তাতো নয় আমাদের আমগাছে ফলে ।

যখন মুকুলগুলি ফুটে উঠে ভাই—তখনি তো অমৃতের গন্ধ  
টের পাই !”

রামকান্ত । হা হা হা হা...

মাধব । থাক্, থাক্, আর হাসবেন না—শুভুন—অমৃতের গন্ধ কেউ লুকিয়ে

রাখতে পারে না । যথা-সময়ে ওটা টের পাওয়াই যায়—বুঝলেন ?

রামকান্ত । আজ্ঞে কথাডার মানে তো ঠিক বুঝ্তি পারলাম না ।

মাধব । আর ত্রাকামো করতে হবে না । মাধব রায়ের কথার মানে

বোঝা যায়, তার কথা শুন্বার অনেক আগে—এখন চলুন একবার

আমার সঙ্গে...

রামকান্ত । কোথায় ?

মাধব । কাছারী বাড়িতে...

রাণীর হাত ধরিয়৷ মনীষার প্রবেশ

মনীষা । আচ্ছা দাদামশাই, আপনারা কি এই মেয়েটিকে নেরে ফেলবেন ?  
মাধব । কেন—কেন ?

মনীষা । দিনরাত ঘরে বসে কাঁদবে, বাইরে একটু বেরবে না—হাসি  
ঠাট্টা, গান-বাজনা, কোনো তা'তেই যেন কোনো অধিকার নেই !  
বোঁ-সাজা কি এতই অনাজ্ঞনীয় অপরাধ ?

মাধব । কে বলেছে সে কথা ?

মনীষা । এই ঠাকুরবাড়িতে বসে একটা গান গাইলে নাকি ওর  
জাত যাবে ?

মাধব । না, না, না, তা' কেন যাবে ? আমিই আজ তোমার গান  
শুনবো নাতবো ! তোমরা এখানেই একটু অপেক্ষা করো—আমি  
আসছি—আম্মন ঠাকুরমশাই...

উভয়ের প্রস্থান

রাণী । সত্যিই কি তুমি কাল চলে যাবে ?

মনীষা । হ্যাঁ বৌদি, আমি বেশ বুঝতে পারছি—শুধু আমার জন্তেই তুমি  
আজ এত বিপন্ন হ'য়ে উঠেছ ।

রাণী । আচ্ছা, যাও...

মনীষা । রাগ করলে ?

রাণী । কি অধিকার আছে আমার—তোমার উপর রাগ করবার ?

কাদিল

মনীষা । বৌদি, শোনো...

রাণী । কি আবার শুনবো ? ছুদিনের জন্তে কেন এসেছিলে এখানে ?

সত্যিই যদি ভালবাসো—তা'হলে কণ্ঠখনো বেয়োনা আমাকে এ অবস্থায় ফেলে। আজ যদি তুমি চলে যাও—তা'হলে আমার অবস্থা কি দাঁড়াবে—জানো ?

মনীষা। কি ?

রাণী। তোমার সঙ্গে সুদে আমি ঠুকেও হারাবো।

মনীষা। তার মানে ? তুমিও কি সুন্দরীর মতো...

রাণী। পাগল ! দাদা তার ছোটবোনের গুণপনায় মুগ্ধ হতে পারে—তাতে দোষ কি ? সে ভালবাসা যে কত পবিত্র, তা' সুন্দরী বোকেনা—  
আমি বুঝি। আমার যে একটা দাদা ছিল...

চোখ মুছিল

মনীষা। হ্যাঁ, তা'তো শুনেছি। কিন্তু তিনি এখন কোথায় ?

রাণী। কি করে বলবো ?

মনীষা। কি নাম ছিল তার ?

রাণী। অজয়। অজয়দার গায়ে শক্তি ছিল অম্লরের মত। আমার বয়স বখন পাঁচবছর, তখন তিনি আমাকে কোলে নিয়ে—গাছে উঠতেন—পিঠে চড়িয়ে নদী পার হতেন ! বয়স ছিল আমার চেয়ে—দশ কি বারো বছর বেশী। আমার মনে হয়, তিনি এখন বেঁচে নেই—বেঁচে থাকলে...

চোখ মুছিল

মাধবের প্রবেশ

মাধব। এইবার—নাতবো, তোমার একটা গান শুনবো...

রাণী। সত্যি ঠাকুরদা, আমি গান গাইতে জানিনা।

মনীষা। মিছেকথা বলোনা—এই দেবমন্দিরে ব'সে। কেতন যা গায়—

দাদামশাই! Splendid! Beautiful!

মাধব। আবার এই ঠাকুরবাড়িতে—ইংরেজি কথা?

মনীষা। ওঃ—ভুল হ'য়ে গেছে...

নিজের নাক কান মলিল'

সুন্দরীর প্রবেশ

সুন্দরী। মাঠাকরুণ দিদিমণিকে ডাকছেন।

মাধব। কেন?

সুন্দরী। দিদিমণি গিয়ে তার লক্ষ্মী-পূজোর জিনিষপত্র গুছিয়ে দেবেন।

মাধব। আচ্ছা, তুই এখন যা এখান থেকে।

সুন্দরী। মা-ঠাকরুণ রাগ করবেন যে...

মাধব। বটে? তোর মাঠাকরুণকে গিয়ে বল—মাধব রায় নিজেই আজ

লক্ষ্মীপূজো করছেন—তাঁর আর দরকার নেই—ঢের করেছেন।

সুন্দরী। দিদিমণিকে এখনি নিয়ে যেতে বলেছেন তিনি...

মাধব। (হাতের লাঠি উচাইয়া) বেরো—বেরো এখান থেকে—বজ্জাত

মাগী! তুই জানিস না, আমি কে? 'তোর মা-ঠাকরুণকে গিয়ে

বল—যদুরায়ের বাবা মাধব রায়—এখন তার নাতবোয়ের গান

গুনছে—লক্ষ্মীপূজোই হোক আর দুর্গোৎসবের পাঠাবলিই হোক—

এবাড়ির সব-কিছুই এখন বন্দ থাকবে...

সুন্দরীর প্রস্থান

মাগী বোধ হয় মনে ভেবেছে—আমি একটা লালু! যেদিন দুঃশাসনের

মত কেশাকর্ষণ করে, লক্ষ্মণের মত নাক-কান কেটে ছেড়ে দেব—ও

শয়তানী সেইদিন বুঝবে—এ মাধব রাজ্য লোকটা কে। গাও  
না তবো! একটা গান গাও—

রাণী ও মনীষা গাহিল

সখি, কান্না লাগিয়া কাদিয়া কাদিয়া

অন্ধ নয়ন মণি !

আমি, শুনি আনমনে বসি নিরঞ্জে

কান্নুর নুপুর-ধ্বনী ।

আজি, মলয়-পবনে, কান্না-পরশনে

শিহরে এ দেহলতা,

ওগো, জানেনা রসনা, কোনো আলোচনা

বিনা সে কান্নুর কথা ।

এই, দেহমন দিয়া কান্নুরে সেবিয়া

শ্রীমতী অকুলে ভাসে—

সখি, বলে দে সবারে—কেহ যেন তারে

আর নাহি ভালবাসে ।

কনকের প্রবেশ

কনক । দাদামশাই, অশোক নাকি একটা বেজাকে খুন ক'রে  
পালিয়েছে ?

মাধব । হ্যাঁ—

কনক । শুনেছ মনীষা অশোকের কীর্তি ? তার মত একটা চরিত্রহীন  
লম্পটকে তুমি ভক্তি করো, ভালবাসো ? ছি ছি ছি !

মনীষা । মিথ্যে কথা, অশোকদা এমন কাজ করতেই পারে না ।

মাধব। লোকচরিত্র-সম্বন্ধে তোমার কোনো অভিজ্ঞতা নেই মনীষা—বাক  
সে কথা। আজই তোমাকে কলকাতায় যেতে হবে...

মনীষা। আমি যাবোনা।

মাধব। যাবে না?

মনীষা। না। আমি বেশ বুঝতে পারছি দাদামশাই—এসব আপনাদের  
যড়যন্ত্র। জমিদারের শত্রু অশোকদাকে বিপন্ন করবার জন্তে আপনারা  
তাকে খুনী-আসানী সাজাতে চান। যে অশোকদা মেয়ে-নাচুয়ের  
মুখের দিকে চায়না—সে আজ মদ খেয়েছে, একটা বেশীকে খুন  
করেছে—এ সব কথা আমাকে বিশ্বাস করতে হবে?

মাধব। তোমার বিশ্বাস বা অবিশ্বাসের ফলে অশোকের প্রাণ-রক্ষা  
হবে না। তাকে আজ ফাঁসি কাঠে ঝুলতেই হবে—কনক!  
মহীতোষকে একখানা তার ক'রে দাও—মনীষাকে এখান থেকে  
নিয়ে যেতে...

এস্থান

### চতুর্থ দৃশ্য

স্থান—মনীষার শয়ন কক্ষ।

কাল—রাত্রি

দৃশ্য—মনীষা একটা চেয়ারে বসিয়া টেবিল-ল্যাম্পের সাহায্যে একখানা বই  
পড়িতেছিল—

একটা খোলা জানলা পথে বাহিরের দিকে চাহিল

উঃ কী ভয়ানক অন্ধকার! মেঘ করেছে—বিদ্যুৎ চম্কাচ্ছে—  
অশোকদা যদি এ কাজ করে থাকে, তাহলে সৃষ্টি আজ ধ্বংস হয়ে যাবে  
—ধ্বংস হয়ে যাবে—



রাণীর প্রবেশ

রাণী । মনীষাদি, তুমি নাকি আজ রাত্রেই চলে যাচ্ছ ?

মনীষা । কে বললে ? এই ছুর্যোগের রাতে তোনাকে ছেড়ে আমি কি

চলে যেতে পারি ? তুমিই তো আনাকে পথ দেখিয়ে নিয়ে বাবে বোদি ! সতীমানদের সতী মেয়ে তুমি—তোনার কপালের ওই আলো-টুকুই যে আনার জীবনের লক্ষ্য...

রাণী । রাত্রে কিছু খাবে না তুমি ?

মনীষা । না, আমার খিদে নেই । বড্ড ঘুম পাচ্ছে—আনি একটু ঘুমবো । সবাইকে বলে দিও—কেউ যেন আমাকে আর বিরক্ত না করে—

রাণী । আচ্ছা...

প্রস্থান

মনীষা জানলাপথে বাহিরের দিকে চাহিল, আলো নিভাইল, শয্যায় শয়ন করিল

ঘরের একটা বারান্দা ছিল—তার একটা দরজা ছিল—কে যেন হঠাৎ

সেই দরজায় আঘাত করিল । মনীষা অতি বিরক্তির

সঙ্গে “আঃ” বলিয়া উঠিল—আলো জ্বলিল,

দরজা খুলিল । অশোক গৃহ মধ্যে

প্রবেশ করিল

মনীষা । ( বিস্মিতভাবে তাহার সেই বিশ্রী চেহারা দেখিয়া ) অশোকদা !

অশোক । চুপ্...

দরজা বন্ধ করিল

মনীষা । কি ক'রে এলে এখানে ?

অশোক । ওই জান্না দিয়ে তোমাকে দেখিছি, তারপর পাইপ বেয়ে

উঠিছি ওপরে...

মনীষা । কী সর্বনাশ !

অশোক । তোনার এ ঘরে খাবার কিছু আছে ? বড় খিদে পেয়েছে ।

মনীষা । না, এ ঘরে তো...

অশোক । এক গ্লাস জল ?

মনীষা একটা কুজো হাতে এক গ্লাস জল আনিয়া দিল

অশোক । ( জল পান করিয়া ) আঃ ! সবই বোধ হয় শুনেছ ?

মনীষা । হ্যাঁ ।

অশোক । বিশ্বাস করেছ ?

মনীষা । না ।

অশোক । All right ! ( শয্যায় উঠিয়া শয়ন করিল ) কলকাতা থেকে  
বাইকে আসছি—শরীরটা অবসন্ন হ'য়ে পড়েছে । এখন একটু ঘুমবো,  
তারপর ভোরে উঠে ধরা দেব—ফাঁসি হবে—বাস্ finished !

মনীষা । আমার এই ঘরে সারারাত ঘুমবে ?

অশোক । কেন, আপত্তি আছে ? ও—( হাসিয়া ) Very well, take  
this revolver, it is loaded. If you find any brute in me—  
just shoot it down.....

রিভলবারটা টেবিলের উপর রাখিয়া চোখ বুজিল

মনীষা । ( বহুক্ষণ নিষ্পান্দের মত বসিয়া রহিল । হঠাৎ অশোককে উদ্ভ্রমের মত টানিয়া তুলিল ) না, না, অশোকদা ! তোমাকে বাঁচতেই হবে—তুমি পালাও—তুমি পালাও—

অশোক । অসম্ভব—জমিদারের ষড়যন্ত্র !

মনীষা । ( কাঁদিয়া ) তুমি জানো অশোকদা, আমি তোমাকে কত ভালবাসি ?

অশোক । জানি ।

মনীষা । আমি কি পারি না—তোমাকে বাঁচাতে ?

অশোক । থিদেতে পেট জলে যাচ্ছে, কিছু খাবার এনে খাওয়াতেই পারলে না, তার আবার বাঁচাবে ?

হাসিল

মনীষা । তুমি কেন এলে এখানে ?

অশোক । শুধু তুমি বিশ্বাস করেছ কিনা, সেই কথাটা জানতে—আর...

মনীষা । আর কি ?

অশোক । ওই রিভলবারটা নিয়ে এসেছিলাম জমিদার মাধব রায়কে খুন করতে...

মনীষা । কেন করলে না ?

অশোক । নাঃ, কোনো লাভ নেই...

মনীষা । সেই পাইপ বেয়ে আবার নাব্তে পারবে ?

অশোক । অসম্ভব । হাত-পা কাঁপছে—পঞ্চাশ মাইল বাইক করেছে—

মনীষা । আচ্ছা, তুমি ঘুমোও...

শিওরে বসিয়া মাথায় হাত বুলাইতে লাগিল—অশোক বুঝাইল। মনীষা হঠাৎ

দরজা খুলিয়া বাহিরে গেল—দূরে নদীবক্ষে

গান শোনা যাইতেছিল

গান

ওরে ও অবুঝ নেয়ে !

মাঝ গাঙে তুই নাও বেয়ে যাস—

পালের বাতাস পেয়ে !

তুই দেখলি তুফান ভারি

তোর সাহস বলিহারি

এই অবেলায় ভরা গাঙে—

ধরলি উজান পাড়ি।

চেউ নাচে ওই—

নাও নাচে তার সাথে

ও মান্নি তুই বৈঠে ধরে—

থাকিস্ নিপুণ হাতে।

ভয় কিরে তোরা……( যদি )

মরণ-জয়ীর গানখানি যাস্ গেয়ে ॥

এক হাতে খাবার আর এক হাতে—কনকের ‘সুট’ লইয়া ঘরে ঢুকিল

মৃদু দৃষ্টিতে কিছুক্ষণ অশোকের মুখের দিকে

চাহিয়া রহিল

মনীষা। অশোকদা ! অশোকদা !

অশোক। ( চমকিয়া উঠিল ) কে ?

মনীষা । খাবার খাও.....

অশোক । খাবার ? কই ? সত্যি মনীষা বড্ডই খিদে পেয়েছে—

টেবিলের কাছে গিয়া বসিল—খাবার খাইতে লাগিল

ওগুলো কি ? ১ .

মনীষা । কনকদার স্নুট ।

অশোক । ও দিয়ে কি হবে ?

মনীষা । ভোর পাঁচটায় ঠাকুরদা ঘুম থেকে ওঠেন, বাগানে ফুল তুলতে যান । দারোয়ানরা তখন দেউড়ীর দরজা খোলে—তখনো একটু একটু অন্ধকার থাকে—ঠিক সেই সময় এই স্নুট পরে তুমি বেরিয়ে যাবে—কেউ বাধা দেবে না ।

অশোক । বেরিয়ে কোথায় যাব মনীষা ?

মনীষা । কলকাতায়...

অশোক । কলকাতায় গেলেও তো—পুলিশের হাত এড়াতে পারবো না ।

আমার বিরুদ্ধে কি ভয়ানক ষড়যন্ত্র চলছে—তা' তুমি ঠিক বুঝতে পারছ না । আমি মদ খেয়েছি তার সাক্ষী, একটা ভেঙার ও দুটো মাতাল ! আমি বেঞ্চালয়ে গিয়েছি, তার সাক্ষী একদল বেঞ্চা । আর আমি খুন করেছি—তার সাক্ষী একটা পান-বিড়িওলা আর তোমাদের এই ঠাকুরবাড়ির পুরোহিত ।

মনীষা । পুরুন্ঠাকুর মিছে কথা বলবেন ?

অশোক । মিছে কথা বলবার অধিকার তো তার তত বেশী, যে যত ধর্মের ভণ্ডামি আর নীতি কথার বাহাদুরী দেখায় ।

মনীষা । আমি ঠিক বুঝতে পারছি না অশোকদা, এতগুলো লোক কেন  
মিছে কথা বলবে তোমার বিরুদ্ধে ?

— অশোক । সেসান জাজের মনেও সেই সন্দেহ জাগবে । জুরীরাও ঠিক  
সেই প্রশ্ন নিয়ে মাথা ঘামাবে । কিন্তু, কেউ বুঝবে না যে টাকা দিয়ে  
এ জগতে সবই হতে পারে । আর সেই টাকার ধনাত্মক মাধব রায় যে  
কোথায় আছেন—তা কেউ খুঁজেও পাবে না ।

মনীষা । তাহলে কি তুমি বলতে চাও—আইন-আদালতে বিচার নেই ?

অশোক । কেন থাকবে না ? Justice is sold, and bought by  
the highest bidder ! যার পয়সা আছে, সে বিচার কেনে ।  
যার নেই—হয় সে কাঁদতে কাঁদতে জেলে যায়—আর না হয়—হাসতে  
হাসতে ফাঁসি-কাঠে ঝোলে !

মনীষা । কি ভয়ানক কথা ?

অশোক । Prosper those who steal and lie,  
Truthful simply starve and die !

মনীষা । তবু তুমি পুলিশের হাতে ধরা দিওনা, কিছুদিন লুকিয়ে থাকো,  
দেখি আনি কি করতে পারি—

অশোক । ( হাসিয়া ) তুমি কি করবে ?

মনীষা । একটা কিছু নিশ্চয়ই করবো—নিরপরাধ তুমি, তোমার ফাঁসি  
হবে, আর তা' জেনে-শুনে নিশ্চিন্ত মনে ঘরে বসে থাকবো আনি ?

অশোক । দু'ফোঁটা চোখের জল ফেলা-ছাড়া তুমি আর কিছুই করতে  
পারবে না মনীষা !

মনীষা । মেয়েদের চোখে শুধু জল থাকে না অশোকদা, আগুনও থাকে ।

ইচ্ছে করলে, বে-কোনো-মেয়ে তার চোখের আগুনে বিশ্বস্রষ্টি জালিয়ে  
পুড়িয়ে ছারখার করে দিতে পারে ! !

অশোক । হাট্‌হাট্‌—beautiful ! dramatic !

মনীষা । হেসোনা অশোকদা ! তুমি মরবে, আর আমি দাঁড়িয়ে দেখবো ?

এ কথা তুমি ভাবতে পার ?

অশোক । যখন মরতেই দেবেনা, তখন নিশ্চিন্ত মনে একটু ঘুমতে দাও ।

খড়খড় ঘুম পাচ্ছে ।

মনীষা । আচ্ছা, ঘুমোও...

মনীষা আলোটা ডিম্ করিল এমন সময়

দরজায় নকিং-এর শব্দ

অশোক । কে ?

মনীষা । বোধ হয় বৌদি—

অশোক । তিনি জানেন, আমি এখানে আছি—

মনীষা । হ্যাঁ জানেন—অমার এক দাদা এসেছেন । তাঁর কাছ থেকেই

তো খাবার নিয়ে এসেছি—তুমি ঘুমোও ।

মনীষা বাহিরে গিয়াই ফিরিয়া আসিল

শীগ্‌গির ওঠো অশোকদা, পুলিশ !

অশোক । পুলিশ ?

মনীষা । হ্যাঁ, বৌদি বলে গেল—পুলিশ এসেছে...

অশোক । তবে আর ওঠার প্রয়োজন কি ? শুয়েই থাকি...

মনীষা । না, না, ওঠো, এদিকে এসো—

ঘরের যে দরজা দিয়া আসিয়াছিল, মনীষা অশোককে সেখানে দাঁড় করাইয়া

নিজে আড়াল করিল, রিভলবারটা হাতে লইল আ লাটা সম্পূর্ণ

নিভাইয়া দিল । দরজায় নকিং হইল—

দরজা খুলিল—

মাধব ও দারোগা প্রবেশ করিলেন

মাধব । তোমার ঘরে আলো নেই মনীষা ?

মনীষা । ছিল, নিভে গেছে ।

দারোগা । টর্চ রয়েছে আর আলোর প্রয়োজন কি ?

টর্চ ফেলিয়া ঘরের চারিদিকে দেখিলেন

দেখুন, সাইকেলটা পড়ে আছে—ঠিক কনকবাবুর ঘরের সোজাসুজি  
নীচেয় । চলুন, আমরা সামনের ছাতটা আর একবার ভাল করে  
দেখে আসি...

মাধব । কোথায়ও লুকিয়ে রাখো নি তো ?

মনীষা । কাকে ?

মাধব । তোমার প্রিয়তম খুনী আসামীকে !

মনীষা । তিনি তো একটা স্বেচ্ছা নন—



দ্বিতীয় অঙ্ক

সিঁথির সিঁদূর

চতুর্থ দৃশ্য

মনিষা । ই্যা, স্টুচ হয়েই ঢুকেছেন । এখন কি হয়ে বেরবেন তাই তো ভাবছি...

দারোগা । চলুন, চলুন, সে এখানে নেই ।

উভয়ের প্রস্থান

মনিষা দরজা বন্ধ করিল—তারপর অশোককে হাত ধরিয়া শয্যায় উঠাইল

মনিষা । এখন নিশ্চিন্ত মনে ঘুমোও...

অশোক । আলোটা জালবার কোনো উপায় নেই ?

মনিষা । না । আমি এই শিওরে বসেই বাকি রাতটুকু জেগে থাকবো...

অশোক । ( শুইয়া ) Oh, my beloved lady with the revolver,  
how beautiful you are in this dreadful darkness !

মনিষা । থাক—আর উচ্ছ্বাসের প্রয়োজন নেই—ঘুমিয়ে থাকো...

ঢং ঢং ঢং ঢং—পাঁচটা বাজিল

অশোক । পাঁচটা বাজলো ?

মনিষা । ই্যা ।

একটা জানালা খুলিতেই ভোরের আলো ঘরের মধ্যে প্রবেশ করিল

ঘুম আর হবে না, অশোকদা ! ড্রেস্ ক'রে নাও...

অশোক উঠিল, ঘরের মধ্যে যে সামান্য আলো আসিয়াছিল—তাহার

সাহায্যেই ড্রেস্ করিল—মনিষা মাথার টুপিটাকে

একটু সামনের দিকে টানিয়া দিল

মনিষা । টুপিটা যেন এইভাবে থাকে—বিভলবারটা হাতে নাও...

অশোক । কেন ?

মনীষা। খুনের অপরাধে যার ফাঁসি হবে, প্রয়োজন হলে, সে একটা-টো  
খুন না-করেই বা কেন মরবে ?

অশোক। তা' বটে। আচ্ছা, তা'হলে আমি এখন আসি ? তোমার  
উদ্গাদনা দেখে মনে হচ্ছে, যেন বাঁচবো...

প্রস্থান

মনীষা জানলার দিকে চাহিয়া রহিল

রাগীর হাত ধরিয়া মানদার প্রবেশ

মানদা। মনীষা ! এত ভোরে তোমার ঘর থেকে বোরিয়ে গেল কে ?

মনীষা। কই, কেউ তো যায়নি ?

মানদা। কেউ যায়নি ? কাল রাত্রে কনক কোথায় ছিল বোমা ?

রাগী। বোস-পাড়ায় থিয়েটার করতে গেছেন, আর ফেরেন নি।

মানদা। থিয়েটার করতে গেছেন, না তোমার শ্রদ্ধ করতে গেছেন ?

শ্রদ্ধা মেয়ে ! আজই তুমি এ বাড়ি থেকে চলে যাও মনীষা ! নইলে  
আমি অনর্থ ঘটাবো...

ব্যস্তভাবে মাথবের প্রবেশ

মাথব। চুপ্ ! চাঁচানেচি ক'র না।

মানদা। আমি স্বচক্ষে দেখেছি বাবা ! কনক এই ঘর থেকে বেরিয়ে  
গেছে...

মাথব। আঃ চুপ্ করো বোমা, কেলেকারী হবে, জাত যাবে—এদিকে  
এসে একটা কথা শুনে যাও...

মাথব ও মানদার প্রস্থান

দ্বিতীয় অঙ্ক

সিঁথির সিঁদূর

চতুর্থ দৃশ্য

মনীষা । বোদি ! শীগ্‌গীর তোমার সিঁদূরের কোটোটা নিয়ে এসো তো...

রাণী । কেন ?

মনীষা । দরকার আছে...

রাণী আনিল

আমার সিঁথিতে একফোটা সিঁদূর পরিয়ে দাও...

রাণী । সে কি, তুমি কি বলছ ?

মনীষা । হ্যাঁ, হ্যাঁ, আমি যা বলছি তাই করো । দাদামশায় এসে  
পড়বেন । শীগ্‌গীর—শীগ্‌গীর...

রাণী । তুমি যে কুমারী মেয়ে !

মনীষা । আঃ দাও, আমি নিজেই পরছি...

কোটোটা লইয়া আয়নার হৃৎস্থে গেল—সিঁদূর পরিল

কেমন দেখাচ্ছে বোদি ? হা হা হা...

রাণী । তোমার কি মাথা খারাপ হয়েছে—মনীষাদি ?

মনীষা । মাধব রায় জমিদার, আর অশোক সেন সামান্য চাষা—  
হা হা হা...

রাণী । কিন্তু, তুমি সিঁদূর পরলে কেন ?

মনীষা । কাল রাত্রে আমার বিয়ে হয়ে গেছে যে—আমার বরকে তুমি  
খাবার পাঠিয়ে দিলে, পোষাক পাঠিয়ে দিলে, মনে নেই ?

রাণী । তুমি তো বলেছিলে তোমার দাদা এসেছিল—ভাই-বোনে বিয়ে  
হয়ে গেল ? বেশ মজার কথা তো !

কনকের প্রবেশ

কনক । মনীষা !

মনীষা । এসো কনকদা, কাল সারারাত কোথায় ছিলে !

কনক । বোস-পাড়ায় থিয়েটার ছিল যে । ওঃ কী চমৎকার বীরেন্দ্র  
সিংহের পাট প্লে করেছি—সবাই বলেছে—একবারে সার হেন্রি  
আরভি !

মনীষা । বাঃ, তুমি পাড়ায় পাড়ায়—বীরেন্দ্র সিংহ সেজে বেড়াবে—আর  
তোমার ‘ইন্দিরা’ কেঁদে কেঁদে বালিশ ভেজাবে ?

মাধবের প্রবেশ

মাধব । মনীষা, তোমার বাবা ‘তার’ করেছেন, তোমাকে অবিলম্বে  
কল্কাতায় পাঠিয়ে দিতে—তুমি যাবে ?

মনীষা । হ্যাঁ, বাবো ।

প্রণাম করিল

মাধব । ওকি ! তোমার কপালে সিঁদুর কেন ?

মনীষা । কাল রাত্রে আমার বিয়ে হয়ে গেছে ঠাকুরদা !

হাসিল

মাধব । ( চমকিয়া ) বিয়ে হয়ে গেছে ? কার সঙ্গে ?

মনীষা । খুনী আসামী অশোক সেনের সঙ্গে !

মাধব । অশোক তা’হলে তোমার ঘরেই ছিল ?

মনীষা। আজ্ঞে হ্যাঁ। আমি আজই কলকাতায় যাচ্ছি দাদামশাই !

দেব। বেন—আমার সিঁথির এই সিঁদূর যেন মোছে না।

মাধব। কনক! শীগ্গীর নিবারণকে ডেকে আন তো...

কনক। কেন ?

মাধব। দেখছি স্নান, মনীষার কপালে সিঁদূর ! সতী-সীমন্তিনীর ও  
সিঁদূর আমি মুছবো কি করে ?

কনক। দারোগা কি এখন আর সে কথা শুন্বে ?

মাধব। কেন শুন্বে না, নিশ্চয়ই শুন্বে। দশ হাজার নিয়েছে—না  
হয়—আরো দশ হাজার নেবে—নিবারণ ! নিবারণ !

গ্রহান

কনক। আশ্চর্য্য মেয়ে তুমি মনীষা !

মনীষা। ( পদধূলি লইয়া ) তোমাদের চেয়ে বেশী আশ্চর্য্য নই ! কনকদা,  
অশোক সেনকে ফাঁসিকাঠে ঝোলাবে ? আমি বেঁচে থাকতে পারবে  
না—কিছুতেই পারবে না। তুমিও দেখো কনকদা ! আমার এই  
সিঁথির সিঁদূর যেন মোছে না। যদি মোছে—তা'হলে তোমাদের  
এই জমিদারীকে আলিয়ে-পুড়িয়ে ছাই করে দেব আমি। আমার  
স্বামীর অসম্পূর্ণ কাজের ভারটা আমিই গ্রহণ করবো...

## শব্দময় দৃশ্য

স্থান—মাধব রায়ের কক্ষ

কাল—পূর্বাহ্ন

দৃশ্য—মাধব উষ্ণভাবে গড়গড়ায় তামাক টানিতেছিলেন। পার্শ্বে মনীষা দাঁড়াইয়া ছিল।

মাধব। আমি আবার একথানা জরুরী তার করেছি মহীতোষকে—  
আজই সে আসবে। আমার অন্তরোধ রাখো দিদিমণি, তুমি আজ  
আর কলকাতায় যেয়ো না। (অন্তরিকে) ওরে লালু! নিবারণ  
কি এখনো থানা থেকে ফিরলো না?

লালুর প্রবেশ

কনক। আজ্ঞে না।

মাধব। (ক্রুদ্ধভাবে) বলি, থানায় কি আমার শ্রাদ্ধের নিমন্ত্রণ খেতে  
গেছেন তিনি? কনককে বল বরকন্দাজ ষাঠাতে...

লালুর প্রস্থান

হ্যাঁ, কি বলছিলে দিদিমণি?

মনীষা। আমার দুঃশ্চিন্তার কারণ আপনি ঠিক বুঝতে পারছেন না।

মাধব। ঠিক বুঝতে পারছি—তুমি নিশ্চিন্ত হও। আমি মাধব রায়—  
'না'কে 'হ্যাঁ' করতে পারি—আবার 'হ্যাঁ'কেও 'না' করতে পারি।  
অশোকের আর কোনো ভয় নেই।

মনীষা। কিন্তু তিনি এখন কোথায় কি অবস্থায় আছেন, না-জানা  
যাক্ত.....

মাধব। দেখো বিবিসাহেব! সবে তো কাল রাত্রে 'সয়স্বর' হয়েছ—  
নতুন বিয়ে কনে তুমি—ভাতারের জন্তে অতো দরদ দেখাতে লজ্জা  
করছে না তোমার ?'

মনীষা। ( কাঁদিয়া ) কেন আপনি এমন কাজ করলেন দাদামশাই ?

মাধব। সে কথা তুলে কেন আর লজ্জা দিচ্ছ আমাকে ? চোদ্দ-পুরুষের  
জমিদারী, কত খুন-জখম আর মামলা-মোকদ্দমার ফলে রক্ষে-করা  
জমিদারী, আমার ভয় হলো, অশোক ইচ্ছে করলে, আমাকেই দূর  
করে তাড়িয়ে দিতে পারে। সত্যি দিদিমণি—আমি স্বীকার  
করছি—তুমি একটি মানুষের মত মানুষকে বিয়ে করেছ।

মনীষা। তা'হলে আমি কোনো অত্মায় করিনি বলুন ?

মাধব। নিশ্চয়ই না। মহীতোষ যে এই ছেলের সঙ্গেই তোমাকে  
বিয়ে দেবে বলে পাগল হয়ে উঠেছিল। তুমি তো তোমার  
বাবার অমতে কোনো কাজ করনি ! সে তোমার এ সয়স্বরের কথা  
শুনলে আনন্দে অধীর হয়ে উঠবে। ওরে লালু ! নিবারণ কি  
এখনো ফিরলো না ?

কনকের প্রবেশ

কনক। দাদামশাই ! জ্যেষ্ঠামশাই এসেছেন...

মাধব। কে ? মহীতোষ ? কোথায় সে ? আমার লাঠিটা...

ব্যস্তভাবে প্রস্থান

মনীষা। আচ্ছা, অশোকবাবু তো ভোরের ট্রেনেই কলকাতায়  
পালিয়েছেন ?

কনক। না, পালাতে পারেন নি, ষ্টেশানেই ধরা পড়েছেন। (হাসিল)  
মনীষা। হাসছ কেন ?

কনক। কাল যাকে বলেছ অশোক দাদা, আজ তাকে বলেছ অশোকবাবু !  
মেয়েদের এই যখন-বেমন তখন-তেমন ভাবটি ভারি চমৎকার।

মাধব ও মহীতোষের প্রবেশ

মহীতোষ। মনীষা !

মনীষা কিছুক্ষণ লজ্জায় অধোবদন রহিল, মহীতোষ তাহার মাথায় হাত  
বুলাইতে লাগিলেন—হঠাৎ সে কাঁদিয়া ফেলিল

মনীষা। বাবা এখন উপায় ?

মাধব। তাইতো, নিবারণ এখনো থানা থেকে ফিরছে না কেন ?

অস্থিরভাবে পদচারণা করিতে লাগিলেন

মহীতোষ। চলুন না—আমরা একবার থানায় যাই...

মাধব। কেন ? তুমি ভাবছ—দারোগা আম্বে না ? দশটি হাজার  
টাকা দিয়েছি। মহামাত্ত ভারতসম্রাটের একজন প্রতিনিধি সে,

ঘুসু খেয়ে নিরপরাধীকে ফাঁসি দিতে পারা কি তাঁর পক্ষে সম্ভব ?  
আমি তাহলে বিলেত পর্য্যন্ত লড়বো না ?

মহীতোষ। আপনিই তো ঘুসু দিয়েছেন ..

মাধব। হ্যাঁ দিয়েছি, কিন্তু সে কেন নিয়েছে ? আমার জমিদারী-রক্ষার



প্রয়োজনে আমি ঘুম দিতে পারি কিন্তু সে তা' কিছুতেই নিতে পারে না। হুহুশব্দে—চরণ-বিলের জলগুলো যেদিন বেরিয়ে গেল—সেদিন কি আমার মাথা ঠিক ছিল মহীতোষ? অশোকের নাম শুনেই যে আগুন জ্বলে উঠতো এই মাথার ভেতর! মনীষা। আজ আপনি তাঁর কাছে হেরে গেছেন বলুন?

হাসিল

মাধব। কথখনো না। আমি হেরে গেছি তোমার কপালের ওই এককোঁটা সিঁদূরের কাছে। তুমি যদি সেই সত্য-সীমন্তিনীর মতো, আমার ইষ্টদেবী মা-জগদম্বার মত, আমার সামনে এসে না-দাঁড়াতে, তা'হলে আজ আর কারো সাধ্য ছিল না যে অশোককে রক্ষা করে।

নিবারণের প্রবেশ

কই সে দারোগা কই?

নিবারণ। (অত্যন্ত ভীতভাবে) এলেন না। বল্লেন, এখন আর কোনো হাত নেই তাঁর...

মাধব। (ক্রুদ্ধভাবে) হাত নেই? আচ্ছা, মহীতোষ! একথানা টেলিগ্রাম লেখ তো। আমি বাংলায় বলি—তুমি তরজমা করো—“রায়গ্রাম থানার দারোগা, জমিদার মাধব রায়ের কাছ থেকে দশ হাজার টাকা ঘুম খেয়ে—নিরপরাধ অশোক সেনকে গ্রেপ্তার করেছেন। অবিলম্বে আপনার উপস্থিতি প্রার্থনীয়।” দস্তখৎ করো তোমার নাম।

মহীতোষ। এতে কিন্তু আপনিও বিপন্ন হবেন।

মাধব। তা' হই হবো। তা' বলে কি—আমার নাত্নীকে বিধবা  
করবো আমি? তুমি কি বলছ মহাতোষ? আমি নিজে জেল পাটবো  
—তবু অশোককে তো বাঁচাতে হবে?

দারোগার প্রবেশ

কি হে নবাব-সিরাজদ্দৌলা! ডেকে পাঠালাম গ্রাহই হলো না?  
অশোককে এখন ছেড়ে দাও...

দারোগা। কি বলছেন আপনি?

মাধব। যা বলছি তাই করো—অশোকের বিরুদ্ধে কোনো প্রমাণ নেই—  
তাকে ছেড়ে দাও। যদি না দাও—এই টেলিগ্রাম! কালেক্টর  
সাহেবের কাছে...

দিলেন

দারোগা। (দেখিয়া) কে আপনার কাছ থেকে দশ হাজার টাকা  
ঘুস খেয়েছে?

মাধব। তুমি খেয়েছ। ওই নিবারণ—দিয়েছে হাতে করে...

দারোগা। এই নিবারণ দিয়েছে?

মাধব। হ্যাঁ। দশহাজার পেয়েছ—আরো দশহাজার পাবে—ছেড়ে দাও—

নিবারণ ভীতভাবে এদিক ওদিক চাহিতেছিল—

দারোগা তাহা লক্ষ্য করিলেন

দারোগা। (একজন কনেষ্টবলকে ইঙ্গিত করিল) ছাওকাপ লাগাও—  
গুহন মাধববাবু! আপনাকে আমি পিতার মত শ্রদ্ধা করি। আজ

পাঁচ বছর এখানে আছি—বহুভাবে আপনার স্নেহ ও বন্ধু লাভ করেছি—কিন্তু এ কথা নিশ্চয়ই জানবেন—আমি কখনো ঘুস খাইনি। আমি এনকয়ারি ক’রে দেখবো—স্বাক্ষরী যদি ঘুস খেয়ে অশোকবাবুর নামে, মিথ্যা জবানবন্দী দিয়ে থাকে—তা’হলে আমি তাকে এখুনি ছেড়ে দেব—কিন্তু এই নিবারণবাবুকে কিছুতেই ছাড়বোনা...

নিবারণ। (কাঁদিতে কাঁদিতে মাধব রায়ের পা জড়াইয়া ধরিল)।

আমাকে রক্ষ করুন ..

মাধব। টাকাগুলো কোথায় ?

নিবারণ। আমার বাড়ির পেছনে আমবাগানে পুঁতে রেখেছি...

দারোগা। পুলীশের নাম করে যারা ঘুস খায়—তারাই পুলীশের বড শত্রু ! নিবারণবাবুকে আমি কিছুতেই ছাড়বোনা—চলো...

নিবারণকে লইয়া দারোগা ও কনেইবলের প্রস্থান

মাধব। মহীতোষ ! আমি অবাক হয়ে গেছি—এত বড় বিশ্বাসঘাতক ওই নিবারণ ? অগচ্চ লোকটাকে আমি অত্যন্ত বিশ্বাস করতাম্—কী আশ্চর্য ! টাকাগুলো নিয়ে—আমগাছের গোড়ায় সার দিয়েছে ?

মাধব ও মহীতোষের প্রস্থান

## ষষ্ঠ দৃশ্য

স্থান—ধানা

কাল—অপরাহ্ন

দৃশ্য—ধানার লক্ষ্য আপে—নিবারণ ! বাহিরে একটা টেবিল—দুইপাশে অশোক,  
ও দারোগা। কনেষ্টবল দাঁড়াইয়াছিল।

দারোগা। একটা মিথ্যা এজাহারের ফলে আপনার মত একজন সদাশয়  
ও সুপণ্ডিত লোককে লক্ষ্য আপে আটকে রেখেছি—এজন্তে আমি  
আন্তরিক দুঃখিত—আমাকে ক্ষমা করবেন।

অশোক। আপনি আপনার কর্তব্য করেছেন।

দারোগা। আজ্ঞে হ্যাঁ, সেইটুকুই আমার সাধুনা। আমাদের কর্তব্য  
বড়ই জটিল। শান্তি ও শৃঙ্খলা রাখবার জন্তে দেশের লোক যদি  
সাহায্য না করে, আমরা কি করতে পারি বলুন ?

রক্তাক্ত বেহে মাধব আসিয়া তাহাদের সামনে দাঁড়াইলেন

একি মাধববাবু ! আপনার এ অবস্থা কে করলে ?

মাধব। তার নাম বলবোনা। এখানে আসবার সময় পথে দেখা হলো  
তার সঙ্গে। বেশ শাস্ত ও সংযতভাবে সে আমাকে একটা প্রণাম  
করলো—তার পর হঠাৎ আমার হাতের লাঠিটা কেড়ে নিয়ে, আঘাত  
করলো আমার মাথায়।

দারোগা। কে সে তার নাম বলুন—আমি তাকে এখন গ্রেপ্তার করবো।

মাধব। না, না নাম প্রকাশ করবোনা। আমার বরকন্দাজরা তাকে পাকড় করেছিল—কিন্তু আমি ছেড়ে দিয়েছি। তার মত একটা সামান্য লোক আমাকে মেরেছে—এ কথা প্রকাশ হওয়ার আগে আমার মৃত্যু হওয়াই বাঞ্ছনীয়! বুঝলে দারোগা—এ জমিদারীর মালিক এখন অশোক সেন—মাধব রায় নয়।

দারোগা। আপনার বোধ হয় খুব—কষ্ট হচ্ছে?

মাধব। না, না, তেমন বেশী আঘাত লাগেনি। সামান্যই একটু কেটে গেছে। এই রক্তের দাগটা মুছে দিতে পার? আর কেউ না দেখে—বড্ড লজ্জা করছে।

দারোগার গ্রন্থান

অশোক। আপনাকে মেরেছে বোধ হয় কৈলাশ সরদার?

মাধব। হ্যাঁ। গুল্লাম পরগণার চাষারা সবাই ক্ষেপে উঠেছে! তোমাকে ফিরিয়ে নিতে না-পারলে, তারা সব জমিদার বাড়িতেই চড়াও হবে। আমিও গুলি চালাতে বাধ্য হবো। মিছেমিছি কেন আর সে অনর্থটা ঘটাবে? এখন চলো আমার সঙ্গে...

দারোগা তুলা, জল ও টিনচার আইডিন আনিলেন। মাধবের রক্তের

দাগ মুছাইয়া দিলেন

দারোগা। বলুন লোকটার নাম কি? আমি তাকে ধরিয়ে এনে, একটু ধমকে দেব।

দ্বিতীয় অঙ্ক

সিঁথির সিঁদূর

ষষ্ঠ দৃশ্য

মাধব। তুমি ধম্কে দেবে? হা হা হা হা—রায়গাঁর জমিদার মাধব°  
রায়কে আর লজ্জা দিওনা—দারোগা! এখন অশোকবাবুকে ছেড়ে  
'দাও—নাতজামাই সাজিয়ে নাক আর কান দুটো বাঁচাবার চেষ্টা  
করি...

দারোগা। আমি তো গুঁকে ছেড়ে দিয়েছি...

কৈলাস সরদারকে বাঁধিয়া লইয়া, দুইজন বরকন্দাও কনকের প্রবেশ

কনক। দাদামশাই! এই কৈলাশ নাকি আপনাকে অপমান করেছে?

মাধব। চুপ্! হেই হারামজাদারা আমি যে বলে এলাম গুঁকে ছেড়ে  
দিতে?

কনক। আমি বলেছি বেঁধে আনতে।

মাধব। খুব বুদ্ধিমান তুমি...

অশোক। ছি, ছি, সরদার—কেন তুমি এমন কাজ করলে?

কৈলাশ। জোয়ান-বয়েসে ওই মাধববাবুর হুকুমে অনেক মাথা ভেঙেছি।

সেই পাপের প্রাচিতির করলাম আজ, মাধববাবুর মাথাটা ভেঙে—

দোহাই বাবু! আমাকে ক্ষমা করো—

পদতলে পড়িল

মাধব। আঃ, আমি যে বলছি আমার মাথা ভাঙেনি—তবু তোমরা  
গুনবেনা? (কপালের রক্ত চাপিয়া ধরিয়া) উঃ আবার রক্ত বেরুচ্ছে!  
জমিদারের রক্ত! আমি জমিদার! চলো অশোক, আর দেরি  
করনা—কৈলাশ! তুমিও চলো, জমিদার-বাড়িতে আজ তোমাদের  
নেমন্তন্ন! চলো—চলো—সবাই চলো।

## সপ্তম দৃশ্য

স্থান—মনীষার কক্ষ

কাল—সন্ধ্যা

দৃশ্য—মনীষা রাণীকে পাউডার এসেন্স প্রভৃতির সাহায্যে সাজাইতেছিল

রাণী। 'বর আসবে তোমার, তুমি কেন আমাকে এত ক'রে সাজাচ্ছ।

মনীষাদি ?

মনীষা। তোমাকে আজ নূতন ক'রে কনকদার সঙ্গে বিয়ে দেব। ছাদনা-তলায় যে বিয়ে হয়েছিল—সে বিয়েতে শালগ্রাম ছিল, মন্তর ছিল, কিন্তু সত্যিকার বিয়ে ছিলনা। হাতে হাত বাঁধা হয়েছিল বটে, কিন্তু মনের সঙ্গে মনের কোনো মিল হয়নি। সত্যিকার মিলন মনের পরিচয়, শুধু এই দেহের বাঁধন নয়।

রাণী। তুমিতো আমার দেহটাকেই সাজাচ্ছ ? মনের সঙ্গে এর সম্বন্ধ কি ?

মনীষা। একদল মূর্থ পুরুষ মানুষ আছে—যারা বাইরের সাজসজ্জা দেখেই ভোলে—মনটা তাদের আগে নয়। বাইরের রূপ-রসে আকৃষ্ট না-হ'লে, বোকে তারা সহ্য করতেই পারেনা।

কনকের প্রবেশ

দেখো তো কনকদা, বৌদিকে আজ কেমন সাজিয়েছি ? ভাল লাগছে ? ভালবাস্তে ইচ্ছে হচ্ছে ? বৌদি ! সেই ইংরেজি কথাগুলো বলো তো—তোমাকে যা' শিখিয়ে দিইছি—

কি। ইংরেজিও শিখিয়েছ নাকি ?

মনীষা। হ্যাঁ—নইলে তুমি ভালবাসবে কি ক'রে ? বলো বোদি, বলো—

তোমার পায় পড়ি বলো...

রাণী। One morn I met a lame man—in a lane close to  
my firm !

কনক। Ridiculous !

বনক চলিয়া যাইতেছিল

মনীষা। যেয়োনা কনকদা, দাঁড়াও। আচ্ছা, জিজ্ঞাসা করি—ছুটো ইংরেজি  
বুকনি ছাড়া বোদির আর কি অভাব আছে ? আর কি চাও তুমি  
তার কাছে ? এত সুন্দর, এত পবিত্র, এত মধুর...

কনক। রক্ষে করো মনীষা ! আমি তোমার বোদির কাছে কিছুই  
চাইনা।

যাইতেছিল

মনীষা। দাঁড়াও, যেয়োনা। কেন তুমি তাকে বিষ খেয়ে মরতে  
বলেছিলে ?

কনক। আমি বল্লেই কি সে মরবে ?

মনীষা। হ্যাঁ মরবে। বোদি আমার সেই মেয়ে—যে তার স্বামীকে সুখী  
করবার জন্যে নিজেকে সম্পূর্ণভাবে অস্বীকার করতে পারে।

কনক। তুমি পারনা ?

মনীষা। না। আমি যদি তোমার বো হতাম, তা'হলে তোমার



প্রত্যেকটি ব্যবহারের জন্তে আজ আদালতে দাঁড়িয়ে কৈফিয়ৎ দিতে হতো—

কনক। তাই বুঝি বিয়ের আগেই সিঁদূর পরে অশোক সেনের প্রাণরক্ষা করলে ?

মনীষা। এ অভিযান'তো মিথ্যার বিরুদ্ধে—অত্যাচার বিরুদ্ধে ! সত্যিই যদি অশোকবাবু মাতাল হতেন, বেগা খুন করতেন, তাহলে আমার এ দৈন্ত নিশ্চয়ই ধরা পড়তেনা। He is a saint and you are a satan ! তার প্রাণরক্ষার জন্তে শুধু সিঁদূর পরা কেন, মরতেও তো পারি কনকদা !

কনক। বেশ—মরো...

প্রস্থান

একটা কাপড়ের পুটুলী বগলে সুন্দরীর প্রবেশ

সুন্দরী। দিদিমণি আমি চললাম। তোমার কাছে যদি কোনো অপরাধ ক'রে থাকি, আমাকে ক্ষমা ক'রো...

রাণী। কোথায় চল্লি ?

সুন্দরী। চাকরীতে আমার জবাব হ'য়ে গেছে। মা-ঠাকরুণ আমাকে বিদেয় করে দিয়েছেন...

রাণী। কেন ?

সুন্দরী। ওই বি, এ, পাশ মেয়ে নাকি—দাদামশায়ের কাছে বলেছেন—আমার চরিত্রের ভালনা। আমিই নাকি যত অনর্থের গোড়া। আমি যদি—সতীমায়ের সতী মেয়ে হই—তা'হলে ওর চোখ দুটো অন্ধ

দ্বিতীয় অঙ্ক

সিঁথির সিঁদূর

সপ্তম দৃশ্য

হবে—কুষ্ঠব্যাধি মহারোগ হবে—হে মা ওলাইচণ্ডী ! হে বাবা ঝড়ো  
ঠাকুর ! আমার কথা শুনো...

আঙ্গুল ভাঙিয়া অভিশাপ দিতে লাগিল

মনীষা হাসিতেছিল

রাণী। তুমি তো হাসছ মনীষাদি, কিন্তু আমার বুকের ভেতর  
কাঁপছে...

মনীষা। ঠাকুর-দেবতারা তো ওর খাস্তালুকের প্রজা নন? ভয় কি?

আচ্ছা, সুন্দরী ! বোদিকে বিব এনে দিয়েছিলে কেন?

সুন্দরী। আমি বিব এনে দিয়েছি? ওমা কি হবে! ওমা, একি  
কলঙ্কের কথা গো! ওরে হাড়ির মেয়ে, বাগ্‌দীর মেয়ে, কাঁওরার  
মেয়ে, তোর সর্কনাশ হবে—সর্কনাশ হবে—সর্কনাশ হবে—

প্রস্থান

রাণী। তুমি হাসছ?

মনীষা। কি করবো বোদি! এদের অবস্থা দেখলে দুঃখ হয়—কিন্তু  
উপায় নেই!

রাণীর প্রস্থান

অশোকের হাত ধরিয়া পথ হইতে চিৎকার করিতে করিতে মাধবের প্রবেশ

মাধব। ওরে কনক! ও কনক! বলি—কনক কোথায় গেল?  
তোমরা কেউ জানো?

কনকের প্রবেশ

এই যে—কোথায় ছিলে এতক্ষণ ? বলি—একথানা কাপড়, একটা জামা, আর একজোড়া জুতো ! জোগাড় করা কি সম্ভব হলো না ?  
কনক । কই আনাকে ভোঁ বলেন নি ?  
মাধব । তোমাকে না বলেছি—তোমার মাকে তো বলেছি ? এখন দয়া করে তুমিই না হয় নিয়ে এসো ? আমার মনীষাকে যে বিয়ে করবে, তার এই বাঁদুরে-চেহারা !

মহীতোষের প্রবেশ

তুমিই বলো মহীতোষ ! এমন ময়লা কাপড়-জামা আর ছেঁড়া জুতো কি ভদ্র লোকে পরে ? দিদিমণি আমার সিঁদূর পরে বসে আছে ! শাস্ত্রোক্ত বিয়েটা যে আজই হওয়া দরকার—কলিতে তো সয়ম্বরা-প্রথা নেই.....

অশোক । কে বলেছে আপনার মনীষাকে আমি বিয়ে করবো ?

মাধব । বটে ? বিয়ে করবে না ? আব্দার ? বলি, দারোগা তোমাকে আমার বাড়ি পর্য্যন্ত পৌঁছে দিয়ে গেল কেন ?

অশোক । দশ হাজার টাকা ব্যয় করেও আমার বিরুদ্ধে সেই মিথ্যা অভিযোগটা টেকাতে পারেননি বলে...

মাধব । ওসব বাজে কথা রেখে দাও—অভিযোগ টিক্তো কি না-টিক্তো সে আমি দেখিয়ে দিতাম, যদি-না আমার এই দিদিমণি এক ফোটা সিঁদূর পরে বসে থাক্তো ।

রাগে কাঁপিতেছিলেন

অশোক । আপনার নিগ্রহ বা অনুগ্রহ কোনটাই তো আমি চাইনি ?

আপনি আমার উপর চোখ রাঙাচ্ছেন কেন ?

মাধব । নিশ্চই চেয়েছ । নইলে রাত-দুপুরের চোরের মত আমার এই  
দিদিমণির ঘরে গিয়ে উঠতে না । সারারাত একটা কুমারী-মেয়ের  
ঘরে লুকিয়ে থেকে, এখন বিয়ে করবো না ! ত্বাকামো হচ্ছে ? পাজি  
বদ্মায়েস্ ! কি করবো, দিদিমণি আমার হাত দু'থানা বেঁধে রেখেছে  
—নইলে জুতিয়ে লম্বা করতাম তোমাকে...

অশোক । ( হাসিয়া ) কিন্তু মাধববাবু আপনি ভুলে যাচ্ছেন—আমি  
আপনার কাছে একটা প্রতিশ্রুতি চেয়েছি...

মাধব । কি প্রতিশ্রুতি ?

অশোক । প্রজাদের উপর আপনি আর কোনও অত্যাচার করবেন না ।

মাধব । বটে ? বটে ? আবার সেই প্রতিশ্রুতি ! তাহলে কি মনীষার  
সঙ্গে সঙ্গে আমার এ জমিদারীটাও আমি তোমাকে দিচ্ছি ? এ  
জমিদারীতে তোমার উড়্বে জয় পতাকা ! আর তার সাম্নে নতজাহ্ন  
হয়ে রইবে এই মাধব রায় ? না না না—মহীতোষ ! বাইরে চলো—

উভয়ের প্রস্থান

মনীষা । অশোকবাবু ! সে প্রতিশ্রুতি আমিই দিচ্ছি—

অশোক । ( হাসিয়া ) তুমি খুব চটে গেছ দেখছি...

মনীষা । কেন চটবো না ? আপনি তো জানেন, আমি সমাজ মানি ?

অশোক । ( হাসিয়া ) তাই বুঝি বিয়ের আগেই এক ফোঁটা সিঁদূর  
পরে বসে আছ ?

মনীষা । আপনার মুখে শুনেছি—আপনার মা নেই, বাপ নেই, আত্মীয়

‘ স্বজন কেউ নেই। এই সিঁথির সিঁদূরটুকু অগ্রাহ্য করা আপনার পক্ষে খুবই সোজা। কিন্তু আমার উপায় কি ?

অশোক। কেন যে তুমি এত নিরুপায় হ’য়ে পড়লে, তাতো ঠিক বুঝতে পারছিনে ?

মনীষা। আমি কুমারী মেয়ে, সারারাত আপনি আমার ঘরে কাটিয়েছেন, এ কথা আজ সবাই জানে।

অশোক। সেই কারণেই তো তোমার হাতে একটা রিভলবার দিয়েছিলাম...

মনীষা। কে দেখেছে সেই রিভলবার ? অন্ধকার ঘরের ভেতর, কোনো নারী ও পুরুষের মাঝখানে একটা রিভলবারের ব্যবধান ছিল, একথা কে বিশ্বাস করবে ?

অশোক। জান্‌লা দিয়ে উঁকি দিচ্ছে, ওই মেয়েটিই বুঝি তোমার বোদি ?

মনীষা। হ্যাঁ।

অশোক। ওকে একবার ডাকোনা এখানে...

মনীষা। ওতো আমার মত বিএ, পাশ করেনি ? পুরুষকে ভয় করবার স্বাভাবিক প্রবৃত্তি ওর ভেতর এখনো আছে। তাই দূর থেকেই দেখে, কাছে এসে বিপন্ন হয়না আমাদের মত।

অশোক। ( হাসিয়া ) তুমি বিপন্ন হয়েছ ?

। নিশ্চয়ই। তুমি হাসছ ? কিন্তু আমার কান্না পাচ্ছে ! কেন তুমি আমাকে এভাবে বিপন্ন করলে ? মৃত্যু ছাড়া এখন আর আমার কোনো উপায় নেই...

অশোক । তোমার বৌদিকে একবার ডাকো, আমি ওর কাছেই গুনবো

—তোমার সঙ্গে আমার বিয়ে হ'তে পারে কিনা ?

মনীষা । তার মানে ?

অশোক । তুমি জমিদারের নাতনী, আমি চাষার ছেলে । ওই চাষার

মেয়েটি আমার ছোট বোন, আমি ওর দাদা !

মনীষা । ( বিস্মিতভাবে ) তুমি ওর দাদা ?

অশোক । হ্যাঁ, আমার ছোটবেলাকার নাম ছিল, অজয় !

রাগী বিস্মিতভাবে কাছে আসিল

রাগী । তুমি, তুমি আমার দাদা ?

অশোক । হ্যাঁ রাগী ! তুই আমার ছোট বোন । তোর বয়স যখন

ছ'সাত বছর—তখন আমি বাড়ি ছেড়ে পালিয়েছিলাম ।

আদর করিতে লাগিল

রাগী । দাদা ! দাদা এতদিন কোথায় ছিলে ?

কাঁদিতে লাগিল

অশোক । কাঁদিস্নে রাগী ! আমার জীবনে উচ্চাকাঙ্ক্ষা ছিল । বহু

দুঃখ ও কষ্ট সহ করে বিদেশে লেখাপড়া শিখেছিলাম । তারপর দেশে ফিরে দেখলাম—মা-বাবা কেউ বেঁচে নেই—আমাদের গায়ের লোক ভাষণ ম্যালেরিয়ায় ভুগছে—মনে মনে সঙ্কল্প করলাম, চরণ-বিলের জল-নিকাশ না ক'রে, কারো কাছে আত্মপরিচয় দেব না ।

কনক প্রবেশ করিয়া দেখিল অশোক রাণীকে বৃকের কাছে টানিয়া লইয়া  
আদর করিতেছে

কি দেখছেন কনকবাবু? এই রাণী আমার ছোট বোন। আপনি  
এই চাবার বোনকেই বিয়ে করেছেন। আপনার বোন মনীষাকে  
এখন এই চাবার ছেলের সঙ্গে বিয়ে দেবেন কিনা, সে কথাটা  
দাদামশাইকে জিজ্ঞাসা করুন?

মাধব ও মহীতোষের প্রবেশ

মাধব। (বিস্মিত ভাবে) তুমি অজয়? আমরা তো শুনিছি, অজয়  
এখন—লঙ্কো-সহরে কোন্ বাইজীর বাড়িতে ডুগিতব্লা বাজায়?  
অশোক। দুর্ভাগ্য নিয়ে যারা জন্মগ্রহণ করে—মানুষ তাদের সম্বন্ধে ওই  
রকম কথাই শোনে।

মাধব। তুমি এত বড় হয়েছ, এত লেখাপড়া শিখেছ, তা'  
আমরা কি করে জানবো? এতদিন পরিচয় দিলে না কেন?  
তোমার বাবা কত ভাল-মানুষ ছিল—তার ছেলে তুমি! এমন  
বদ্‌মাইস্?

অশোক। পরিচয় দিতেই এসেছিলাম ঐকদিন। দেখলাম—আপনার  
জমিদার নাতি, আমার বোনকে 'চাবার মেয়ে' বলে ঘৃণা করছেন—  
তাই আর ইচ্ছে হলো না.....

মাধব। না, না, না, নাতবৌ আমার ঘরের লক্ষ্মী। কনক তাকে নিশ্চয়ই  
ভালবাসবে—নইলে আমি উইল করবো! হ্যাঁ...

লালুর প্রবেশ

লালু। একটি ‘চাষার মেয়ে’ এখানে আসতে চায়...

মাধব। কে সে?

লালু। কৈলাশ সরদারের মেয়ে...

মাধব। যে মেয়েটার সম্বন্ধে—অশোকের একটা অপবাদ রটেছিল?

ছি-ছি-ছি, মহীতোষ! জমিদার বাড়ির মান-সম্মত কিছুই আর রইলো না।

মনীষা। আপনি ভুল করছেন দাদামশাই—মেয়েটিকে আমি নিয়ে আসছি...

• মনীষার প্রস্থান

মাধব। দেখো অজয়! জমিদার মাধব রায়ের নাতি এই কনক—তার সম্বন্ধী তুমি! তোমার কি উচিত হয়েছিল, সেই চাষাদের মধ্যে গিয়ে পড়ে থাকা? সত্যিই হোক আর মিথ্যেই হোক—কৈলাশের মেয়ে যদি এখানে এসে, তোমার চরিত্র-সম্বন্ধে দুটো কথা বলে—তাহলে কি—আমাদের মাথা-কাটা যাবে না?

অশোক। সেই জন্তেই তো বলছি—এখন বিবেচনা করে দেখুন—আমার মত একটা চরিত্রহীন চাষার সঙ্গে মনীষার বিয়ে দেবেন কিনা?

মাধব। (উত্তেজিত ভাবে) নঃ-দিয়ে আর উপায় কি? দিদিমণি আমার যে—সিঁদূর পরে বসে আছেন...

মালাকে কোলে লইয়া মনীষার প্রবেশ

ওকে?

মনীষা। এই তো কৈলাশ সরদারের মেয়ে মালা.....



মাধব । ওই এক রত্তি মেয়ে সম্বন্ধে...

অশোক । আজ্ঞে হ্যাঁ—আপনারা জমিদার, ভদ্র, আর ওরা গরীব,  
চাষা, ওদের সম্বন্ধে আপনারা যা' রটাবেন—তাইতো রটবে !  
প্রতিবাদ করবে কে ?

মালা । বাবু ! তোমার নাকি বিয়ে ? এই দেখো বর-কণের জন্তি  
আমি ছুই ছড়া মালা গাথে আনিছি—

মাধব । পরিয়ে দাও—পরিয়ে দাও—ওরে শাঁখ বাজা ! উলু দে...

উলুধনী ও শঙ্খধনী হইল—মালা ছ'জনের গলায় ছ'ছড়া মালা পরাইয়া দিল

মনীষা ও রাণী মাধবকে প্রণাম করিল

মনীষা । ( অশোকের কাছে গিয়া ) যাও, দাদামশাইকে প্রণাম করো...

অশোক । উনি কি আমার প্রণাম গ্রহণ করবেন ?

মাধব । হুঁ, আশীর্বাদের প্রতিশ্রুতি না পেলে তুমি বুঝি কাউকে  
প্রণাম করো না ?

অশোক । ( হাসিয়া ) আজ্ঞে না । তবে আপনাকে—

হাসিতে হাসিতে প্রণাম করিল

মাধব । ফাজিল ! না, না, তোমাকে আমি কোনো আশীর্বাদ করবো  
না । কিন্তু—কিন্তু—আমার এই দিদিমণির সিঁথির সিঁদূর যেন  
অক্ষয় হয় ! ( কাঁদিলেন )

স্ববন্দিকা

## সংগঠনকারীগণ

নাট্যকার  
স্বর-সংযোজক

মঞ্চ-শিল্পী  
পরিচালক

বাঁশী

বেহালা

ট্রাম্পেট

হারমোনিয়ম

পিয়ানো

তবলা

স্মারক

সহকারী

আলোক সম্পাতকারি

মঞ্চাধ্যক্ষ

সহকারী

বেশকারী

ব্যাক গ্রাউণ্ড মিউজিক্

মেকআপ

প্রচারক

শ্রীজলধর চট্টোপাধ্যায়

শ্রীতুলসী লাহিড়ী বি, এল

শ্রীমণীন্দ্রনাথ দাস ( নান্দাবাবু )

শ্রীনির্মলেন্দু লাহিড়ী

শ্রীধীরেন্দ্র বন্দ্যোপাধ্যায়

শ্রীকমল বন্দ্যোপাধ্যায়

শ্রীজীতেন্দ্র চক্রবর্তী

শ্রীঘণ্টেশ্বর প্রামাণিক

শ্রীকালীপদ বন্দ্যোপাধ্যায় ( ২নং )

শ্রীকুমারকৃষ্ণ মিত্র

শ্রীকালীপদ বন্দ্যোপাধ্যায় ( ১নং )

শ্রীজ্যোৎস্নকুমার মুখোপাধ্যায়

শ্রীপ্রফুল্লচন্দ্র ঘোষ

শ্রীশঙ্কর ভট্টাচার্য্য

শ্রীতুলাল দাস

শ্রীপাচকড়ি দত্ত

শ্রীপূর্ণ দে ( এঃ )

শ্রীঅমল্য নন্দী

শ্রীনৃপেন রায়

শ্রীগোবিন্দ দাস

শ্রীরাজকৃষ্ণ মহাপাত্র

নাট্য ভারতীর যন্তো-সজ্জ

সেক বেচু

শ্রীবিজয় মুখোপাধ্যায়

## প্রথম রক্তনীতে কে কোন অংশ গ্রহণ করিয়াছেন

মাধব রায়	শ্রীনির্মলেন্দু লাহিড়ী
আশোক	শ্রীরতীন বন্দ্যোপাধ্যায়
কনক	শ্রীজহর গাঙ্গুলী
মহীতোষ	শ্রীসন্তোষ সিংহ
কৈলাশ	শ্রীবিজয়কান্তিক দাস
রামকান্ত	শ্রীতুলসী চক্রবর্তী
দারোগা	শ্রীজ্যোৎস্নার মুখোপাধ্যায়
-সিবারণ	শ্রীশান্তি দাসগুপ্ত
লালু	শ্রীযতীন্দ্রনাথ দাস
দরোয়ান	শ্রীবটকৃষ্ণ দে
বরকন্দাজদ্বয়	শ্রীজ্ঞান চট্টোপাধ্যায়, কমল বর্দন
কনেষ্টবল	শ্রীগিরীন দে, অলিন দে
ভূত্য	শ্রীগিরীশ দে
মুটে	শ্রীযতীন্দ্রনাথ দে
আবহ সঙ্গীত	শ্রীঘণ্টেন্দুর প্রামাণিক
মানদা	শ্রীমতী রাজলক্ষ্মী ( বড় )
মনীষা	শ্রীমতী সুহাসিনী
রাণী	শ্রীমতী নির্মলা ( যুথিকা )
সুন্দরী	শ্রীমতী রাজলক্ষ্মী ( পচি )
মালা	শ্রীমতী বিজয়ী





